

43  
Polem.

645




Polem.

645

Joan. Cockleus

von der f. Maß u.  
für die vergr.

1534.






Polem.

645

Joan. Cockleus

von der f. Wess.  
Fürst zu Weyß.

1534.





# Inhalt dieses Büchlings

ynn sieben Capitteln.

- I Vom Ablass.
- II Von der wandlung Brods vnd weins im Sacrament.
- III Vom Opfer der Messe.
- III Von der Priester weyhe vnd Cresem.
- V Von der Tauffe.
- VI Von dem Predigamt.
- VII Von beyder gestalt des Sacraments.

## Summa Summarum.

Inn all diesen stücken ist mehr vnd sicherer zu glauben der gemeynen Christlichen Kyrchen/die ynn alle welt vñ alle gezung ausgebreyt/ Ablass/Wandlung/Opffer der Messe/ Priester weyhe zc. einmütiglich helt/durch ynnerlich eyngebung des heyligen geysts/der durch mancherley gezung die volcker versamlet ym eynigkheit des glaubens/ Dieser seülen vnd grundfeste der warheyt ist mehr zuglauben (sage ich) denn dem Luther / der mit dem bösen geyst vmbgehet. Schrifft hin/schrifft her/die Kyrch verstehet die Schrifft viel besser vnd gewisser durch den heyligen geyst/welchen yhr Christus zugesaget vnd gesandt hat / denn Luther durch den bösen geyst. Das ist ein wort so gut/als Tausende ynn viel zantzbüchern/Dabey mus es endlich bleyben/wenn wir schon Tausent jar disputirten.

# Vorrede D. Johan Loeleus.



**E** hat Martinus Luther/als ein vnru-  
 higer Kyrchen feind/abermals ein new-  
 es büchlein ans licht gegeben/mit dies-  
 sem Titel/ Von der winckelmesse vnd  
 pfaffen weyhe/darinn er vnsern heilig-  
 sten vater dem Papst heysset schmehe-  
 lich ein Ratten König (als solten Key-  
 ser/Könige/Fürsten/Cardinal Bischoffe vnd andre her-  
 ren / die yhn als den obersten Stathalter Christi ehren/  
 vnd fur den obersten Prelaten der ganzen Christenheyt  
 erkennen / fur Ratten zu achten sein) vnser Bischoffe  
 vnd pfarrherrn/Gottes dieb / Kyrchenreuber/winckel-  
 pfaffen/heillose verdampfte narren zc die heyligen Mess  
 einen Grewel/das vnbesleckte opffer vberm altar/einen  
 dreck/Eot vnd vnflat/die weyhe einen garstigen stincken  
 den Cresem zc. welche vberaus grewliche schmechwort/  
 billich solten bey allen Christen vnleydlich/vnd als hel-  
 lische fewrpfewl erschrocklich/nicht anders den als Teuf-  
 flisch Gottalestern/ynn ewige finsternis verstoffen wer-  
 den/die warlich kein Christliche oberkeit loben kan oder  
 dulden sol/denn solchs ynn allem rechten/auch ynn Göt-  
 licher schriftt verboten ist/dawon wir auch herliche Ex-  
 empel im alten Testament haben/widder solch Gottes  
 lesterer/als den heyligen David widder das grosse lester  
 mau Goliath/den fromen König Ezechiam widder den  
 bittern Gotteschender Rapsacen / den ernsthafftigen  
 fürsten Matathiam wider einen abtrünnigen Juden zc  
 Ober das alles / ist des Luthers kezerrey ynn sonderheyt  
 verdampft vnd offentlich verboten worden/im Keyser-  
 lichem Edict zu Worms / vnd ynn des heyligen Römi-  
 schen Reichs nechst auffgerichteten vnd verwilligten Re-  
 cessen gemeyner Reichstage / so darnach zu Speyer/  
 A ij Nürnberg

23. q. 4. et  
 24. q. 3.  
 per totū.  
 C. de haer-  
 etic. per  
 totum.  
 Deut. 13.  
 17. et 18.  
 1. Reg. 17  
 4. Reg. 19  
 1. Mach 2

Flürnberg/Augsburg/vnd Regenspurg gehalten sind.  
Derhalben solche lester-schrifft vō gehorsamen des Re-  
chs vnderthanen keins wegs sollen geduldet/ viel weni-  
ger gelesen werden / weil es on sund vnd ergermifs nicht  
geschehen mag.

Diese ma-  
teria ist  
zu vor wi-  
derlegt.

Wo aber Luther sonst dem frieb vnd Christlicher ey-  
nigkeyt nicht von hertzen feind were / hette er warlich  
solch schreyben wol vnderlassen mögen/ Denn er diese  
Materien offemals zu vor ynn viel seiner schriften auff  
die Ban gebracht/Vnd so yhm statlich/herlich vñ kreff-  
tiglich/aus der schrifft/darauff geantwort ist im latein  
von hochwirdigen vnd hochgelarten Bischoffen vnd  
Doctoren / ynn vnd ausserhalb Deudscher Nation/hat  
er bisher yhr keinem die wenigsten zeyl widerlegt/ Als  
sey es genug/allein den Deudschen vngelerten pöfel ein-  
zunemen/vnd durch listig vnd lügenhafftige Sophiste-  
rey zu vberreden/Gott geb/die gelarten schreyben zu la-  
tein dargegen was sie wollen.

Luthers  
liste vnd  
vorteyl.

Er hat alzeyt das vorteyl/nicht allein im zu vor ko-  
men/so er den ersten streich thut/vnd seyne hüchlein ynn  
grosser anzal leste ausfliegen/ehe den yhm antwort vom  
gegenteil mag offentlich gegeben werden/Sonder auch  
im fleischlichem vrteil des weltlichen pöfels/welchem er  
schalckhafftiglich die ohren krauet / so er die geystlichen  
lestert/vnd dem weltlichen pracht alles nach gibt/was  
dem fleisch vnd der synnligkeyt wolgefelt/denn ynn sey-  
nem Euangelio schadet keyne sund denn allein der vn-  
glaub/vñ die guten werck dienen nichts zu der seligkeit/  
vnd also darff sein anhang nicht fasten/beichten/beten/  
büssen zc. wie andere Christen / sondern allein glauben/  
vnd flux durch den glauben allein selig werden. Widder  
alle schrifft/Alts vnd Neues Testaments/wie S. Ja-  
cobus der Apostel / vnd S. Augustinus auffe deulichst  
vor.

Jac. 2.  
Augu. de  
fide et  
operibus.

vor langst beweist haben/welchs Luther alles veracht/  
vnd bleybt ein Deudscher schreyber/der dem vngelernten  
pöfel hofirt/vnd allen lust erlaube.

Über dieser Materien von der Mess vnd Priester-  
weyhe/haben yhm gar dapffer vñ gründlich geantwort  
lateinisch/auff sein lateinisch büchlin De abroganda mis-  
sa/Bischoff Johan Rossensis ynn Engeland/Bischoff  
Johan Vienensis ynn Osterreich/D. Elichtoneus ynn  
Francreich/D. Quintana/Key. Ma. Beichtvater yñ  
Hispania/D. Johan Eck yñ Bayern/D. Johan Men-  
singk ynn der Marck zc. So haben vnser etliche auch  
Deudsch darwidder geschrieben/als D. Joh. Dietenber-  
ger am Rhein/Licentiatius Emser Gotselig/vnd ich yñ  
Meysen zc. Er aber thut als wisse er nichts von vns al-  
len/vnd plaubert fort an/den pöfel yñ lügen zustercken/  
als müge man nichts darwidder auffbringen. Wiewol  
ich aber der aller wenigst bin/so dörfft ichs dennoch mit  
im zurecht wagen/vñ auff ordentlicher Richtern erkent-  
nis stellen/wie hoch ich solte/was ich zuvor widder yhn  
ynn dieser Materia geschryben hab/weytere disputatio-  
vmb friedes willen zuvermeyden.

Chetstis-  
che Scri-  
benten.

So er aber wol weys/das der pöfel wil allezeit was  
newes haben/hat er sich bevolffen hie newer weyse/auff  
Zwinglische meinung zu arguiren/als solten vnser Prie-  
ster schlecht brod vnd wein opffern ynn der Mess/Vnd  
gibe für/wie er zu Rom von Curtisanen gehört hab/das  
sie vber die hostia sprechen sollen/Panis es/panis mane-  
bis/das ist/Brod bistu/brod wirstu bleyben zc. Nu ist  
es wol möglich/das vnter so viel Tausenden aus allen  
landen/etliche solch verzweyfelte buben befunden wer-  
den. Es ist aber nicht recht/das Luther dadurch die fro-  
men andechtigen Mönch vnd Priester wil verunglimp-  
ffen/vnd bey dem volck verdecktig machen/auff solch  
Zwinglisch vnd Piccardische meynung.

Des Lu-  
thers ar-  
gument  
auff zw-  
inglische  
meinung.

2 ii. Es trifft:

Lut. ver  
laugnet  
die wand  
lung.

Es trifft aber hie die schalckheyt recht yhren eygen  
herren/den Luther der erste ist zu vnsern zeytten/der die  
se kezerrey an tag geben hat/So er ynn seynen Babylonis  
ca wol vor rüüj. jarn geschriben hat/die Transsubstan  
tiatio sey nichts/ Es sey brod vnd bleybe brod/nach als  
vor. Noch ist er so vnnützig vnd vnuerschembt/das er zu  
verunglimpfen die gemeynen Christlichen Priestersch  
afft/ solche wort den Papisten zu Rom zumisse/ vnn  
spricht weytter/Wie: wenn sie allzumal/beyde/Papst  
Cardinal/sampt den Curtisanen also Messe hielten:  
Mit solcher tückisch vnd heffigen Sophisterey gehet er  
vmb/vns arme gemeyner Kyrchen Priestere/nit solcher  
kezerrey zu beschweren bey dem pöfel/ So er im grunde  
wol weys/das er selbs (nicht wir) also spricht/schrey  
bet vnd helt/ Nemlich/das ynn der Mess Brod brod/  
vnd wein wein bleybe.

Mat. 12

Er mag cufferlich wider Zwingli vñ Carlstat schrei  
ben vñ predigen/wie yhn gelüst/so ist doch zu besorgen/  
er sey im hertzen eins mit yhn/weyl er die heylige wand  
lung verlaugnet/vñ setzt brod/nach als vor/wie sie auch  
thun/Vnd yzo das volck vberreden wil/ das wir Prie  
ster des alten glaubens vñ der Römischen Kirchen/auch  
schlechte brod vnd wein ynn der Mess handeln vnd op  
ffern/darynn er vns bößlich anleugt/vnd sich selbs ver  
dechtig macht/Denn wes das hertz voll ist/des geht der  
mund vber/Vnd wie der baum aus seynen fruchten/also  
wird der man aus seynen reden erkent/Ich getraw auch  
zu Gott/den Luther bey gelarten leuten (so mirs auff  
gelegt wurde) dahin zudringen vnuermeydlich/das er  
müsse entweder mit vns die wandlung bekennen/odder  
ein Zwinglischer Kezer befunden werden.

Das er aber yzo drawet/wie ers mit vnser Kyrchen  
gewalt vnd weyhe wölle ausmachen/ als ers mit dem  
Ablass ausgemacht habe/Sol vns Priester (so solche ge  
walt



walt vnd weyhe / fürnemlich nicht von ihm noch von  
 einem menschen odder Engel / sondern von Gott sel-  
 best haben ) nichts erschrecken / Denn Luther wol vor rü-  
 jarn newe Bullen vnd Ablassbrieff ausgehen hat / ynn  
 seyner auffrührischen lesterschriefft wider den geistlichen  
 Stand / als solten die ihenigen / so rat vnd that darzu ge-  
 ben / das die Bistumb / Stifft vnd Klöster würden aus-  
 getilgt / die rechten Christen vnd Gottes Kinder seyn /  
 Da aber den armen bösllich verfürtē Bawrn solch Teu-  
 ffelisch fürnemen mislunge vnd vbel geriete / da wendet  
 der newe Ablass Papst das blat vmb / vnd schriebe newen  
 Ablass wider die Bawrn / wer sie erwirget heimlich  
 odder öffentlich / wie man künde / der thete den höchsten  
 Gottes dienst / vnd ob er drob erschlagen würde / so für-  
 er von mund auff gen hymel / denn es were ein solche zeit  
 darynn ein Fürst mit blutvergießen besser möchte den  
 hymel verdienen / denn andere mit beten zc.

Luthers  
 auffrühris-  
 che Ab-  
 lass brieff

Ob er nu / aus Gottes zorn / ynn seynem winckel vnd  
 an viel orten Deutscher Nation / den Ablass sampt der  
 Messe vnd Priester weihe / durch lügenhaftig lestern vñ  
 schwertige Sophisterey / verchelich macht odder gemas-  
 cht hat / So wus er dennoch teglich dargegen hören vñ  
 erfahren / das nicht alleyn ynn grossen ferren vnd weyten  
 Königreichē / als ynn Hispania / Franckreich / Eng-  
 land / Schottland zc. sondern auch ynn nechsten Christ-  
 licher Fürsten anstößenden landen / Sachsen / Marck /  
 Meyssen vnd Düringen / noch alle tag ( Gott lob ) von  
 geweychten Priestern Messe gehalten / vnd auff etliche  
 tag alt gewönlich Ablass verkündet wirdt / Aber Lu-  
 thers namen an viel orten so gar verhasst vnd verflucht  
 ist / das man sein wider yñ gutem noch yñ bösem gedenck-  
 en thar / welches warlich ein sonderliche vnd unerhörte  
 plag vnd schmahe ist / das sein namn verhafter ist denn  
 des verrheters Juda vnd des Teuffels ynn der helle / die  
 man doselbs ehe vñ sicherer nennē mag den den Luther.

Ich hoffe

Ich hoffe auch vnd getrawe zu Christo vnserm wa-  
ren Messistiffter vnd oberstem weyheBischhoff/das ynn  
kürzen jarn Luthers leer vnd namen auch ynn Deudschi-  
landen nicht viel mer gelten sol/wie den allgerit an viel  
orten beide/leer vnd namen/hingeworffen sind/vnd etli-  
che aus gnaden zu gemeyner Kirchen wider keren/etliche  
aus zorn Gottes durch eigne bosheyt ynn andre ketzerey  
fallen/als zwinglisch/Widertaußfisch vnd andre Sch-  
wermererey. Vnd ist dis bey mir keyn wunder/weyl vnter  
allen ketzern keyner so gar vnstet vñ leichtfertig ist/heut  
so/morgē anders zuschreyben als er thut/wie ich yñ Sie-  
ben köpfen vielfaltiglich beweyst habe/ Er hat auch  
noch nie kein ernstliche fahr seyner leere bestanden / wie  
manche Schwermer vnd Widertaußer gethan/sonder  
fleucht allzeyt entweder auff sicher gleydt oder auff So-  
phistishe auszüge/wenns ernst gilt/ Das warlich yñ zu  
künfftigem Concilio sein anhang nicht grosser rhum lob  
odder eher von yhm zugewarten hat/denn sie ygt durch  
yre Predicanten vom jüngsten tag erlangt haben/do sie  
widder die hellen wort Christi wolten eygentlich wissen  
den tag vnd die zeit des jüngsten gerichtys/Vnd so nu der  
bestimpte tag hin ist/müssen sie selbs einer des andern da-  
mit spottē/das sie der narheit so liderlich geglaube habē.

Mat. 24.  
Act. 1.

Summa  
dieses bü-  
chlin.

Auff das ich nu hie wider sein newe ergēns vñ lester  
schriffte/der Christlichen Kirchen warheit/ auffß kürzest  
bekenne/vnd aus vnstrefflichen zeugen beweyse/wil ich  
erstlich vom Abblas/darnach von der wandlung Brods  
vnd weins im Sacrament./Zum dritten vom opffer der  
Messe. Zum vierden von der Priester weyhe. Zum fünff-  
ten von der Tauffe. Zum sechsten vom Predig ampt.  
Zum siebenden von beyder gestalt des Sacraments.  
des altars/mit Luthern schriffelich disputirn/vñ  
das vrteyl meynen Oberkeyt vñ Christlicher  
Kirchen gehorsamlich heym stellen.

Vom

# Vom Ablass. Cap. I.



Als des Papst Ablass bey viel Deuts-  
schen yñ verachtung komen sey/kan  
ich nit laugnen/dazu Luthers schrif-  
ten viel geholffen haben/nicht aus  
eygner krafft (denn sie selbs widder  
einander waren/vnd schlugen eine die  
andern/so hart/das Luther selbs of-  
fenlich begeret/man solt sie alle ver-  
brennen / vnd schlecht sagen/Ablass

Luth. yñ  
Capit.  
Babylō.

sey der Römischen heuchler schalckheyt) Sondern aus  
misbrauch vnd leychefertigkeit der Ablass fürer vñ pre-  
diger/die vmb gelts willen solche gnad vnd mildigkeit  
der Kirchen/mit viel ergernis vnd misbreuche / gemeyn  
vnd verechelich gemacht haben.

War ist/das vor tausent iarn solcher gebrauch des  
Ablass ynn der Kirchen nicht gemeyn was/ Vrsach/das  
die Christen viel frömer waren denn yzt/weniger sünde  
vnd hartere buß thaten/das sie des Ablass nicht so viel  
bedorfften als wir. Den die Prelaten der Kirchen streng  
vber die buß hielten/wie die Canones der alten Concilia-  
en/Niceni/Ancirani/Neocesariensis/Libertani 2c. aus-  
weisen/ Vñ etliche text im Decret/So ein sunder muste  
buß thun ynn wasser vnd brod / yñ wällen vnd parfus/  
ynn fasten vnd walsarten / vmb eine sund drey jar/vmb  
ein andre sieben jar/vmb ein gröbere sund x. oder xx.jar/  
Nach laut der Götlichen schrift / das nach masse der  
sunde sol sein die masse der schlege.

Vor III.  
jaren ist  
Ablass  
nicht so  
gemeyn  
gewest.

Conc. 171  
cens. c. 11.  
Con. Aus-  
ciranum  
per totū  
33. q. 2.  
per totū.

Deut. 25.

Jedoch finden wir ynn S. Cypriani Epistolis / das  
etlichen die buß durch fürbitt der Martirer / so ynn ge-  
fengnis lagen/ist aus gnaden kürzer gemacht worden/  
B das

Vide Cy-  
pri. lib. 3.  
epistola  
15. 16. 26.

das man sie widerumb lies mit andern Christen bey dem altar das Sacrament empfangen / die sonst viel lenger betten müssen im harten leben der busse bleyben. Das aber etliche Priester die busswertigē zu bald zum Sacrament annamen vnd zulieffen / ehe sich gebürt / das verwirffet Cyprianus mit viel schrifftē / zuvor aus in sermone de Lapsis.

Er. de  
poenit. et  
remiss. c.  
Lū. et. 10.

Darnach finden wir / das der grosse Papst Gregorius primus zu den Kirchen Stationen zu Rom hat sieben jar Ablass gegeben / welchs zur selbigen zeyt für ein grosse gnad gehalten worden ist / das noch heutigs tags yn der Fasten sehr viel volcks zu Rom die Stationes teglich besucht. Lang hernach hat Innocentius tercius im Concilio gesetzt / wie man mit Ablass messig handeln sol / nemlich ein Bischoff / so er ein Kirchen weyhet / möge ein jar Ablass geben / vnd folgendes auff den tag der Kirchenweyhel. tag vnd nit mehr / damit die zucht im volck / die schlüssel der Kirchen / vnd die busswertige genugthuung nicht verachtet werde / durch viel Ablass.

Nach dem aber zu letzt der Ablass mit viel brieff vn̄ siegeln ausbracht / vnd offte vmb ein gering vrsach / Plenaria indulgentia / das ist / vollkomner ablass / ausgegeben ist / das der pöfel mocht so grosse gnad vnd ablass / do heymbd leychelich bekomen / vnd dadurch die bus vnter wegen lies / Ist aus gerechtem zorn vn̄ vrteyl Gottes sol che gnad bey den Kezern gar verchelich worden / sampt der bus vnd genugthuung / das sie alle pein vnd straff / so sie fur yhre sunden leyden müssen / ynn die hell sparen.

Mat. 21.  
4. et 11.  
Luc. 17.

Vnd hat warlich der Luther hiemit ein gut spiel dem Teuffel gemacht / so er die leute vberred / das man für die sund nicht dörffe bus wirken odder genugthun / widder alle schrifft / Veter vnd Concilia. Weyl aber der alte Gott

Gott noch lebt/der kein gut werck vnbelohnet/vnd key/  
ne sund vngestrafte leste/ Vnd Luther selbs bekent/das  
die sund müsse gestrafte werden / es straffe Gott odder  
wir selbs/können wir warlich des Ablass nicht entbern/  
weil wir mehr vnd schwerer sundigen denn die alten/vñ  
doch viel weniger vnd geringer buß thun / deñ die alten  
Canones vnd Concilia auff setzen.

Luth. in  
asser.  
arth. 50

In dem falle ich aber dem Luther selbs zu/das sey  
nem anhang des Papst ablass nichts nütz ist/bedörffen  
auch keynes seggers/als lange sie ynn solcher zwispalt  
vnd yrethume beharren/darynn sie wider von pein noch  
von schuld mögen absoluit werden/wie Cyprianus/Au  
gustinus / Hieronymus vnd alle lerer aus der Schrifft  
mechtiglich beweysen/ Darumb sie keynes Ablass noch  
Seggers / sondern gewisser verdammis vnd hellischen  
fegers gewarten müssen/Es sey denn das sie widerumb  
ynn lieb vnd eyngikeit zu vns keren / die von vns sind yñ  
zwispalt verdamlich ausgefallen.

Cypri. de  
simplici  
tate pres  
biterum.

1. Cor. 13.  
1. Joh. 24

Auff das aber vnser Christlich volck den rechten  
grund des Ablass verneme/ist zu mercken erstlich/das ey  
ner iglichen unde angehenge ist peyn vnd schuld/ Die  
schuld wird durch reu / beicht vnd absolution hingenom  
men/Die peyn aber durch buß vnd gnugthuung/wie wir  
des Exempel ynn der schrifft haben vom könig David/  
dem Gott die schuld seiner unde vergabe / erstlich des  
Ehebruchs/darnach als er das volck zelet / Aber nach  
vergebung der schuld/folget die straff vnd peyn/ Denn  
für den Ehebruch muste das kindt sterben/nicht on gro  
ssen schmerzen des vaders / der wol sieben tage fastet/  
vnd auff der erden lage/weyl das kindt krank lag. Vñ  
als er das volck hatte zelen lassen/bekennet er seine unde  
vnd bate Gott vmb gnade/Vnd so yhm die schuld ver  
geben was / musten dennoch lxx. Tausent man an der  
B ij Pestilenz

nota für

2. Reg. 12

2. Reg. 24

Pestilenz sterben zur peen vnd straff für die sund. Also  
 wird vns auch die schuld der Erbsund durch die Tauffe  
 vergeben/aber die pein hengt vns an bis. yñ tod/das wir  
 der Erb sund halben leyden müssen anfechtung des fleys-  
 sches/Erancfheit/frost/hitz 2c. Auch den leyblichen tod/  
 wie wol im Tauff die schuld vollkommenlich vergeben  
 ist. Zum andern ist zu mercken/das des Papst Ablass  
 dienet zu vergebung odder nachlassung alleyn der peyn/  
 vnd nicht der schuld / Denn wer ynn tod sünden ist/der  
 kan des Ablass nit vehig sein/Der halben setzt der Papst  
 ynn allen Ablass brieffen/Confessio et contritio/das ist/  
 denen so die sund gebeycht vnd berewt haben. Zum  
 dritten ist zu mercken/das die schrift anzeyget / wie der  
 Papst macht habe/solch Ablass zu geben/ Denn Chris-  
 tus hat zu Petro auff aller weyteufftigist gsprochen /  
 Quodcunq3 solueris / Alles was du wirst auff lösen 2c.  
 Hat hieryn wider pein noch schuld ym selbs vorbehaltē  
 sondern Petro/als seynem obersten stathalter vollenge-  
 walt gegeben / alles auff zu lösen / wie er auch von yhm  
 selbs lase im buch Esaie/das er gesand ware zu predigen  
 ablass vnd nachlassung den gefangenen. Also hat Pau-  
 lus zun Corinthern vom sunder / so harte buß wircket/  
 geschriben / das sie yhm solten lieb erzeygen / vergeben  
 vnd trösten/vnd sprache / Wem jr habt vergeben/dem  
 hab ich auch vergeben / vnd das/yñ der person odder an-  
 stat Christi 2c. Zum vierden ist zu mercken / das des  
 Papst ablass auch den verstorbenen seelen im Jeggewir/  
 aus krafft der lieb vnd eynigkeyt mag zu hülff komen/  
 vnd yhnen durch die lebendigen mit geteylt werden/den  
 sie mit vns yñ der lieb vereynigt/vnsere mitglieder sind/  
 darumb mögen wir wol für sie den Ablass lösen / vnd  
 yhnen aus lieb mittheilen / als ein glied dem anderen/wie  
 Paulus leret. Zum fünfften vnd beschlieslich ist zu  
 mercken/das zu rechtem Ablass gehört/gewalt/des der  
 yhn

Math. 16.

Luc. 4.

Esa. 61.

2. Cor. 2.

Rom. 12.

1. Cor. 12.

Eph. 4.

Colloss. 2.

Yhn gibt/vnd lieb/des der yhn empfalet/Auch ein gütige  
Goetfelige. vrsach / nemlich zu Gottes eher vnd nutz  
des nechsten.

Vide Do  
ctores li.  
4. sen. dist  
20. Et Ca  
nonistas  
ex. de poe  
ni. et re.  
Et Rof  
fesi cont.  
assertio  
nem art.  
17. 20.

Hieraus folget/das Luthers Ablass widder die geyst  
lichen vnd widder die Bawrn/eytel falsch vnd vngütig  
gespöt ist. Zum andern / das Keynem Keger mag mit  
Ablass geholffen werden / denn er ist ein abgeschnitten  
vnd tod glied. Zum dritten/das vns Christen hoch von  
nöten ist Ablass zu verdienen/denn wir halten nicht die  
busz/so die Kyrch vor Tausent jarn gehalten/vnd zu hal  
ten auffgesetzt hat ynn Concilijs. Zum vierden/das den  
armen seelen grosser abbruch/so ynn peynen des seggew  
res gefangen ligend/durch Luthern ynn verhynderung  
des Ablass nu xv. jar lang geschehen ist/vnd ynn mitler  
zeyt Tausentmal mehr geles vnnützlich vmb Kegersch  
rifft vnd zancfbücher geben ist/so viel besser den lebendi  
gen vnd todten zu nutz komen were / wo mans zu Got  
tes eher vnd nutz des nechsten vmb Ablass gegeben het  
te. Inn summa/wir glauben ablass der sünden/wel  
ches denn ist eyner aus den xij. Articlen Christlichen  
glaubens / so die xij. Aposteln gesetzt haben. Aber Lu  
ther sampt all seynem anhang hat den Ablass hingen  
worffen / Des er auch nicht teylhafftig sein kan/als  
lang er widder die Kyrchen ist/vnd geschicht yhm.  
wie dem verrheter Juda/von welchem ge  
schrieben sthet/Er wolte nicht die be  
nedeyung / vnd sie wird ferr  
von yhm sein.

Psal. 108.

## Von der wandlung Brods vnd weins im Sacrament des Altars.

Cap.

II.

B ij

Diesen



Jesen Artickel hab ich vor xij. jarn latei  
nisch vnd Deudsch/widder Luthern ver  
sochten. Lateinisch in Apologia Sacra  
menti. Deudsch ynn der Glos vii Com  
ment vber cluij. Artickeln/ Darzu auch  
mündlich zu Worms auff dem Reichs  
tag/da ich yhm nicht alleyn' offentliche  
lügen yns maul stiesse / die yhm noch bis auff diesen tag  
drin stecken/vnd ewiglich bey yhm bleyben müssen/Son  
dern erbote mich auch frey vnd offendlich / mein leben  
dran zu setzen/die wandlung widder yhn zuerhalten/Er  
wolt aber keyn fahr noch ernst darumb bestehen/wie er  
noch thut/yhm ist gnug/so er durch Sophistisch gewes  
sche vnd lügenhafftigen wortkämpff/den pöfel yrr vnd  
zweyfflich macht/vnd dadurch dem Teuffel wol dient/  
vnd grosse pent'gen hell hinab schickt.

Luth. in  
Captiul.  
Babulo.  
Amb. de  
Incitant  
dis myst.  
c. 9.

Decreta  
tum lib.  
i. tit. i. c. 1.

Die lügen so yhm noch im hals stecken/sind die/Erst  
lich/das ynn xij. hundert jarn die kirch solche wandlung  
nicht geglaubt noch gehalten habe. Darwidder hab ich  
S. Ambrosium/so vor xj. hundert jarn geschrieben hat/  
fürgeworffen/welcher diese wandlung aus der Schrifft  
mechtiglich erweyßt. Zum andern/das S. Thomas von  
Aquino diese wandlung erticht/vnd ynn die kyrchen ge  
bracht hab. Darwidder habe ich das grosse Concilium  
Lateranense/so vnter dem Papst Innocentio dem drit  
ten zu Rom gehalten ist / angezeygt/darynn die wand  
lung/auch das wort Transsubstantio/vor S. Thomas  
zeytten/ist klar ausgedruckt.

Darnach hat der König von Engeland/der from vii  
hochgelarte Bischoff Rossensis/Rossens/Clichtoneus  
vnd viel andre Doctores widder Luthern vnd Zwingli  
schen Sect / die wandlung aus viel schrifftten vnd alten  
vnuerwerfflichen zeugen beweyßt /ynn sonderheyt vnd  
auffe



auffs aller Klerik hat Koffensis widder Ecolampadiū  
ynn fünfß herlichen büchern die wandlung erhalten/Vñ  
ist bis auff diesen tag / widder von Lutherischen noch  
Zwinglischen solch beweyßung widderlegt / trotz das sie  
das wenigste blat recht mit vernunft / schriften odder  
vsachen widderlegen.

Vide pre  
logum  
lib. 3.  
Koffens

Über das so hab ich ynn Sieben köpfen den Luther  
aus eygnen worten vberzeugt / vnd die wandlung erwun  
den / Erstlich aus seynem alten Sermon von diesem Sa  
crament / da er also spricht / Das Sacrament odder euser  
lich zeychen stehet ynn der form vnd gestalt des brodes  
vnd weins / gleych wie die Tauffe im wasser. Zu gleych  
aber / als das brod ynn des Herrn warhafftigen natürli  
chen leychnam / vnd der wein yñ sein natürlich warhafft  
ig blut verwandelt wird / Also warhafftig werden wir  
auch yñ den geystlichen leyb / das ist / yñ die gemeinschafft  
Christi vnd aller heyligen gezogen vnd verwandelt / vñ  
durch dis Sacrament ynn alle tugend vnd gnad Christi  
vnd seyner heyligen gesetzt 2c.

Vide sep  
ticipitem  
c. 19.

Zum andern / aus seyner bekenntnis vom Abentmal /  
da er also spricht. Es ist keyn zweyßel / das Mattheus  
vnd Marcus die strenge ordnung im schreyben vom  
Abentmal nicht halten / Sondern Lucas der verpflichtet  
sich die selbigen zu halten / vnd helt sie auch. Helt er nu  
die rechte ordnung / so trinckt Christus den letzte trunck  
weins vor dem neuen Abentmal. Trinckt er aber  
den letzten trunck weins vor dem neuen Abentmal / so  
kan im Abendmal nicht schlechter eyttel wein getrun  
cken werden. Denn seyne wort stehen klerlich da / das  
er spricht / Er wölle nicht mehr nach diesem trunck  
von dem gewewschße des Weynstocks trincken. Da  
widder wird abermal yemand sagen / Sichstu doch selbs  
das weyn im neuen Abentmal bleybe. Vnd diese deine  
rede

Ob Chri  
stus im  
Abentmal  
wein ge  
truncken  
hab.

Luc. 22

rede solt wol gut Papistisch sein/welche Keynen wein im  
Abentmal glauben. Ich antwort. Da ligt mir nicht  
viel an/den wie ich offtmal genug bekent habe/sol mirs  
Keynen haddern gelten/es bleybe wein da odder nicht.  
Mir ist genug/das Christus blut da sey/es geh dem wein  
wie Gott wil/Vnd ehe ich mit den Schwermern wolt  
eyttel wein haben/so wolt ich ehe mit dem Papst eyttel  
blut halten 2c. Hieraus ist gut zumercken/das sich Lu-  
ther selbs der warheyt des Papst vnd der Keychen von  
der wandlung/zu letzt mus gefangen geben.

So denn Luther hie selbs bekent/das der Papst vñ  
die Papisten nicht eyttel wein/sonder eyttel blut im Sa-  
crament halten vnd glauben/ist es warlich ein mutwilli-  
ge bosheyt vnd büberey/das er yzt im büchlin von der  
Winckelmess/dahin den pöfel vberreden wil/das die  
Papisten eyttel/brod vnd wein ynn der Mess handeln  
vnd opffern.

Dz brod  
vnd wein  
verwand-  
elt wer-  
den.

Was ist's nu von nöten/weytere zeugniss vnd bewey-  
sung von der wandlung für zustellen/weyl vns Luther/  
vnserr widderfacher selbs zeugnis gibt/das wir die wand-  
lung bekennen vnd glauben: Es wird auch ynn schriff-  
ten der alten leerer klerlich befunden/das die Keych alle-  
zeyt vnd ynn allen landen also geglaubt vnd gehalten  
hat. Ober das alles/so haben wir klare schrifft vnd  
text Christi vnd Pauli/die solche wandlung erzwingen  
vnd ausdrücklich mit sich bringen/den Christus spricht  
frey vnd klar/on allen zusatz/Das ist mein leyb/Vnd  
Paulus sampt dem Euangelisten Lucas/zu mehrer si-  
cherer vnd klerer ausdrückung/setzen hinzu/Welchs für  
euch geben odder vbergeben wird.

Wie aber diese wort von Zwinglischen vnd anderen  
Schwermern manigfaltiglich verkert/gestümelet/ge-  
deusset/

beuset / gemartert vnd radgebrochen sind / das hat Lu-  
 ther selbs ynn viel büchern geklagt vnd angezeygt. Wir  
 aber halten yhn auch ynn gleycher schuld vnd verdam-  
 nis/weyl er auch falschen zusatz hinbey setzt/vnd spricht.  
 Dis brod odder ynn diesem brod ist mein leyb. Vnd mus  
 doch selbs bekennen/solche red sey widder alle vernunft  
 vnd Logica. Wir aber sagen noch mehr/das es auch wi-  
 der die offentlich bekanten warheyt ein grausame Gots  
 lesterung ist/so er spricht/ Dis brod ist mein leyb/vnd  
 verstehet durch dis brod ein recht natürlich beckenbrod/  
 welchs weyter vnterscheyd hat gegen dem leyb Christi/  
 denn ein pferd gegen dem Esel/So denn falsch ist zuspre-  
 chen/ Dis pferd ist ein Esel / Wie viel mehr mus falsch  
 vnd vnleydlich sein/zu sprechen / Dis brod ist mein leib/  
 odder der leyb Christi:

Lut. lib.  
 2. contra  
 Decolap

Derhalben wer wol on not/auff Luthers argument  
 weyter zu antworten/weyl er selbs bekent/das yhms der  
 Teuffel eingebe vnd fürhalte/ So wir alle wol wissen/  
 das der Teuffel ein arglistiger feynd der warheyt / vnd  
 ein böser geyst/auch ynn bosheyt vnd bösem willen ewig-  
 lich verstockt ist/vnd bleybt/das er keyn gutes im syn od-  
 der willen fassen oder fürnemen kan / wie Christus sprit-  
 chet/das er von anfang ein mörder/vnd ynn der warheit  
 nicht bestanden sey/Es sey auch kein warheit ynn yhm/  
 Wie auch Petrus/Paulus / Johannes vnd alle heyligen  
 vber yhn klagen/das er ein betrieger/lügner/lesterer vnd  
 versführer sey. Derhalben ein from bestendig Christen  
 mensch keyn gut gedanken zu solchen argumenten ha-  
 ben kan/ Sol sich auch nicht dran odder drinn ergeren/  
 Vnd bey sich selbs gedencken/ Ob schon solche argumēt  
 durch listige Sophisterey gutem scheyn haben / vnd ich  
 sie nicht auff lösen kan/so kere ich mich doch nichts dar-  
 an/weyl ich gewisse warheyt hab/das Christus spricht/  
 Es sey keyn warheyt ynn yhm/Vnd Paulus/das er sich  
 C verstellen

Der Teu-  
 ffel kan  
 nichts gu-  
 tes im  
 sin habē.

Joha. 8.

2. Cor. 11  
1. Tim. 3.

verstellen könne ynn eynen Engel des lichts/Vnd mich  
dargegen lernet/bey der Eyrchen zu bleyben/als die do ist  
ein Scwol vnd grundfeste der warheyt.

Loser vñ  
leychter  
glaube  
des Luc.

Derhalben beweyst Luther seyn vnbestendigkeyt vñ  
schwachen glauben/so er bekent/das yn der Teuffel mit  
solchen Argumenten so bald vberwunden/vñ von Mese  
halten abgeschreckt habe/Wie auch seyn anhang so sch  
waches glaubens ist/das sie durch lose Sophisterey vnd  
falschen scheyn/so aus der schrifft wird fürgewateret/so  
leychlich abfallen von der Eyrchen/vnd lassen sich beres  
den/als solten wir getauffte vñ geweychte Priester nich  
tes besser/ja erger seyn/denn der Türcken/Zeiden vñ Sa  
mariter priester sind / O seychte vnd lose Christen/von  
welchen Christus spricht/Sie hörn meine wort vñ thun  
sie nicht/Sind gleich eim thoren/der auff sant barot 2c.

Mat. 7.

Antwort  
auff die  
fünff ar  
gument  
des Teuf  
fels.

Jedoch sind diese Teuffels argumenta so scharff nit/  
man kan sie auff lösen/ wer nicht gern irrt odder ynn yre  
thumb bleyben wil/dem ist wol draus zuhelffen/Dein im  
ersten leugt er offentlich/da er spricht/das wir nit recht  
an Christum/als an vnsern Heyland glauben. Item das  
der Türke vñ der Teuffel auch an Christum glauben wie  
wir. Ob nu Luther dem Teuffel gestet/das er ein solcher  
gewest sey/so gestehn wirs doch ynn keynen weg für vns  
wirds auch mit keyner schrifft auff vns bringen. Das  
er aber fürwirfft / wir halten vns von Christo zu Ma  
rien vnd den Heyligen/das ist auch erlogen/Denn Chris  
tus/Maria vnd die Heyligen/sind nicht widder einan  
der / darumb nicht folget / wer sich zu Marien helt/das  
er von Christo abfal.

Christus  
ist wol zu  
fürchten.

Es wil aber Luther vnd seyn geyst hiemit / dem po  
fel die ohren krawen / als sey Christus nicht zu fürchten/  
als ein Richter / sondern alleyn tröstlich anzusehen als  
ein

ein mytler vnd erlöser/ So doch offenbar ist aus dem  
 Euangelio/das Christus selbs spricht. Der vater richtet  
 niemand/sonder alles gericht hat er dem son gegeben 2c.  
 vñ wir im glauben teglich sprechen/das Christus zukün-  
 tig sey zu richten die lebendigen vnd die todten/wie auch  
 Petrus saget Derhalben mögen wir wol Mariam vñnd  
 die Heyligen bitten / das sie gegen Christo vnserm herrn  
 vnd Richter für vns bitten sollen/ Denn auch Psalmist  
 ynn gemeyn spricht. Fürchtet den Herrn all seyne heyli-  
 gen. Hiemit ligt das erst argument im dreck/als ein faul  
 vnd los gewesch/von lügen zuhauff geplegt/nit vñ ein  
 scharffen Teufel erfunden/ Den ich selbs wol scharffere  
 argument wüßte fürzutragen/wens gut oder von nöten  
 were.

Joh. 1

Act. 101

Psal. 31.

Das ander Argument steht auch auff lügen/fürnem-  
 lich auff dieser/das keyn Priester sol Mess halten/er ha-  
 be denn Communicanten/denen er das Sacrament rey-  
 che. Wo stehets geschrieben: Ist Luther keck oder sein  
 Teuffel/so zeyge er vns solchen Text an yñ der Schrifte.  
 Er wirds aber wol lassen. Christus spricht. Das thut  
 zu meiner gedechtnis. Vnd Paulus/Als offte yhrs thut  
 werdet yhr verkündigen des Herrn tod. Du kan ein ig-  
 lich Priester solchs thun/wie Christus vñ Paulus besol-  
 hen hat/ob schon keyn Communicant da ist/vnd bleybt  
 dennoch die eynsetzung Christi vnd krefftige tyrmung  
 des Sacraments/ Den auch vor Tausent jarn ynn allen  
 Seelmessen keyn Communicant was / denn alleyne der  
 Mess haltende Priester. Des zu 'eim zeychen noch auff  
 diesen tag ynn keyner Seelmess das pacem geküßt wird.  
 Der hochgelert vnd vnerschrocken held/ Doctor Johan  
 Eck/hat diesen des Luthers vnd seines Teufels falschen  
 grund newlich gar weydenlich auffgedeckt / widder die  
 neuen Ordinanzen vnd newe Catechismos / dabey ichs  
 vmb kürze willen bleyben lasse.

Luc. 221  
 1. Cor. 114

C ij Daa

Das dritte givet für / man sol bey dem Sacrament predigen von Christo / welches ynn winckelmessen nicht geschehe. Antwort. Es heysset widder Christus noch Paulus bey allen Messen predigē/sonder Christus spricht/Das thut zu meyner gedechtnis. Vnd Paulus/ Verkündiget des Herrn tod / wie oben gesagt. Das mag aber wol on offentlich predigen vor dem volck geschehen/ynn yglichen Messen/ Denn da wird des Herrn gedacht/nicht alleyn ynn allem gepet/darzu im Euan gelio vnd beyden Canon/sondern auch ynn geberden vñ ynn der kleydung/wird des Herren leyden vnd tod ange zeygt vnd verkündt/wie solchs gar herlich vnd klerlich anzeygen die Christliche Doctores / Innocentius / Isi dorus/Ammalarius / Rupertus 2c. welchs hieher alles zulang were.

Das vierde spricht / Es sol ein gemeyn Sacrament seyn / den andern Christen mit zutheylen/ Aber der Bischoff weyhe die pfaffen nicht zu aus teylen/sondern zu opffern das Sacrament 2c. Antwort. Sol das Sacrament ausgeteylt werden / so mys es ia zuvor ge tyrmt vnd geopffert werden/ Nu hat Christus nicht ge sprochen/das teylet aus/ sondern/Das thut ynn meyner gedechtnis/ Was solten sie thun: das er thate/ Was thate er: Er tyrmet brod vnd wein ynn sein fleisch vñ blut/vnd richtet auff ein new Osterlamp vnd sacrifici um ein opffer nach der ordnung Melchisedech/ Davon David im Psalter weysgesaget hatte/Davon auch Paulus spricht/ Unser Osterlamp ist geopffert Christus/ Denn er ist sonst nyrgend im brod vnd wein/nach orde nung Melchisedech als ein Priester geopffert hat/denn alleyn im abendmal/Darans folget/wer do laugnet/das er im abendmal geopffert habe / der laugnet auch seyn Priesterthumb nach ordnung Melchisedech. Er aber opfferet sich selbst da geystlich ynn Mysterio / wie er darnach,

psal. 109  
1. Cor. 5.

darnach des andern tags sich leyblich am Creutz opfferet. Vñ sprach/seyne Aposteln solten solchs auch thun zu seyner gedechtnis / das ist / wie Paulus leeret / zu ver-  
kündigung seynes tods vnd opffers am Creutz.

Zie wil ich aber gern hören / wie Luther odder seyn Teuffel aus der schrift anzeyge / das Christus gesaget habe zun Aposteln. Ihr solt es nicht opffern odder tyrmen / sondern den andern Christen austeylen. Zui Luther/hui Teuffel zeyge an/pfeyff auff/Warumb hat es Christus nicht mitgeteylet seyner Mutter/oder Marie Magdalene / vnd andern fromen weybern / die yhm nach folgeten / vnd von yhrer hab dieneneten / wie Lucas sagt / So es not seyn sol/yinn allen Messen das Sacrament aus zuteylen den leyen odder andern Christen.

Luc. 8.

Das fünfft vnd legt argument/ist recht Teuffelich/nemlich aus eyttel lügen ( so viel die Priester betrifft ) zuhauff geslickt / vnd ein gebettelte widerholung der vorigen lügen/ Derhalben es keyner besondern antwort bedarff/Das eynige wörtelin Christi/da er spricht / Die warheyt ist ynn yhm nicht/verlegt vnd verantwort das ganze argument / darynn nicht ein wares wörtelin ist/ Trotz dem Lutherischen Teuffel / das er anders anzeyge odder beweisse. Denn es ist nicht war / das die Priester aus der Mess ein eygen werck mache fur sich alleyn/den es geschicht fur lebendige vñ todten/wie der Canon ausweyßt / Es wird auch nicht vmb gelt verkauft/ Viel weniger wird der Priester geweyhet / zuthun alles was widder Christum ist / Es sind eyttel offentliche lügen. aus dem vater der lügen fürbracht.

Joh. 8

Nach ende dieser fünff Argumenten/widderholet sie der schwerige Teuffel alle fünffe abermal/mit eytel lügen vnd lestern/nach seyner art vnd eygenschafft / Vnd  
C iij spricht/

Wolke  
gen yñ et  
ne wort.

Niceni  
Concill.  
c. 14.  
Dionys.  
de Eccle.  
Hierat.  
ca. 5.

Unter  
dieses  
Sack  
ments vñ  
andern.

spricht / Der Priester sey nicht die person / so wandelen  
sol odder kan/nemlich/ein Christ gleybiger mensch. La  
stecken aber warlich yñ diesem kurzen Artickel zwo gros  
se Teuff lische lügen/Die erste/das ein geweyheter Prie  
ster nicht wandeln könne / so doch Luther selbs wol vor  
xiiij. jarn an Deudschen Adel geschriben hat/ auch yzo  
ynn diesem seynes Teuffels fürgeben anzeygt/das ein ig  
licher getauffter mensch/Priester/Bischoff vnd Bapt/  
durch die Tauff gemacht sey / vnd gewalt habe zu tyr  
men. Die ander lüge/das ein iglicher Christgleybiger  
mensch wandlen könne. Welchs vor xij. hundert jaren  
ynn dem heyligsten Concilio Niceno / vnd langest dar  
vor durch den grossen discipel Pauli S. Dionysium ver  
worffen ist. Die dritte lüge / welche diesen groben lü  
genhafftigen Teuffel selbs ynnis maul schlecht / ist / das  
er offemals laugnet die wandlung/davon er hie selbs be  
kent / Denn so wandlung da ist/so kan nicht brod vñnd  
wein da bleyben/ Bleyben sie aber da/so ist kein wand  
lung. O du grober tölpischer Teuffel/wie schlech  
stu dich selbs so weydenlich ynn dein lügen maul.

Noch kan der vnnütze vnd ungelerte Teuffel nicht  
ablassen/Sondern bringet für/ein gleychnis aus andern  
Sacramenten vnd spricht. Keyner kan sich selbs teuf  
ffen / Keyner selbs fermeln / weyhen/odder ölen / Keyner  
sich selbs Absoluiren odder zur Ehe nemen/ Darumb/  
sol auch Keyner sich selbs / sondern andere mit dem Sa  
crament des Altars speysen. Antwort. Du tholler  
hynckender Teuffel weystu nicht den gemeynen spruch.  
Omnis similitudo claudicat: Du bist zumal ein grober  
vnerfarner Theologus/das du noch nicht weyst noch ge  
hört hast/was vnterscheyd sey dieses aller höchsten Sa  
craments von andern Sacramenten / welches volkom  
menheyt stehet nicht im brauch der reychung / sondern  
ynn



n̄ der tyrmung vnd opfferung/ Den so bald es getyrmt  
vnd geopffert ist/so ist da das ware fleisch vnd blut Jhe  
su Christi / obs schon keyn mensch empfinde. Aber mit  
andern Sacramenten gehets anders zu. Vnd so du selb  
best bekenst/ das Christus dis Sacrament nit alleyn den  
Jüngern geben/sonder auch selbs empfangen hab/mu  
stu warlich ein schlechter Teuffel seyn/so du nicht sehen  
kannst/das nach dem Exempel Christi der Priester solch  
Sacrament auch selbs empfangen mag.

Ein  
zwey höc  
nig argu  
ment.

Das du aber damit den Leyen heuchlest vnd ohren  
krawest/Auch grössere gramschafft widder die Priester  
zu erwecken / ein zweyhörnig Argument auff die bahn  
bringest / die arme Priestern der massen zu beschliessen/  
das sie keyn ausflucht haben sollen/ Vnd spricht/Ist  
eyttel brod vnd wein da/so sind sie die grösssten betrie  
ger vnd verführer auff erden/vñ sollen im Messgewand  
vber Altar nicht anders anzusehen vnd zu nennen seyn/  
denn leydige Teuffeln selbs aus der hellen grund heraus.  
Ist aber der leyb vnd blut Christi da/so sind sie die gröss  
sten Gottesdieb vnd Kirchenrewber/so auff erden ihe  
somen sind 2c. Darauff gebe ich diese antwort. Du  
hast oben gehört/das wir frey bekennen/es sey der ware  
leyb / vnd das ware blut Christi da/nach der tyrmung/  
Aus welcher schrift kanstu aber beweysen/das wir dars  
umb Gottes diebe vnd Kirchenrewber sollen gescholden  
werden? Kanstu das nicht beweysen (welchs denn ynn  
warhyt dir vnd allen teuffeln vnmöglich ist) So kanstu  
wol wissen/das du billich Diabolus vñ Calumniator ge  
nent wirst / ein verlogener lesterer / den wir wol billich  
herwiderumb/vnd mit warheyteynen erz Gotsdieb vñ  
Kirchereuber schelden mögē/weil durch teufflich anreiz  
ung got im sacra. so oft vñ gröblich ist geunehrt/vñ aus  
Kirchen

antwort

kyrchen Clöstern so viel Cleynat/heyligehumb vnd heylige Sacrament (weyl du von Siebnen nicht mehr denn zwey vngerawbt/vñ doch nit vnuerlegt/gelassen hast) sind Gotslesterlich geraube worden. Ich rede hie nicht mit Luther/sondern mit Luthers Teuffeln/der sich leß düncken/er sey scharff sinnig/weyl er den hochgelarten Doctor Luther vberwunden hat/So er doch viel guter eynfeldiger leute nicht vberwynden kan/so lang sie Gottes gnad ynn festem glauben erhelte.

## Vom opffer der Mess.

### Cap. III.



Vn diesem Artikel hab ich auch vor rñ. iarn / widder Luthern Lateinisch vnd Deudsch geschriben / wie oben vñ der Wandlung bemelt ist / als ich noch ein Dehent was zu Franckfort am Meyn/ Mir ist aber widder vom Luther noch von seynen anhang ey- niche antwort darauff für komen/ Ich hab auch lange darnach ynn Meyssen alhie ein Deudsche disputation da von widder yhn lassen ausgehen/vnd auff rñ. seyne Argument (welche meines bedunckens viel stercker waren denn oben die fünff Teuffels Argumenta sindt) nach meynen eynfeldigkeit/so viel Gott verliehen hat/geant- wort/Welchs büchlin hisher auch ist vom widderfack- er vnangefochten blieben. Weyl mich des Teuffels leer sünge so hoch verachtet.

Es haben aber darneben viel andere Gottsförchtig frome vnd hochberümbte Doctores/auch darwidder ge- schriben/zu vor aus der hochwürdig Bischoff Rossensis.  
D. Elichtoneus/

D. Elichtoneus / D. Johannes Fabri / igt Bischoff zu  
 Wien/des Römischen/Hungerischen/vñ Behemischen  
 zc. Königs Rath zc. D. Johan Eck / D. Johan Die-  
 tenberger / D. Wimpina / D. Naisa / D. Mensinger / D.  
 Dehe / D. Eustachius zc. welcher herlich vnd grosse  
 bücher noch nicht sind widerlegt / Derhalben on noth  
 ist/hie weyleufftig dauon zu schreyben.

Ich wil hie/ vmb kurtz willē/alleyne aus zweyen büch  
 lin ein gemeyn vnd schleunige vnterricht geben vnserem  
 Christlichem volck zu sterck vnd trost/wider dieses mut  
 willigen verlognen Teuffels anfechtung. Erstlich aus  
 meynen disputacion/so vor vier jarn ausgegangen ist. Zum  
 andern/aus dem dritten buch des heyligen Papst Inno-  
 centij tercij/welcher sechs herliche bücher von der Messe  
 ynn Latein geschriben hat vor drey hundert jaren/die  
 ich 1530 im druck lasse ausgehen / wider alle Teuffel vñ  
 Messe schender.

Die disputatio zeyget an Sechs fundament vnd vñ  
 uerwerffliche zeugnissen von dem Messe opffer. Erst-  
 lich die heyligen Schrift beider Testament/vnd das an  
 viel orten. Zum andern/Alle heylige Concilia der gan-  
 zen welt/vom heyligsten Niceno an zufahen / bis auff  
 letzte Lateranense zu Rom/derin warlich ein sehr grosse  
 zal ist/so gehalten worden sind/ynn Asia/Syria/Graecia/  
 Italia / Affrica / Hispania/Gallia/Germania zc.  
 Zum dritten/Alle heilige Bischoffe/Priester/Münche/  
 Tyrten vnd Seelsorger der ganzen Christenheyt/so ynn  
 XV. hundert jarn gelebt haben/Keynen ausgeschlossen.  
 Zum vierden/die gemeyne Christliche Kirch/bey welcher  
 Christus die warheyt vnd der geyst der warheyt (nach  
 laut des Euangelij) bleybt bis ans ende der welt. Zum  
 fünfften/Alle Christliche Recht beyder Oberkeyt / als  
 do sind / Decreta / Decretales / Codex/Autentice zc. die  
 D alle

Sechs  
 starcke  
 fundam  
 mit vom  
 opffer der  
 Messe.

Math. 18  
 et 28.  
 Johan. 14  
 et 16.

Alle bekennen das Mess opffer. Zum sechsten vnd letzten/die heyligen Canones der Aposteln/vñ elciste gezeugnis yhrer jüngern/als Ignatij/Dionisij/Policarpi/Irenaei/Cypriani 2c. Das warlich keyne sache auff erden mehr odder grösser zeugnis yhe gehabt odder haben kan/welche dē Luther vnd seynem Teuffel viel zu stark sind vor Gott dem obersten Richter/sie vmb zustoßens

Innocentius pap.  
lib. 3. c. 40.

psal. 50.

Ibi.

psal. 115.

Brod/ wein vñ wasser/ geistlich/ yñ dreien opffern.

Innocentius aber schreybet also. Es sind dreierley Opffer der Eyrchen / welche im alten Testament bezeugt sind/durch den Gnaden stul / durchs rauch fass vnd durch den Altar / Nemlich ein opffer der busse/ein opffer der gerechtigkeit/vnd ein opffer Eucharistie/der benedeyung. Vom ersten spricht der Psalmist/Gott dem Herrn ist ein opffer ein gepeynigter geyst. Vom andern/ Denn wirsten auffnehmen das opffer der gerechtigkeit. Vom dritten. Ich wil dir opffern ein opffer des lobes. Auff dem altar wird fleisch geopffert. Im rauch fass wird weyrach gebörnt. Zum gnadestul wird blut hynein getragen. Das fleisch wird geopffert ynnrew/der weyrach wird gebörnt aus andacht. Das blut wird eyngetragen fur die erlöschung. Auff dem altar des leybs. Im rauchfass des hertzens. Zum gnadestul Gott des vaters. Inn den selbigen dreien opffern werden geystlich geopffert/brod/wein vnd wasser. Im opffer der busse wird geopffert wein des schmerzens vñ der rewe/wasser des trawrens vnd weynens / Brod der arbeit vnd peynigung. Des schmerzens im herten/des trawrens im mund/der arbeit im werck. Im opffer der gerechtigkeit wird geopffert brod der stercke vnd bestendigkeit / wein der rechtschaffenheyt vnd klugheyt/ Wasser der sanfftmutigkeit vnd messigkeit. Der stercke vnter widderwertigen dingen/der rechtschaffenheit vnter vnbillichen sachen/der sanfftmutigkeit vnter spoc vñ

vnd verhöhung. Im opffer Eucharistie/der benedeyung/wird geopfert/brod der eynigkeyt/wein der lieb wasser der glaubigkeyt / brod für den leyb / wein für die Seel/vnd wasser für das volck. Vnter diesen opffern das erste ausführet/das ander fort führt/das dritte ein führt. Ausführet die ansehenden/fort führt die auffnehmende/einführt die volbringer/Aus Egypten durch die wüsteney/vnns vaterland. Aus Egypten der vermischung/durch wüsteney der pilgramschafft/vnns vaterland der seligmachung. Diese drey opfer opffert der Priester ynn der Mess. Das erste ynn der Beycht/Das ander ynn der Prefation/ Das dritte ynn der Stillmess. Denn auch drey dinge sind/die Gott ( wie der Prophet sagt ) vom menschen erfordert/Nemlich / zu lieben die barmherzigkeyt/zuthun das gericht/vnd zu wandern sorgfelig mit Gott. Derhalben sol eyner lieben die barmherzigkeyt/der da opfern wil das opffer der buß/ Sol gericht thun der da opfern wil das opfer der gerechtigkeit/Vnd sol sorgfelig mit wandern/der da opffern wil das opffer Eucharistie/der benedeyung zc.

Wachet

Aber Luther vnd seyn schwenziger Teuffel machen sich vber diesem Artickel vom opfer der Mess so gar vn nütz / vnd mit langem bitterm leßtern so hart beschwerlich/das ein frommer Christ müed vñ verdrossen wird/ehe denn ers kan auslesen / wie solt er denn frölich vnd mit lust darauff antworten? Wolan / die sache ist nicht meyn ynn sonderheyt / sondern betrifft ynn gemein die ganzen kyrchen/vnd den heyligen Geyst yhren tröster vnd regierer / Ja yhren gespons Ihesum Christum/vnsern Herrn/am aller meysten/welcher solch opffer eingesetzt/vnd selbst der fürnemste Priester vñ das opffer selbs ist. Wo nu gewis ist / aus der Schrifft/ Das die kirch ein Sewel vnd grundfeste der warheyt ist /

Die mess  
betrifft  
Christi  
am aller  
meisten.

1. Tim. 3

D ij Vnd

Joh. 14.  
α 16.

Vnd Christus die warheyt selbs/vnd der Kirchen tröster-  
ein geyst der warheyt ist / So werden sie die Mess vnd  
der Christlichen Priester opffer / on zweyuel wol erhal-  
ten widder Luthern vnd alle Teuffel vnd teuffels knech-  
te/ Ob schon ich vnd andre Doctores keyn wort dauon  
schreyben.

Mäcker-  
ley Mess-  
stücker.

Es ist Luther nicht der erste Teuffels knecht / die  
Mess zu lestern/yhr sind vor yhm gar viel keger yñ gley-  
cher lesterung vntergangen vnd ewiglich verdorben/die  
Mess noch fest stehet/sie wird auch on zweyuel den Lu-  
ther wol vber stehen vnd ausharren. Es haben yhre  
köpff dran zerstoßen die groben Albigeneses / die Leoni-  
sten/die Arnoldisten/die Picarten/die Wiclefisten/die  
Taboriten 2c. Luther sol sie auch wol bleyben lassen/  
wils Gott/Er hat sie nu rüñ. jar on vnderlas angefoch-  
ten / ynn hoffnung / als wolt ers ynn zweyen jaren alles  
vmbstoßen. Es hat yhm gefeilet/vnd sol yhm ewiglich  
fehlen/ Denn Christus das ware lamp Gottes opffer der  
Mess/ist heut vnd gestern vnd ynn ewigkeyt/wie Pau-  
lus spricht.

2eb. 13.

Lut. hat  
nischrift  
als wir.

Was thut aber Luther oder sein teuffel hie mit so lan-  
gem geschweiz bis ynn vier quatern / anders denn das er  
ein lügen vber die andern aus geußt/vñ sicherzeygt/das  
er ynn warheyt ein Diabolus vnd verlogner lesterer ist  
Ich als der geringste/hab ynn meiner Disputation vber  
xx. stelle der Schrifft angezeygt/daraus zu beweysen ist  
das opffer der heyligen Mess/was mögen viel mehr an-  
gezeygt haben die grossen hochgelerte Bischoff vñnd  
Doctores/oben gemeldet/ynn yhren grossen büchern  
Dargegen aber zeigt Luther hie nicht eine Schrifft an/  
die da sagte/die Mess sey keyn opffer/vnd möge kein op-  
ffer seyn / Trog yhm vnd allen teuffeln/das sie eyne an-  
zeygen/ Noch ist der tolle vn selige Lutherisch pöfel so  
gar

gar verblindet/vnd zu neuen sachen gýrig vnd furwitzig  
 Das er dem lestermaul alles zu gut helt vnd glaubt/wie  
 grob vnd schwerlich er Ihesum Christum vnsern Gott/  
 Herrn vnd erlöser (der ynn der Mese teglich gehandelt  
 vnd ehrlich Gott dem hymmlischen vater geopffert wird  
 wie er sich selbs auch geopffert hat/als ein priester ynn  
 ewigkeit/vnter frömbder gestalt des brods vnd weins/  
 nach ordnung Melchisedechs) durch lestert/wie kan so  
 schwere Gotteslestertung / die so gar gemeyn ist bey den  
 Lutherischen vnd Zwinglischen 2c.vngerochen bleiben:

Ihr arme leute / thut vmb Gottes willen die augen  
 ein wenig auff/zu besehen / aus welchem grund des Lu-  
 thers teuffel das gute werck vñ opffer der Mese so grau-  
 sam lestert/Durch suchet seyn ganzes buch/so findet ihr  
 keyn ander grund vnd vrsach denn die/das es nicht Got-  
 tes wort/sondern menschen thant sey. Nu ist das nicht  
 war/sondern stracks erstuncken vnd erlogen/wie das S.  
 Ambrosius wol vor xi. hundert jarn angezeygt vnd ge-  
 lernt hat/das der Priester am altar/so er das Sacramet  
 tyrmt vnd das opffer volnbringt/nicht seyne wort/son-  
 dern die wort Christi redt vñ gebrauchet./durch welcher  
 almechtige Krafft das wort ynn fleisch/vnd der wein yñ  
 blut Christi verwandelt wird.

Falsche  
 vrsach  
 wider die  
 Mese.

Amb. de  
 myste.int  
 tiandis c  
 9. Et de  
 sac.lib.4.

Vnd ob schon keyn leerer solchs anzeygt/so gibts der  
 text ynn Canone. Qui pridie 2c. vnd die not erfordert/  
 das es nicht anders seyn kan. Denn wo diese wort (das  
 ist meyn leyb) nicht Christi/sondern des priesters wort  
 weren / so müsten die Christen (solten solche wort war  
 seyn) nicht den fron leychnam Christi/sondern den stein-  
 cken vnd sterblichen leyb des priesters da empfangen  
 vnd essen / wo er ynn seyner / vnd nicht ynn der person  
 Christi spreche / Das ist mein leyb. Derhalben da nicht  
 menschen wort vnd werck/sondern Gottes wort/werck

Im opfe-  
 der der  
 mese sint  
 nit mens-  
 schent/  
 sondern  
 Gottes  
 wort.

D iij. vnd.

vnd allmechtige Krafft zu erkennen sind. Denn dieser Teuffel selbest nach langem geschweze vnd lesteren die bekennt/vnd spricht/ Das brod vnd wein Christus leyb vnd blut werde/ ist nicht vnser thuns/ sprechens noch wercks/ viel weniger des Cresens odder weye schuldt/ sondern es ist Christus ordenung/befehl vnd eynsetzung schuld 2c. Hieraus möcht auch ein Türck vnd ein blind der Jüd wol erschen/ das ynn solcher wandelung nichts menschen wort/sondern Gottes wort sein müssen.

Wer mag nu so gar ein vngütiger Christen feind sein das er mit lust vnd freude lesen odder hören kan/die groben vnzuchtigen vnnnd recht Teuffelischen wort/so Luthers Teuffel spricht/ Der Pfaff stehe da vberm altar ynn seynem Priesterlichem ampt/ nicht anders denn ein Gottes dieb vnd Kirchenreuber/dazu ein vnerhörter verrhäter vnd teuffcher/ der vmb der welt gut seynen Kott vnnnd die helle verkeuffet. Item der die Kirchen yhres Sacraments berawbet/ vnd gibet yhr dafür die hülßen/ ja den vnflat seynes eygens opffers vnd wercks vmb gelt vnd gut. Item/er glaube/es sey der leyb vñ blut Christi im Sacrament/welchen glauben die Gottlosen vnd falschen Christen vnd alle Teuffel auch haben/ Vnd ist nichts denn ein menschlicher gedanken vñ wahn. Item die winckelmesse ist ein lauter/eygen/er tichte/selbst erwelte/menschen leere vnd fündlin 2c.

Glauben  
denn die  
Lutheri.  
nicht leib  
vnd blut  
Christi  
im sacra-  
ment?  
warumb  
verdamm-  
men sie  
denn die  
Zwingli-  
schen vñ  
die wider  
käuffen?

Sind das nicht eyttel vnerhört vnd erschreckenliche Gottlosterung vnd schmeichung Ihesu Christi/des waren obersten Priesters des lambs Gottes/ des eynsetzers der Messe/ auch des höchsten vnd krefftigsten opffers des Priesters vnd der Kirchen/die warlich nicht kot noch vnflat/ sondern fleysch vnd blut Christi geystlich vnnnd ehrlich



Chrich zu opffern im willen vnd im brauch hat. **O**  
ewiger Gott / verzeyhe es dem armen tolln vnd jemer-  
lich verfürtem pöfel/der solches nach sagt vnd nicht ver-  
sthet was er thut.

Aber die Oberkeyt hat warlich hoch zu bedencken/  
wie sie Gott davon rechen schafft gebe/ wo sie nicht mit  
höchstem vleys vnd ernst so schwere Gotteslesterunge  
verbeut/verbrennet vnd vertylget/so viel der selbigen le-  
sterbüchlin ynn yhrem gepiete mögen erfunden werden.  
Denn sie tregt das schwert nicht vmb sonst/wie Paulus  
spricht. Da solt sie Tausent mal ernstlicher yhr sch-  
werdt gebrauchen/Denn wo Türcken odder Heyden die  
Christen bekriegen oder belegern/denn hie verdirbt die  
Seel ewiglich / dort alleyn der leyb zeyelich. Ich rede  
hie nicht alleyn vom weltlichen/sondern auch vom geyst-  
lichen schwerdt. Denn ich höchlich besorge / das die  
Geystliche Oberkeyt weniger zu entschuldigen sey vor  
Gott denn die weltlich / das sie yhres schwerts nicht so  
ernstlich brauchet / noch bis her gebraucht hat ynn rre-  
sarn/wie not gewesen/ vnd yhr gebürt hett/Sich zu setzen  
als ein Maist fürs haus Jsrael / wie der Prophet Eze-  
chiel spricht. Vnd seine seel für seyne schefflin zu setzen  
als ein guter hirt/wie Christus gelert hat Joha. 10. vnd  
Paulus vermant Act. 20. Dis aber entschuldigt nicht  
die weltlichen/welche wol wehren möchten vnd solten/  
wenn sie recht ernst fürwendeten/nach dem die geistlich  
Oberkeyt aus freuel vnd yrrhumb des volcks verachtet  
wird. Denn auch die weltlichen Regenten vnd Könige  
vorzeyten hyrten hießen / wie König David Psalm. 77.  
Auch bey den Heyden/wie Menelaus.

Rom. 13

Weil aber des Luthers teuffel wol mercken kan/das  
es zu grob sey/so viel heyliger veter/welche die Mess als  
ein opfer gehalten/der massen zu lerstern vñ zu uerdamen.  
Mache

Falsche  
entschul-  
digung  
der veter

Macht er eynen neuen firlefanz/aus eygнем gebychtel/  
 one schrift (des sich alle Lutherischen gebrauchen) vñ  
 spricht/Christus habe den veteren/als Gregorio/Bern-  
 ardo 2c. solch yrtthumb vnd gewel zu gut gehalten/vñ  
 sie am letzten ende daraus gezogen. Welchs ein rechter  
 menschen/ja teuffels thant ist / Denn Christus ist kein  
 heuchler noch trynckesel / das er eynem zu gut halte die  
 sund/zuvor aus Abgötterey / Sondern ist ein Gott der  
 kein sund wil/vnd hasset alle die da sundigen vnd vnres-  
 cht thun/wie David spricht Psalm. 5. Es haben aber  
 nicht alleyn die hoch berämbten heylige veter/als Gre-  
 gorius vnd Bernardus /Sondern alle Christen ynn ges-  
 meyn von xv. hundert iarn her/ die Mess für ein opffer  
 vnd gut werck gehalten haben. So findt man nyrgent  
 (trog dem teuffel das er anders sage) das Gregorius  
 odder Bernardus am letzten ende gesagt odder bezeugt  
 habe/das die Mess kein opffer noch gut werck sey.

Ein be-  
 trüglich  
 Exempel  
 vñ Naas  
 man.

Noch leßt der teuffel nit ab/vnd gibt fur/wie Naas  
 man der grosse haubtman des heydnischen Königs Sy-  
 rie. 4. Reg. 5. zu Eliseo gesagt habe/ Wenn er dienst  
 halben/mit seynem König bey dem Abgöttischen opffer  
 sey / so wölle er mit dem hertzgem zu Hierusalem bey dem  
 rechten Gott seyn. Also mügen auch die Lutherischen  
 Christen thun / wenn sie dienst halben bey eyner Papi-  
 stischen Mess bleyben müssen. Darauff ist diese ant-  
 wort. Erstlich / das der Teuffel selbs hie darwidder  
 spricht ynn des Luthers buch/ Wer den rechten Christ-  
 lichen glauben hab/der könne kein wyndel messe hörn/  
 viel weniger selbs halten/denn er Königs nicht leyden/ das  
 die Mess sey ein opffer vnd gut werck. Zum anderen/  
 vnd besser/das eym rechten Christen nicht genug ist/den  
 waren glauben alleyn im hertzen behalten/vñ aus fürcht  
 der selben nicht bekennen vor den menschen / ja mit vnd  
 darbey seyn/da man offentlich darwidder handelt/vnd  
 da selbst

da selbst sich stellen / als were er auch solcher meynung.  
Widder solche heucheley spricht Christus Elerlich / Wer  
sich mein vñ meynen red schempt / des wird sich des men  
schen kind schemen / wenn er wird komen / ynn seyner ma  
iestat vnd des vaters vnd der heyligen Engeln. Vnd  
Paulus zun Römern. Mit dem hertzen glaubet man  
zur gerechtigkeit / Aber mit dem mund geschicht bekent  
nis zur seligkeit.

Luc. 9

Rom. 10

Wenn diese Teuffels leer het gelten sollen / so weren  
gar wenig Mertrer worden / Denn sie alle wol heymlich  
im hertzen hetten ihren glauben behalten / vnd vor Gott  
bekennen mögen / ob sie schon eufferlich ynn der Heyden  
Kirchen gegangen vnd bey Abgötterey leyblich gewesse  
waren. Es gieng aber viel anders zu / wie aus Ireneo /  
Tertuliano / Cypriano / vnd aus den alten Concilijs Iri  
ceno / Ancirano / Elibertano 2c. Elerlich zu vernemen ist.

Teuffels  
leer.

Tertull.  
de Coros  
na milit  
tis.

Des Naaman Exempel kan solche muncel Christen  
nicht entschuldigen / wo sie im hertzen die Mess / darbey  
sie sind / für Gremel vnd Abgötterey halten. Denn eym  
waren Christey keyns wegs gezymet / aus menschlicher  
forcht bey Abgötterey seyn / odder aus heucheley die rech  
ten Christlichen warheyt zu schweygen odder dissimuli  
ren. Derhalben ich solchen Lutherischen Neuchlern  
die im hertzen Lutherisch / vnd auswendig Papistisch  
seyn wollen / offte vnters maul gesagt hab / das yhr glaub  
loß / seycht / schwach vnd zweyfflich sey / den sie aus heu  
cheley odder menschlicher forcht nicht bekennen wöllen  
noch thören / wider die leer Christi / Ihr solt nicht förch  
ten die ihenigen so den leyb tödten / vnd die seel nicht  
tödden mögen / Vnd sind ynn diesem fall die arme wider  
teuffer Tausentmal besser den die Lutherischen Munc  
ler / die keynen ernst yhres glaubens halben bestehen oder  
leyden wöllen / wie ihene jemerlich versürte leutlin thun /  
wie wol

Muncel  
Christen

Mat. 10  
Luc. 12

Cypri. de  
simplici.  
prela.

wie wol sie nerrisch vnd vnrecht thun/das sie des Teufels Mertrer werden ynn der Sect vnd zwyspalt / wie Cyprianus aus viel schrifftten anzeyget/ So sie wol selige beychtiger bleyben möchten ynn Christlicher eynigkheit der Kyrchen. Aber die Lutherischen gleyser/so sie widder Kalt noch warm sind/wil Christus ausspreyen aus seynem munde / wie er seynem lieben Jüngern Johanni geoffenbart hat.

Apoc. 3

Die Christen solle  
mit dem Naaman  
folgen.

Der new vnbeschnitten Jüd Naaman kan sie nicht entschuldigen/denn ein Christ viel stercker vnd vollkomlicher ynn seynem glauben sein sol denn ein Jüd/ Es stehet auch nyrgend geschrieben / das Naaman sey heylig odder selig worden. Derhalben kein rechter Christ ynn seinem gewissen sicher sein kan/so er dem Exempel nach folget/welches die Schrifft allein anzeyget ynn der historia/lobt es aber nicht/heysst auch niemand nachfolgen. Zetten die Nachabei solchem Exempel gefolget / weren sie nicht so grausam getödt worden.

Ein besser  
exempel.  
2. Mach.  
6.

Es ist aber wol ein besser exempel daselbst von Eleazaro einem von den obersten Schrifft geleerten/dem des Königs Antiachi hofleute gern darvon gehoffen hetten/seyner kunst/ehrlichem lebens vnd alters hgilben (denn er neunzig jar alt was) Begerten auch nicht/das er solt ein Abgott anbeten/odder bey Abgötterey seyn/sondern wolten alleyn / zu eymschein vor dem König / das er solt thun/als hette er von schweynen fleisch gessen/ Er wolt aber nicht/Vnd da man yhn marteret/sprach er/ Herr du weyst/so ich hette vom tod mögen erledigt werden/das ich schwere pein am leyb erleide/ Aber nach der seel/ vmb deyner forcht willen/leyde ichs gern.

Andreß  
gen des  
Teuffels

Was der Teuffel weytter nach der lenge weycht/wie die leyen yngewis sind / ob der Priester recht consecrir odder

odder nicht/vnd wil deshalben/das sie bey leyb vñ leben  
nicht glauben sollen / das Christus leyb vnd blut da sey  
2c. Dis ist eyttel eriegerey / vnd schriffelos gewesch/  
aus dem vater der lügen/ Denn oben klar beweyst ist/  
das der Priester im Consecriren nicht menschen wort/  
sondern krefftige wort Christi braucht/vnd die selbigen  
an stat Christi aus spricht. Wer nu an worten Christi  
zweyfelt / der ist keyn Christ / das wil auch der Teuffel  
haben/vnd sucht es hie durch Luthern.

Das er aber weytter vnser spot/so wir vns beruffen  
auff der Pŷrchen glaub vnd meynung / thut er als ein  
Apostata / Ich wolt aber dargegen gern hören / aus  
welcher Schrifft Luther odder seyn Teuffel beweysen  
möge/wenn ein Lutherischer Pfaff/der alleyn getaufft  
vnd nicht Priester geweyhet ist/yñ seyner new Euang  
gelischen Mess die wort Christi / das ist meyn leyb 2c.  
auffß leuttyst singt odder saget/ das dardurch fleysch  
vnd blut Christi yñ brod vnd weyn komme. Wo ste  
het das geschriben: Pfeyff auff du grober vngelerter  
Teuffel/Sage mir auch weytter/Wo stehet geschryben  
das durch diese wort fleysch vnd blut wirdt / wenn sie  
vberm altangesprochen werden/vnd nicht/wenn sie im  
passion odder sonst gelesen odder gesungen werden:  
Item wo steht geschryben/das durch diese wort fleysch  
vnd blut Christi wird/wenn sie vber brod vnd wein ge  
sprochen werden / aber nicht/wenn sie vber steyn vñnd  
wasser gesprochen werden: Hieraus mögen die Luth  
rischen wol sehen/wo hin sie der Teuffel durch Luthern  
furen wil / so er nichts wil gelten lassen/denn was yñ  
der Bibel geschriben stehet/ Nemlich yñ die zwingl  
isch vnd Pickardischen Sect / das durch die wort nicht  
wandlung geschehe/sondern es bleybe da schlechte brod  
vnd wein/nach als vor.

Die wan  
delung  
stehet nit  
yñ der  
Schrifte

¶ Wir

Wir aber halten vns festiglich an die Kyrchen/wel-  
che ist eyne Seruel vmd grundfeste der warheyt/vñ glau-  
ben sicher vnd ungezweyfelt/das/wenn ein rechter Prie-  
ster diese wort der tyrmung spricht vber brod vñ wein/  
das warhafftiglich dadurch die wandlung gescheh/wie  
wol es ynn der ganzen Bibel nyrgent geschriben steht.  
Wo wir diesen glauben der Kyrchen nicht hetten/so mü-  
sten wir wol eytel brod vñ wein da bekennen/weyl wirs  
aus keyner Schrifft mögen beweysen / Denn widder  
Christus noch eyncher Apostel geschriben hat/das sol-  
che wandlung durch aussprechen dieser wort geschehen  
sol odder möge/Sondern habens die kirchen mündelich  
gelernt / wie auch viel andere mysteria / die man für die  
hünd vnd schweyn ynn offentlichen schrifftten nicht wer-  
ffen sol. Derhalben ist es ein falscher grund vnd Teuffels  
betrug/wenn man schreyt/man sol nichts glauben denn  
was ynn der Schrifft stehet.

Math. 7.

## Von der Priester weyhe- vnd Crefem.

### Cap. III.



Schreib-  
aus einge-  
bung des  
heiligen  
geists.

Vn diesem stück haben wol vor 300-  
hen odder zwelff iarn herrliche bü-  
cher widder diese Barbarische vnd  
Teuffelische vnuernunfft des Lu-  
thers geschriben grosse treffliche  
vnd hochgelarte leut/Bischoff Jo-  
han Rossensis / Bischoff Johan  
Vienenfis / Doctor Elichtoneus /  
D. Mensinger/D. Rustachius 2c. Vnd diese alle/ein-  
mütiglich/auff eynen sinn vnd meynung/welchs ein an-  
zeychung ist/das sie so gleych bekante warheyt aus eyn-  
gebung

gebung des heyligen geysts geschrieben haben / Denn sie  
sehr ferr von eynander sind leyblich vnd nach dem land/  
auch einer den andern nicht kent / Nemlich/ist der erste  
vnter den obgemelten yn Engeland/der ander yn Oster  
reych/der dritt yn FrancFreych/der wird ynn der Marck  
der fünfft im Nidderland/ Welchs warlich on gnad vn  
eingebung des heyligen geysts ( der ein Gott der eynig  
keyt ist ) nicht geschehen were. Weyl wir sehen/das die  
Keger ( die aus eygenem kopff schreyben ) so gar vneins  
vnter einander sind/auch ynn einer Stad/als Luther vn  
Carlsstat zu Wittenberg / Ja ein iglicher widder sich sel  
best/wie des Luthers Siebentöpff / vnd des Zwinglins  
Antilogie/vom Bischoff zu Wien nach der lenge ange  
zeygt / Klar ausweisen. Nu hat aber Luther vnd all  
sein anhang nicht einen buchstaben widder obgemelter  
Scribenten grunde vnd vrsachen ynn so viel jarn herfür  
geben/sich darwidder zu verantworten.

1. Cor. 14.

Vneyntig;  
Feit der  
Keger.

Vnd wo iemand die selbigen/als Priester vn Bischo  
ffe/ynn eygner sache von der weyhe / verdecktig halten  
wolt ( das doch vnbillich wer/weyl sie nicht eigne wort  
vnd gezeugnis / sondern die wort Christi / Petri/Pauli/  
der Propheten vnd ander stelle der Schrifft/vnd die al  
ten heylige lere zugezeugen einführen ) So ist doch kund  
vnd offenbar / das nicht alleyn die gemeynen Concilia/  
darynn auch Leyen befunden werden / sondern auch die  
weltlichen Recht ynn Codice vnd ynn Antenticis / vnd  
die grosgewaltigen Keiser/Constantinus/Theobodus/  
Justinianus/Carolus Magnus/Ludouicus Pius 2c. wie  
die bewerten Zistorie vnd yhre eygne gesetz vnd bücher  
ausweisen/ Der Priesterlichen weyhe vnuerwerffliche  
gezeugnis offentlich vor aller welt gegeben haben/wel  
che warlich dem Luther vn seynem Teuffel viel zustarck  
sind vn zu fest stehn/das er sie mit keim schein bey erbarn  
vn vernünfftigen leuten mag vmbstossen oder billich ver  
werffen.

Starcke  
gezeugnis  
von der  
Priester  
weyhe.

C. de sac  
cro sanc.  
Eccle. et  
de episco.  
aud.  
In Affe.  
Colla. 1.  
Const. 5.  
Et Colla  
9. Const.  
vlt.

E. ij. Ober:

Der Kön-  
ig von  
Engelân

Über das so hat auch zu vnsern zeiten von der Pried-  
ster weyhe widder Luthern geschriben ein gros-gewalt-  
ger Ley / nemlich der mechtige König von Engeland /  
welchem er gar keyn antwort dauon geben hat / wiewol  
er sonst Lateinisch vnd Deudsch wider hochgemelten Kö-  
nig viel schmelischs gewesch mit aller vnzucht geschrie-  
ben hat.

Dionys.  
de Eccle.  
hierae. c.  
4. et 5. et  
in episto.  
ad Hier-  
moph.

Zu dem / so hat die ganze Christliche Kirch ynn allen  
landen vñ Nationen einmütiglich nu XV. hundert jar  
lang der priester weyhe offentlich bekent vnd im brauch  
gehabt / welchs Luther vñ seyn Teuffel nicht verneynen  
mag / weyl der grosse vñ heylige discipel Pauli Dionisius  
so klerlich dauon geschriben hat / Nicht alleyn ynn bü-  
chern / sondern auch ynn Episteln / Des gleychen der hey-  
lige Ignatius / der auch die Aposteln gesehen vñ von ih-  
nen gelernt hat / Vnd Policarpus ein discipel Johannis  
Apostoli et Euangeliste / ein grosser Bischoff vnd mera-  
rer ynn Smyrna. So finde man auch nicht anders bey  
den aller eltesten lehrern / Ireneo / Tertulliano Origene /  
Cypriano / Justino / 2c. Trotz dem Luther vnd allen  
Teuffeln / das sie anders beweysen.

Ignatius  
in episto.  
ad Tral-  
lianos.

Es würde viel zulang / alle der alten leerer gezeugniss  
sen hie anzusagen / Ich wil alleyn aus eyner Epistel S.  
Ignatii etliche wort kurglich melden / daraus jederman  
vernemen mag / wie ein bosshafftig vnd Teuffliche vn-  
gütigkeyt ist / das Luther die geystlichen so gröblich ver-  
acht vnd leßert / Darwider schreybt Ignatius yñ der ers-  
ten Epistel also. Ehret ewren Bischoff als Christum /  
wie auch die seligen Aposteln gebotē haben / den wer in-  
nerhalb des altars steht / der ist reyn / darumb seydt gehor-  
sam ewrm Bischoff vnd den priestern. Den was ist der  
Bischoff anders / den der alle oberkeyt vnd gewalt hal-  
tet / wie ein mensch halten sol / der nach tugent ist wordē  
ein nachfolger Gottes : Was ist das priesterthumb an-  
ders den



Der denn ein heylige einsetzung eyns rats vñ beycheigers  
des Bischoffs: was sind auch Diaconi anders den nach  
folger Christi so dem Bischoff dienen/wie Christus dem  
vater: vñ wirken im ein reyn vñ unbefleckt werck/wie  
der heylige Steffanus dem seligsten Jacobo/Timotheo  
us vñ Linus/Paulo/Anacletus vñ Clemens/Petro ge  
than haben/Derhalben wer denen vngehorsam ist / der  
ist genzlich on Gott/ist vngütig vñ veracht Christum  
vñ verkleynet seyne ordnung 2c.

Ob nu Luther all andre leerer hie verwerffen wolt/  
wie er oft gethan/so kan er doch Augustinum mit key  
nem scheyn verwerffen/weyl er yhn selbs hie so gros ach  
tet/das yhm keyn Papst/Cardinal odder Erzbischoff  
she gleych worden ist/nach werden kan. Wo ich nu aus  
Augustino solch priester weih vñ Character anzeyg/sol  
sich billich Luther sampt seim teuffel ein wenig schemen  
vñ die pseyffen eynziehen. Tu schreybt je Augustinus  
contra Parmenianum/lib. 2. ca. 13. (wie yhn auch Gra  
tianus in decretis vñ der Magister in sententijs allegirn)  
also. Es wird keyn vrsach angezeygt/warumb eyner nit  
möge verlieren die Tauffe/mög aber verlieren das recht  
zu teuffen. Des beydes ein Sacrament ist/vñ wird bey  
des dem menschen mit eyner heyligung geben. Eins so er  
wird getaufft/das ander so er wird geweiht/Derhalben  
yn Christlicher Kyrchen beydes nit mag widerumb geben  
werden/Den wenn ire vorsteher an der zertrennung vñ  
frydes willen widerumb yn Christlicher Kyrchen werden  
auffgenommen/zu iren ampten/sol man sie nit widerumb  
weyhen/denn wie die tauff/also auch die weyhe ist yn ih  
nen gang blieben/Wo man sie aber zu vorigen ehren vñ  
ampten nicht annympt/so werden yhnen dennoch nicht  
entzogen die Sacrament der weyhe/darumb ihnen auch  
nicht ym volck die hand wird auffgelegt/auff das nicht  
die schmach dem Sacrament selbs/vñ nit dem mensch  
en geschehe. Gleich als wen ein Kriegerknecht/welche des  
Keyfers

Augusti  
nus.

f. q. i. ch.  
Quod  
quidam  
et 24. q. 1.  
c. m. ca.  
Item 41  
sen. dist.  
25.

**Charac-  
ter.**

Keyfers Character vn ein malzeychen eingezeychnet ist/  
nach dem er ist entlossen vnd darnach widerumb zu ge-  
naden kompt / so wird der Character nicht widerumb  
eyngedruckt / sondern wird erkent vnd bewert / Solten  
aber Christliche Sacrament weniger anhangen den die  
leiblich zeychen : Sehen wir doch / das auch die Aposto-  
len die Tauffe nicht verlieren / darumb sie auch / nach  
dem sie widder Feren vnd busse thun / nicht widerumb  
getaufft werden 2c.

Hieraus folgt / das die Priester weyhe / gleych so wol  
ein Sacrament ist als die Tauffe / auch ein vnauslesch-  
lich zeychen ynn die Seele eindruckt / vn̄ des halben nicht  
mag widerumb empfangen werden / denn der Charac-  
ter bleibt ewiglich / darumb ein Priester nicht mag zwir  
zu Priester geweyhet werden / so wenig / als ein Christ  
mag zwir getaufft werden.

**Ein prie-  
ster ist nit  
wie ein  
Vogt.**

Es folget auch / das einer Priester bleybet / wenn er  
schon seyns ampts / stands odder ehr entsetzt wird / Dar-  
umb Luthers leer von der weyhe gar nicht vber ein kom-  
met mit S. Augustinus leer / Denn Luther wil die weyhe  
keyn Sacrament lassen seyn / verspott den Character /  
samt dem Crefem / vnd helt eynen Priester wie eynen  
Vogt odder Richter im Dorff / welcher seyns ampts  
entsetzt / nymer Vogt odder Richter ist / Das wil aber  
Augustinus gar nicht.

**Die weyhe  
kompt  
von Chri-  
sto her.**

Ob schon Luther auch S. Augustin auch verwerfft  
en wil / so mögen wir doch aus der herligen Schrift die  
Priester weyhe wol beweysen / vnd widder alle Teuffel  
durch Götliche krafft des ewigen worts erhalten. Den  
Christus selbs ( das ewige wort / weysheyt vnd war-  
heyt ) hat aus seynen Jüngern vnd glaubigen erwelet  
vnd ordinirt / Erstlich xij. Aposteln / darnach lxxij.  
Jüngern /

Jüngern/vñ hat ordnung vñ vnterscheid yñ seyner Tzwey-  
 chen auffgericht/wie auch Paulus zu Corinthern vñ  
 Ephesern anzeygt/das er etlich gesezt hat zu Aposteln/  
 etliche zu Propheten/etliche zu Euangelisten/etliche zu  
 hyrten vñ lehrern 2c. Es ist auch solche ordnung nie  
 so schlecht zugegangen/wie Luther meynet/denn er zuuor  
 betet die ganze nacht/wie Lucas schreibt/vñ gab etli-  
 che besondere namen/als Petro/Jacobo vñ Johanni/  
 wie Marcus anzeygt / Vñ ynn gemeyn gabe er yñnen  
 gewalt zu predigen / gesund zu machen die krancken/zu  
 reinigen die außserzigen/zu erwecke die todten/wie Mat-  
 theus sagt / Er hat yñnen auch ynn sonderheyt gewalt  
 geben zu tyrmen vñ consecriren/wie Lucas bezeugt im  
 Abentmal/ Vñ zuletzt sie angeblasen vñ gesprochen/  
 Nemet hyñ den heyligen geyst / wem yhr die sünde ver-  
 gebt/dem sind sie vergeben/vñ wem yhrs behaltet/dem  
 sind sie behalten 2c. wie Johannes ynnhelt.

1. Cor. 12.  
Eph. 4.

Luc. 6.

Mat. 28

Mat. 108

Luc 22.  
Joh. 20.

Des gleychen zeyget auch Paulus an/das er Timotheum vñ Titum geweyhet habe zu Bischoffen / vñ  
 das sie durch solche weyhe besondere gnad vñ gewalt  
 Priester zu weihen empfangen haben/ Denn er sprycht  
 zu Timotheo/Du solt nicht nachlessich seyn ynn der ge-  
 nad/so dir gegeben ist durch prophecey mit aufflegung  
 der hende des Priesters / odder ( wie etliche text haben )  
 des Priesterthumbs. Item ich ermane dich/das du auf-  
 weckest die gnad Gottes die ynn dir ist / durch auffleg-  
 ung meynen hende 2c. Vñ zu Tito/Deshalben hab ich  
 dich ynn Creta gelassen / das du solt bessern was mangel-  
 elt/vñ yñ Stedten Priester auffsetzen/wie auch ich dir  
 verordent habe.

Ein be-  
sondere  
gnad ynn  
der weyhe

1. Tim. 4.

2. Tim. 1.

Tit. 1.

Also haben auch andre Aposteln gethan/wiewol y-  
 re geschichte nicht alle/sondern das wenigste teyl ynn der  
 Bibel begryffen sind / Jedoch finden wir ynn actibus  
 Apostolo-

Die wey-  
der Apo-  
steln.

Apostolorum/wie sie erstlich Mathiam / barnach die  
 sieben Diacones erwelet haben. Item das die Prophe-  
 ten vnd Doctores zu Antiochia haben aus geheis des he-  
 ligen geysts Paulum vnd Barnabam gewelet vnd ge-  
 weyhet mit auff legung der hende / als sie solten aus zie-  
 hen zu predigen den Heyden. Jē das die selbigen zwē  
 hernachmals ynn allen kyrchen Priester cynsetzten ynn  
 der Heydenschafft. Vnd gienge solchs auch nicht so  
 schlecht zu/wie yzt ynn der Lutherey geschicht / Sona-  
 dern geschahē durch cyngebung des heyligen geysts/mit  
 fasten/beten/hende auff legen 2c.

Der Cres-  
 sem ist  
 nicht zu  
 verwerfē

Vom heyligen Cresem stchet wol nichts da/ob sie jr  
 darzu gebraucht haben oder nicht/Es ist nicht alles ge-  
 schryben/Vñ mag Luther hie wol mit eigner münz red-  
 lich bezalt werden/das ist mit eygnen worten/die er wid-  
 der Carlstat gebraucht/gestraft vnd vberwunden wer-  
 den/da er also spricht/Wolan du Seelmörder vnd geist-  
 der sund/wir bekennen/das Gott die Sacrament nicht  
 Sacrament geheysen hat/anch nicht gebottē/das man  
 sie Sacrament heysen sol. Sage mir aber dargegen/  
 Wo hat ers verbotten / das mans Sacrament heysse  
 Wer hat dir gewalt geben zuverbieten/was Gott nicht  
 verbeut? Bistu nicht ein rechter Seel mörder/der sich  
 an Gottes stat setzt vber vns 2c. Also wil hie Luther  
 auch nicht alleyn vber vns / sonder auch vber die kyrch-  
 en / ja vber Gott den heyligen Geyst seyn / zu verbieten  
 den Cresem / so er ynn der schryfft nicht stehe/den doch  
 die kyrche durch den heyligen Geyst so viel hundert jar  
 gebraucht hat/ynn der schryfft nyrgend verbotten. Es  
 hette sich auch nicht gezymet/alle heymligkeyt vñ hohe  
 mysteria vnser glaubens ynn offne vnd gemeyne büch-  
 er der Bibel zu setzen / denn Juden / Heyden / Türcken/  
 Ketzer vnd Apostaten ( wie yzt Luther vnd sein anhang-  
 thum ) hetten solche mysteria verhönt/verspott/vbel aus  
 gelegt

gelegt vnd mit fassen getreten/Darumb verbot es Christus im Euangelio/das man das heylig den hundē nicht geben solt 2c.

Matth. 7

Denn so Luther hie selbs/vnd der grobe pöfel seines anhangs / viel jar her/ sich nicht schemet noch schewet/ den heyligen Crefem ein garstig stinckend öll zu heysen/ vnd mit allerley iniurien zuverhönen/ So sie doch selbs alle damit sind geheyligt worden / als Christen/ynn der Tauff/wie viel mer wörden die Juden vñ Heyden/Türcken vnd andre vnglaubigen/solch heilthum verspot/vñ das ganze new Testament sampt Christlicher religion/ verworffen haben/wen sie solche Ceremonien im Euangelio oder Paulo gelesen/vnd yhre bedeutnis nicht verstanden oder geglaubt hetten: Der halben hat Dionysius/als er dem Timotheo von der weyhe ampt vñ werck des Christlichē priesterthums die verborgenen mysteria vnd heymligkeyt wolt entdecken/sprach er zu yhm/Sih wol zu / das du das heylig der heyligen nicht austragst/ odder vnheyligen augen zuverrucken gibst/sondern ehre die heymligkeyt Gottes mit geystlichen vnd vnsehtlichen zeychen/vnd lere sie nicht hyn vnd widder die vnuerstendigen groben leute/sondern allein den heyligen soltu der heyligen dingen verstand eröffnen 2c.

Vngutig  
schmache

Dionysius  
de Eccle.  
hierat. in  
prologo.

Das aber auch bey zeytten der Aposteln des heyligen Crefems brauch ynn der Kyrchen gewesen sey/das wil ich kürzlich anzeigen. Durch drey aus der Aposteln/ Jüngern vnd discipeln/Clemlich/Dionysium/Clementinum vnd Anacletum/drey fürnemliche discipeln Petri vñnd Pauli. Denn Dionysius wol zwey Capitel nach der lenge dauon schreibt/anzuzeigen was hoher bedeutnisse verborgen sind yñ der bendeyung vnd brauch des Crefems. Wen der Bischof den crefem/mit zwelff flügeln umbgeben vñ bedeckt/auff den altar legt/vñ die andern dieweil heilig gsang singē/welchs sie durch götlich eingebürg die

Des Crefems  
brauch  
bey zeytten  
der Aposteln.

Dionysius  
vbi sup.  
c. 4. et 5.

S ij propheten

gelernt haben/ Vnd nach dem der Bischoff die benedey-  
 ung mit ordenlichem gepet volnbracht hat / so gebrau-  
 chet er desselbigen Crefems schier ynn allen weyhungen  
 des Bischofflichen ampts 2c. Wie noch heut des tags  
 ynn Christlicher Kirchen brauch ist/das mit dem Crefem  
 gesegnet werden/die Tauff/die Gottleuser/die Altar/  
 die Kelch vnd Paten / die Kynder so getaufft sind / an der  
 scheyttel/vnd so sie gesirmt werden/an der styrn/ Vnd  
 ynn der heyligen weyhe / wirdt mit Crefem gesalbet ein  
 Priester ynn henden / ein Bischoff ynn henden vnd am  
 heubt/dauon David weyssaget im cxxxij. psalm/ Wie  
 die salben am kopff so herab fleust ynn bart Aaron.

Dis alles ist bis von der Aposteln zeyt gehalten wor-  
 den/welchs aber alles die newen Sect yzund verspotten  
 vnd mit füßen treten/als rasende hunde vnd grobe sew/  
 dauon Christus sagt/vnd thun nicht anders denn weren  
 sie lauter Mamalucken/vnd leybhaffrige Teuffel.

Clemens  
 episto. 3.  
 6. 56

Widder solche rasende vngütigkeyt spricht der heylis-  
 ge Papsst vnd discipel Petri vnd Pauli Clemens. Ein-  
 iglicher Bischoff / so mit dem heyligen Crefem gesalbet  
 vnd geweyhet ist / der heyligen schrift vnterrichtet/sol  
 den leuten sehr lieb vnd wert sein/welchen sie alle an stat  
 Christi ehren/yhm dienen vnd gehorchen sollen/vñ wiss-  
 sen/das alles/es sey ehr odder schmahe/so yhm geschicht  
 fleust auff Christum/vnd von Christo auff Gott 2c.

Anaclet-  
 tus epist.  
 2. c. 1.

Vnd noch deutlicher spricht Anacletus ( der nechste  
 Papsst nach S. Clemens / der auch schreybet/das er sey  
 Priester geweyhet von S. Peter ) Wenn ein Bischoff  
 geweyhet wird/sollen alle Bischoffe der selben Prouinz  
 darbey seyn/vnd vleyssige forschung haben/fasten vñ be-  
 ten / vnd am Sonntag ynn der dritten stund / dem so ge-  
 weyhet wird/die hende vnd das Euangelii buch auff le-  
 gen/

legen / vnd yhn mit dem heyligen Crefem salben / nach dem Exempel der Propheten vnd Königen / nach der weys der Aposteln vnd Moysi. Denn alle heyligung geschicht im heyligen geist / welches vnsehtbarliche krafft ist durch den heyligen Crefem geoffenbart. Vnd mit dieser Cerimonien sol Bischoffliche weyhe gehalten werden. Aber der erste Erzbischoff zu Hierusalem S. Jacobus / der auch genent warde der gerecht / vnd ein bruder des Herrn nach dem fleisch / ist geweyhet worden vñ Petro Jacobo vnd Johanne / damit yhren nachkommen ein forme gegeben ist / das ein Bischoff nicht weniger den von dreyn Bischoffen / mit verwilligung der andern Mitbischoffen / sol geweyhet werden. Aber andere Priester sollen von yhrem Bischoff geweyhet werden 2c. Haec Anacletus. Daraus gang klerlich zuuernemen ist / das der Crefem allzeyt im brauch der kyrchen gewest ist.

Das ist nachdem geblit / als geschwistiget find.

Was ist nu nütze odder von nöten / dem schweligen Teuffel des Luthers auff die lesterwort / so er mit eyttel lägen vnd Sophistischem wortkämpff ynn vier odder fünff Quaternen darwidder fürbringe / zuantworten: Wer Christo / Paulo / Dionysio / Clementi / Anacleto / Augustino / vnd allen heyligen vetern sampt der gangen kyrchen / nicht gleuben wil / wie sol er mir gleuben: Es ist aber Luther so gar vnnerschempt / das er auch die kirchen vnd die heyligen Aposteln nicht wil von yrrthumb ledig zelen / Vnd kan doch ynn warheyt nicht das wenigste wörlin aus der schrifft anzeigen / da geschrieben steh / die Priester weyh sey menschliche thant / oder der Crefem sey unnötig vnd menschen werck. Derhalben kan im kein mensch ynn so groben stücken zufallen / denn wer von Gott verlassen ist / vnd dem alle gnad aus gerechtem zorn Gottes / von wegen des leichtfertigen abfallens / empfallen ist / das er mus mit sehenden augen blind seyn.

Die Lutherische sind von Gott verlassen.

Rom. 1.

Es. 6.

I ij. S. Igna.

Ignati  
epist. 9.

S. Ignatius schreybt ab Hieronem der nach im solt  
Bischoff werden / Ein iglicher der anders sagt den was  
gesetzt ist / ob er schon sonst glaubwirdig ist / ob er schon  
fastet / ob er schon die juncfrawschafft helt / ob er schon  
wunderzeychen thut / ob er schon prophezeit / Soltu im  
halten als eynen wolff / der ynn der hert Christi zerströ-  
ung macht zc. Aber yzt ist der pöfel an viel orten so lei-  
chfertig / das er flux von der kirchen vnd altem glauben  
abfelt / einer zum Luther / der ander zum Zwingli zc. So  
doch yhr Keyner hat bis her ein lahm pferdt gerad mo-  
gen machen / vnd sind widder juncfraw noch Prophe-  
ten / sonder leben yñ allem wollust vñ fleischlicher begird

Falscher  
gründ des  
Luthers

Waranff trozt aber Luther so gröblich wider so al-  
ten vnd gemeynen brach der ganzen kyrchen / die weyhe  
samt dem Crefem vmb zustoßen / welche wir beweyßt  
haben aus beyden rechten / aus den eltesten lehrern / dar-  
zu die weihe aus gutem aus gedruckten grund des Euan-  
lij vnd Pauli: Ach der tolle Stürmer hat kein schrifte  
noch eynen Christlichen lehrer für sich / Sondern stehe  
alleyn auff diesem falschen grundt / das nichts gelten  
sol / was nicht ynn der Biblischen Schrifte stehet / wie  
auch vor yhm gesagt haben die groben Knüttel die Albi-  
genses / die Picarten / die Taboriten zc. Tu ist der  
selbige falsche grundt manigfeltiglich widerlegt von  
Dionysio / Origene / Augustino / Vnd lang hernach wider  
dem Wicleff vom Widesurdo vñ von Thomas Wal-  
den / vnd yetzt widder Luther vnd Zwingli vom Bischo-  
ffen von Rossa / vom Bischoff von Wien / von D. Jo.  
Ecken zc. Auch von mir / als dem geringsten ynn viel  
büchlin / auch oben bemeldet.

Wider An-  
gu. in epi-  
stola 118.  
Wider  
fard ar 13  
Koffen.  
con. asser-  
ti. Luthi.  
in prolo.

Drey per-  
son ynn  
eygenem  
wesen

Zie vmb kurz willen sage ich dar widder / das vnser  
höchster articel des glaubens nicht ausdrücklich yñ der  
schrifte stehet. Nemlich / das drey person sind ynn einem  
wesen /



wesen / Vnd wo ich nicht besorget der ergernis/wolt ich  
 darwidder wol viel bessere argument vñ größern schein  
 aus der Schrifft auff bringen denn des Luthers schwes-  
 ziger Teuffel hie widder die weihe vnd Cresem auffbrin-  
 get/vnd dörfte wetten/ob mirs Luther vnd seyn Teufel  
 möchten aus der Schrifft redlich auff lösen. Weyl  
 aber der tolle pöfel furwitzig ist/vnd balde auff ein new  
 es dahyn plant/auch allgeret etliche Keger entstanden  
 sind/die heymlich darwidder muncen / auch zum theyl  
 Gottsesterliche bücher ynn druck gegeben haben ( dar-  
 ynn sie mit vnleidlicher erschrecklichen schmahe heysens  
 drey Chimeras ) wil ich keyn argument darwidder hie  
 machen/wil alleyn damit anzeygē/wie ein fauler vñ fals-  
 cher grunt/das ist/darauff Luther vnd andre Schwer-  
 mer schier all yhre Kegererey setzen / So sie nichts wollen  
 gelten lassen denn was ynn der heyligen schrifft ist aus-  
 gedruckt. Mir ist aber genug/das die Kirch allezeit ge-  
 halten hat / das drey person sind ynn eynem Göttlichen  
 wesen/wie bezeuget der alte discipel Pauli Dionysius im  
 buch von Göttlichen namen.

Dionys.  
 de Diuisi-  
 nib. 6. 24

So denn Luther selbs bekent/das Gott im Papst-  
 thum vnd ynn vnser kirchen erhalten habe die heyligen  
 Tauff/das rechte Euangelium/vergebung der sünden/  
 das heilige Sacrament des altars/recht pfarrampt/be-  
 ruff vnd predigampt/Item das recht gebet/als Psalter  
 Vater vnser/den glauben/die zehen gepot/vñ viel guter  
 lieder vñ geseng/bede lateinisch vñ Dentsch/welche alle  
 sind fruchte vnd ordnung Christi/Das da selbst Christus  
 gwislich bey den seinen sey mit seim heiligē geyst 2c. Dar-  
 aus kan warlich ein iglicher (wer nit mit sehenden augen  
 blind ist ) leydelich ersehen/wie thörllich/fehrlich vñ vn-  
 sicher ist/von solcher kirchen vnd gemeyn auszufallen in  
 ein newe Sect/es sey Luthers/Zwingli/Widerteuffisch  
 odder allerley schwermererey/Denn ynn keyner Sect mag  
 Christus

Bekent-  
 nis des  
 Luthers

1. Cor. 14.

Tit. 3.

Luc. 19.

Krafftlo  
se Sacra  
ment ynn  
der Luth  
therey.

vide mul  
tos Cano  
nes. q. 1.  
Et de co  
sacra. dist  
4.

1. Cor. 14.

Eph. 2.

Christus obder der heylige geyst sampt oberzelten stück  
en befunden werden / den Christus vnd sein heyliger geyst  
ist ein Gott der eynigkeyt / nicht der zertrennung odder  
Secten / Derhalben Luther hie auch aus eygнем vrteyl  
( wie Paulus spricht ) verdampft ist / vnd als ein schalck  
hafftiger Knecht aus eygнем mund verurtheilt.

Denn wir dem Luther gar nicht gestehen noch zula  
ssen / obgezelte stück ynn seyner Sect recht zu haben vnd  
gebrauchen / als wirs ( Gott lob vnd danck ) haben vnd  
gebrauchen / Denn ob schon bey yhnen die rechte Tauff /  
vnd der ware leyb vnd blut Christi im Sacrament ist /  
so macht doch die feyndselige vnd Gottegehasste Sect vñ  
zertrennung / das solche hochwirdige Sacrament gnad  
los vnd krafftlos bey yhn seyn müssen / weyl Christus  
vnd der heylig geyst ( von welchem alle gnad vñ krafft  
der Sacramenten herfließt ) ynn keyner Sect vnd zwoy  
spalt sein wil noch kan / denn er ist ein Gott des friedes  
vnd der eynigkeyt / wie Paulus spricht / vnd leydet nicht  
zertrennung ynn seyner Kirchen / sonder macht viel mehr  
die zweyspaltigen eynig / wie er von anbegin nach der hy  
melfart / die zwey vneynigen geschlecht / die Juden vnd  
Zeyden / eynig gemacht / vnd ynn eynem Schaff stal ge  
bracht hat.

Derhalben hat die Lutherisch Tauff nicht so kreff  
tige Wirkung als vnser Tauff / vnd das Sacrament des  
altars / empfangen die Lutherischen nit würdiglich noch  
zur seligkeyt / wie bey vns frome Christen thun / sondern  
vnwürdiglich / zum gericht vnd ewiger verdammis / Den  
sie misbrauchen das Sacrament der eynigkeyt ynn zwoy  
spalt vnd vneynigkeyt / Sie haben auch nicht das rechte  
Euangelium / sondern den text vom Luther an vil hun  
dert orten gefälscht vnd vnrecht ausgelegt. Sie haben  
keyn vergebung der sünde / vnd all yhre Absolution ist  
nicht

nicht ein hellers wert/den sie geschicht außserhalb der  
 Kyrchen vnd des heyligen Geysts/durch welchen die ver-  
 gebung komen mus. Ir pfarrampt ketzerey vñ Gottslesterung  
 daryn sie Gots worts misbrauchen zu yrtumb yrer sect/  
 zu versführung des volcks / zu lestern den Papsst vnd die  
 Christlichen Kyrchen. Ir gebet ist ein standt vor Gott/  
 wie des armen Judas/davon der Prophet spricht/Sein  
 gebet sol werden zur sünde. Vnd yhre newe geseng vnd  
 Deudsche lider sind ein lauter wolffscheulen/widder die  
 schaff Christi/zu trug dem hyrten vnd der Kyrchen/ihre  
 Kegergruben damit zustercken.

Psalm 104

Das wil ich niemand / denn alleyn dem Luther / als  
 öffentlich vnd ordentlich verdampftem Keger / zu leyde  
 odder widerdries gesagt haben. Den andern sol es gesa-  
 get seyn/den vnsern als ein trewe warnung/sich vor sol-  
 chem abfal vnd schaden zu hüten/den Lutherischen als  
 ein hergliche erynnerung aus rechtem mitleyden/der sa-  
 chen besser nach zudencken/das es viel sicherer ist / Dio-  
 nysio/Clementi/Anacleto/Ignatio / Augustino vnd der  
 gangen Kyrchen zu gleuben/denn dem eynigen vnbesten-  
 digenvnd vnheyligen öffentlich verdampften Keger/wel-  
 cher von newem nichts guts bisher furbracht hat/was  
 aber guts ynn seyner Sect befunden wird/das hat er der  
 Kyrchen abgestolen/geraubt vnd entpfrembdet.

Protesta-  
 tio.

Das er aber seyne Leyen pfaffen vnd hungweyhe wil  
 aus Bepflichen rechten bewerren / des ist wol zu lach-  
 en/weyl er des Papsst recht langst verbrent hat/ Auch  
 so nerrisch arguirt / das wol ein schlechter schüler sehen  
 kan/wie ein vnformlich vñ Schwermerisch argument  
 er für gibt/also sprechende. Hat doch der Papsst selbst  
 ynn seynem geystlichen rechten gebotten / man solle der  
 Keger weyhe halten / vnd nicht widerumb weyhen/die  
 G so von

Ein vñ  
 förmlich  
 argumēt

so von Kezern geweyhet waren/ **Tu** sind wir Lutherisch  
 en nicht Kezer / das müssen die Papisten selbst bekennen  
 Darumb sollen sie vnser weyhen vñ ordinirn lassen rechte  
 seyn ( auch nach yhrem eygen Bepstlichen recht vnd ge  
 bot ) vnd sollen keynen danck dafür haben 2c. **Ant-**  
**wort.** Dieser Syllogysmus kompt nicht aus Grecia  
 odder Italia / sonder aus dem Schwermerland / do das  
 geystlich recht verbrent / vnd Aristoteles verworffen ist  
 Wer aber fünff sinne hat / der sicht bald / das es ein newe  
 Logica ist / vnd nerrischer denn Marcolfus argument /  
 Vnd freylich kein Bawer so grob vnd vnuerstendig ist /  
 das er nicht vernemen solt die vngeschickten form die  
 ses arguments. Denn es laut kürzlich also. Der Kez  
 er weyhe sol man halten / Die Lutherischen sind nicht Ke  
 zer / Darumb sol man yhre weyhe halten. **Tu** fehlet  
 dis argument allenthalben ynn der Materia vnd ynn  
 der form / Die Materia ist falsch / die form hat widder  
 weys noch figur / Beruffe mich des auff alle hohe vnd  
 niddere Schulen. **Sette** er aber gesagt / **Tu** sind wir  
 Lutherischen Kezer / So het das argument ein gestalt /  
 vnd sundiget nicht yñ forma/modo vñ figura / wie vor  
 Das aber Luther ein Kezer sey / bezeuget nicht alleyn  
 Bapst vnd Keyser / viel Vniuersiteten / vnd des heyligen  
 Keychs Fürsten vnd Stende / sondern vor rñg. jarn hat  
 ers selbst bekennet vnd gesprochen / Wo Johan Zus ein  
 mal ein Kezer sey geweest / so sey er wol zehen mal ein  
 Kezer.

In assert.  
 art. 30.

Wess der  
 Kezern  
 Tauf vñ  
 weihe gel  
 ten sol.

Aug. cō.  
 parmen.  
 li. 2. c. 13.

Wenn er aber nu spricht / der Bapst setze selbs / man  
 solle der Kezer weyhe halten. Darauff gebe ich diese  
 antwort / Wenn die Kezer ynn der weyhe halten die ordi  
 nung vnd brauch Christlicher Kyrchen / so sol man sie  
 halten / vnd die geweychten nicht widerumb weyhen /  
 wie oben aus Augustino ist angezeigt / Wenn sie aber sol  
 chen der Kyrchen brauch vnd ordnung nit halten / so gilt  
 solche

solche weyhe nichts/wie auch vom Tauff beschlossen ist  
im Cöcilio Niceno wider die altē Ketzer Paulianisten vñ  
Cataphrygas/Aber der Arrianer/Donatisten/Nestori-  
aner/Pelagianer 2c. Tauff vnd weyhe lies man gelten/  
das man nicht dorffte anderwet teuffen odder weyhen/  
weyl sie die form vnd ordnung gmeiner Kirchen hielten.  
Also lassen wir auch die Lutherischen Tauff gelten/das  
wir yhre Kynder nicht widertauffen/wenn sie zu vns tre-  
ten/weyl sie teuffen im namen des vaters vnd des Sons  
vnd des heyligen geyst. Aber yhre hungeweibe/daryn sie  
schlecht aus Leyen yhre pfaffen ordiniren / on Bischoff  
vnd Cresem / die mögen wir ynn Keynen weg gelten las-  
sen/Denn wo solche pfaffen so geschickt weren / das sie  
zu Priesterlichen ampten töglich würden geachtet/vnd  
sie widderumb Ketten zu vns/müßten sie warlich von new  
em geweyhet werden/solten sie rechte priester seyn.

Con. 271  
ccii. c. 19

Aber Luther/als ein trotziger Apostata/spricht wey-  
ter/ Er wölle hynfurt/dem Bepflichen/halstarrigen/  
vnbusfertigen/bluddürstigen grewel/zu trotz vnd wid-  
der/dahyn erbeyten/das ein Pfarrher bey yhn / zum vn-  
terscheyd seyner wyndel weyhe vñ yhres beruffs/die ge-  
salbeten finger/mit laugen / salz vnd seyyen sol reyen/  
vnd des EndeChristi Character odder malzeychen ab-  
waschen 2c. Diese lesterliche wort müssen wir von  
yhm leyden/als lange Gott wil/wir habens mit vnsern  
sunden wol verdienet vmb Gott. Die heylige Bepst/  
Gregorius der erste/vnd Nicolaus der erste / schrieben  
zu den grosmitigen Keysern/Mauricio vnd Michaele  
gen Constantinopel / Ob yhre sunde solchen hochmut  
verschuldet hetten gegen Gott/so hetten doch Petrus  
vnd Paulus nicht verschuldet. Also haben auch vnser  
Bischoff vñd Priester mit yhren sunden misbranch  
vnd nachlessigkeyten solchen hon/spot vñ lesterung wol  
verschuldet gegen Got/Aber die heyligē veter/Mertrer  
G ij vnd

Graues  
meschine  
bewort.

vnd Beychtiger / so die heyligen weyhe vnd Cresem ge-  
brauche / vñ ordenlich XV. hundert jar lang ( wie oben  
erweyßt ) bis auff vns gebracht haben / die werdens war-  
lich vngerochen nicht lassen / als wenig Petrus vnd Pau-  
las die obgemelten Keyser haben vngestrafte lassen hyn-  
gehen / denn sie beyde sind des Keyserthumb / des lebens  
vnd alles guts sampt yhren Kynden / von yhren eygenen  
Zaubeleuten beraubt worden.

Denn diese Gottsestörung betrifft Christum selbs /  
von dem die heylige weyhe yhre ankunfft / ordnung / ge-  
nad vnd krafft hat ( wie oben aus der Schrifft vnd ale-  
ten leerern erweyßt ist ) Vnd den heyligen Geyst / der die  
vnseeliche salbung ist / durch den eusserlichen Cresem  
bedeut / wie Dionysius vnd Anacletus bezeugen / Davon  
1. Joh. 2. Johannes spricht ynn seynen Epistel. Ihr habt die sal-  
bung vom heyligen / Vnd wie euch seyne salbung leeret  
von allen dingen / so ist's war vnd keyn lügen / Vnd wie  
sie euch gelet hat / so bleybet ynn yhm 2c.

Die Zuff-  
sien ynn  
Behem.

Solchs alles haben vorzeytten auch die groben Al-  
bigenses / Arnoldisten / Picarten / Wiclefisten / Tabori-  
ten 2c. verspot vnd hyngeworffen / Sie sind aber langst  
hynunder / die weyhe vnd Cresem bleyben noch. Also  
thaten auch erstlich die Zussen ynn Behem / aber es we-  
ret nicht lang / denn gar grosse vnordnung / schande vnd  
laster daraus erwachsen / so die ergsten buben vnd Land-  
leuffer aus allen landen gen Behem lieffen / vnd on Bi-  
schoff vnd Cresem da pffaffen worden / vnd Behemisch  
hungmes hielten / ynn grosser ergernis des volcks / das  
es bald dahin gereychet / solche vnlust vnd schande zuver-  
meyden / lieffen sie widderumb rechte Priester weyhen /  
vnd so sie keynen Bischoff hatten / musten die arme leut  
yhre weyhe dieblich bey andern Bischoffen / vnd yñ Wel-  
schen landen abstellen / vnd mit verleugniss yhres vater-  
landes /

landes/erwerben. Dis wil ich auch niemand zu leyde/  
den dem Luther gesagt/sonder damit vnser Deudschen  
erewlich vor solchem vnrat gewarnet haben. Denn es  
stehet geschrieben. Deus non irridet. Gal. 6.

Weyl denn Luther die weyhe / Crefem vnd Sacra-  
ment so hoch verachtet / das er auch dem Teuffel wil  
gewalt vnd macht geben / Messe zu halten / vnd das wa-  
re hochwirdige Sacrament / leib vnd blut Christi zuhan-  
deln / tyrmen vnd wandeln (welches ich vor nie gehört  
habe / auch keynen Keyser weys der so grob vnd verecht-  
lich geschrieben hette) haben warlich vnser Deudschen  
wol darauff zu gedencen / vnd höchlich zubesorgen ey-  
ner harten straff vnd plag vmb solche Gorttlesterung /  
denn vor yhe geschehen ist.

Der Teu-  
fel ist des  
Luthers  
Priester.

## Von der Tauffe.

### Cap. V.



Er Tauffe halben verklagt vns Lu-  
ther / odder seyn Teuffel hefftig vnd  
heslich / zuuoraus ynn zweyen stück-  
en. Erstlich / das wir nach der Tau-  
ffe gute werck / rew / beicht vnd ge-  
nugthuung leren. Zum andern / das  
wir nach der Tauff besondere Prie-  
ster weyhen 2c. Vom ersten schrey-  
bet er feyndlich / das man hab durch  
rew / beicht vnd gnugthuung / der Tauffe vergessen müssen  
vnd mit Winckelmessen / Münchtauffen / Walsarten /  
Ablass / heyligen dienst / vnd der gleychen viel andern  
menschen gedicht vmbgehen / zu grosser schmahe vnn-  
vergessund der Tauffe vnd des bluts Christi 2c.

G iij. Wer:

Des teuffels  
liste  
widder  
die buße.

Lut. ynn  
Captiui.  
Babyl.

Wer aber hie augen zusehen hat/der sihet baldē/das  
es eyttel liegen vnd triegen ist / aus neyde des Teuffels/  
welchem leyd ist/das die Christen yhre sünde/so begangē  
sind nach der Tauffe / berewen / beychten vnd büßen.  
Wolt lieber / das sie sich mit falschem wahn auff yhre  
tauff verliesen/vnd vngelüßet yñ sunden ewiglich stür  
ben/das were sein lust / Darzu hilfft yhm der Lucher/  
als ein getrewer diener/mit allerley lügen vñ Sophiste  
rey/ Vnd spricht hie/vnd sonst mer yñ viel büchern/das  
alle leere/so vns auff werck weysen/sind wider die tauff/  
Vnd vor riß. iarn schriebe er Lateinisch / das ein Chris  
sten mensch so reich sey / das er nicht möge verdampt  
werden/wenn er schon wolte/wie gros seyne sünde jmer  
seyn mögen/er wolte denn nicht glauben/den keine sund  
mögen yhn verdamen denn alleyn der vnglaub / die an  
dern alle werden flux ynn eynem augenblick verschlung  
en/wenn der glaub stehet oder widerkompt/an die Göt  
lichen zusag so dem getauften geschehen ist. Derhalben  
sol man sich hüten vor den ihenigen/die da sagen / Die  
gnad werd wol durch die Tauffe eingegossen/aber durch  
die sund wider ausgegossen 2c. Wie er auch hie spricht/  
das wir ynn der tauff on werck die gnad empfangen vnd  
ewiglich behalten sollen. Durch dis wörlin / Sollen/  
wil er hie ein hynderthürlin vnd ausflucht behalten/  
Zats aber zuuor auffen lassen/vnd schlecht gesagt/ Es  
schade keyn sund dem getauften den alleyn der vnglaub  
be. Zats auch S. Hieronymum verworffen/das er leret/  
das die bus sey die ander Tafel nach dem schiffbruch 2c.

Gute  
werck sint  
nit widder  
die tauff.

Das aber dis alles falsch/ los gewesche vnd teuffels  
rath sey / bezeuget das ganz Euangelium vnd Paulus  
ynn allen Episteln/die vns allenthalben auff gute werck  
weysen/ Vnd nyrgend sagen/wie Lucher thut/das gute  
werck widder die tauffe sind. Denn Christus an dem  
ort/da er die Tauffe einsetzt / zu teuffen im namen des  
vaters/



Waters/vnd des Sons/vnd des heyligen Geysts. Setzt er flux hinzu/das die Aposteln sollen die leute/so getauft sind/leeren/zuhalten alles was er yhnen gebotten hatte. So lernet auch Paulus die getauften Römer / das sie durch die Tauffe sind worden frey von der sünde / aber knecht der gerechtigkeit/das sie yhre glieder sollen darbieten zu dienen der gerechtigkeit/wie sie die selbigē vor der tauffe hatten dargebotten zu dienen der vneynigkeit vnd der sünde zur sünde. Item Petrus spricht zu den getauften/das wir sollen tod seyn den sünden / aber leben der gerechtigkeit 2c. Also haben einmütiglich gelernt alle heilige leere yhre Teufflinge/zunor aus vnd auff aller schönest/Cyprianus/Chrysostomus/Gregorius/Basilius / Ambrosius vnd Augustinus/ynn yhren Catechismis vnd predigten. Item Jacobus ynn seynen Epistel/ vnd Augustinus de fide et operibus 2c.

Mat. 28

Rom. 6.

1. Pet. 2

Ist nu Luther kei/so zeige er vns dargegen/wo geschrieben stehe/das man nicht lernen sol/nach der tauffe reu/beicht/buss vnd gute werck zuthun. Item das man nit sol Mies halten/Mönch werden/Walsarten thun/Ablas verdienen/die Heyligen ehren vñ anrufen. Zum dritten/das solche werck ein schmah sind der Tauff vñ dem blut Christi. Zum vierden/das ein Christen mensch nit möge verdampft werden/wenn er schon wolt/durch keyne sund denn alleyn durch vnglauben. Zum fünfften das alle ander sund flux verschlungen werden durch den glauben 2c. Sind es doch eytel teuffliche lügen vnd berrieglich Sophisterey/aus lauterm neid vnd hass wider die geystlichen erticht / dem weltlichem volck die ohren zu krawen.

Schrift  
los gewe  
sche des  
Luthers

Es steht auch nyrgent geschrieben / das wir für die sund so nach der Tauff geschehn / nit dürffen bus thun. Ja es ist wider al schryfft vñ heilige lerer/Den Christus nit drumb geliten hat/das wir nach der tauff möge frey sünden/

1. Pet<sup>2</sup>

Rom. 6.

Gute  
werck  
sind krefftig  
durch  
Christu.  
Phil. 4.

Tit. 3.

Apoc. 2.

sünden/sondern das wir sollen nachfolgen seynen füsere  
ten/wie Petrus spricht / dienen der gerechtigkeit/vnnd  
vnser leyb opffern als ein heylig vnd Gottselig opffer  
2c. wie Paulus leeret. Jedoch bekennen wir / das vn-  
sere werck vnd busse durch sich selbs nichts vermögen/  
aber durch die gnade Gottes vnd durch das leyden Chri-  
sti werden sie krefftig/zu erlangen ablass der sünde/vnd  
zu verdienen das ewige leben/wie Paulus spricht. Ich  
vermag alle ding ynn dem der mich sterckt. Solchs ge-  
schicht/wenn wir vns des leydens Christi durch die heyl-  
ligen Sacrament theilhaftig machen / vnd von sunden  
erledigt werden / Erstlich durch die Tauffe / vnd das  
nur ein mal/ Darnach durch die busse/als offte wir vns  
dazu schicken/vnd thun/was darzu gehört.

Vnd wird dadurch Christus gar nicht ausgeschla-  
gen odder vergessen / denn alle Sacrament yhre krafft  
vnd Wirkung von Christo haben vnd durch Christum/  
als durch den weinstock / ynn vns Christen als ynn die  
weinreben den safft der Göttlichen genaden eynführen/  
als wasserrinnen vnd adern/durch welche die gnad von  
Christo ynn vns fleußt. Darumb ist Luthers erste klag  
eytel Sophistische triegererey vnd Teuffels gespenst/so er  
Christum felschlich fürwendet / als solten yhm vnd seya-  
nem blut/vnd der heyligen Tauffe / die guten werck der  
busswertigkeit entgegen vnd eyne schmahe seyn / Wo  
dem also were / so müßten yhm böse werck lieb vnd eyne  
ehr seyn/wie die Logici wol wissen per locū a Cōtrarijs.

Luthers  
disputirck  
ist eytel  
Teuffels  
dienst.

Des gleychen gauckelt der Lutherisch Teuffel vom  
glauben alleyn/nu lenger denn rüß. jar/bis er allen glau-  
ben ynn viel menschen gar umbgestossen vnd ausgerot-  
hat / Denn es gewis ist/das ynn keyner kegererey odder  
Sect rechter glaub ist / wo widder Christus noch heyli-  
ger Geyst seyn kan/wie oben aus der Schrifft erweyßt/  
vnd

vnd alle Doctores bekennen. Tu ist vnmöglich / das man Gott wolgefalle on rechten glauben / wie Paulus bezeuget / Darumb ist Luthers disputiren nichts denn ey sel Teuffels dienst vnd stricke der armen seelen. Wir schreyen vnd schreyben teglich / das Luther das wörtlin Allein / felschlich hinzu setze / vnd bey dem glauben ynn der schrift nicht stehe / Es kan auch Luther mit al seynem anhang nicht eyne zeyl aus der ganzen Bibel vom glauben alleyn / wie er fürgibt / anzeygē / noch ist der tolle pöfel so blind / das er solche triegerey vnd seelen stricke nicht sehen kan.

Seht. ■

Wie er aber Paulum ynn dritten Capitel ad Romanos gefelschet hat / da er das wörtlin / Allein / zum glauben setzet / Also hat er yhn auch gefelschet im fünfften Capitel ad Galatas / Erstlich im Text / da er sprach / Inn Christo gilt widder beschneydung noch vorhaut etwas sondern die lieb so durch den glauben thetig ist. So er aber aus allen Texten / Griechisch vnd Lateinisch vberwunden ist der felschung / den sie alle sprechen / der glaub so durch die lieb wirckt / Vnd nicht / die lieb so durch den glauben thetig ist / Mus er hynfort den text ynn seynen Worten stehen lassen / vnd wil nu den synn mit Sopisterey verfelschen / Vnd spricht / widder sein vorige verkerung der wort / das nicht die lieb / sondern der glaub thetig sey / das der glaube die liebe vbe vnd thetig mache / vñ nicht die liebe den glauben / wie es die papisten verkeren. Warlich möchte Luther vnd sein grober teuffel hie gar weydenlich verirt werden mit der warheit / das yhm ein lüge vber die andern yns maul gestossen würde / Es wil aber alles zulang werden.

Felschlag  
des texts.

Auffs kürzest zu antworten / Sol die erste lüge vnd seyn ewige schande vnd vnehr seyn / das er yzt den text selbst anders verdeutschet / denn er zuuor gethan hat.

Dier lü-  
gen bey  
einander

Matth. 22.

Die ander/das er Paulum anleugt/als teile er denn glauben vnd die lieb also/das der glaub gegen Gott sey / vnd die lieb gegen dem nechsten / Gleych als bedörfften wir Keyner lieb gegen Gott (wie er auch ynn seyner Babylonica saget) so doch das erst höchste vnd grösst gepot ist/Du solt Got deynen Herrn lieben aus ganzem hertzen 2c. Das ander aber (wie Christus selbs spricht) Du solt deynen nechsten lieben als dich selbs. Die dritte lüg das er abermals Paulū anleugt/als sprech er/Der glaub kriege vergebung der sünde on alle werck / die liebe aber sey des glaubens frucht. Es ist aber ein duppel vnd zwysfache lügen/denn Paulus sagt nyrgend / on alle werck / sondern on werck des gesetzs ( verneme ) Moysi/ Vnd saget/die lieb sey ein frucht des geysts/saget aber nicht/des glaubens/ Den der glaub ynn viel leuten on lieb ist/aber wo auff erden die liebe ist/da ist auch der glaub/den die lieb glaubet alle ding / wie Paulus spricht. Die vierde lüg/darynn er auch Paulum anleugt/als spreche er/das glaube die liebe thetig mach/vñ nicht die liebe den glauben/so doch der text klerlich spricht/Der glaub so durch die liebe wyrcet odder thetig ist. Wenn ich nu fragte was macht den glauben thetig: so spöche Paulus/die lieb/Denn der glaube ist thetig durch die lieb. On die liebe ist er todt ( wie Jacobus spricht) vnd vnnütz odder vñthetig/ja nichts / wie Paulus zun Corinthern saget. Von welchem wir Papisten auch gelernt haben/das die liebe grösser ist denn der glaub/vnd das nicht der glaub alleyn gerecht vnd selig mache / wie Luther leuget vnd treuget den ganzen tag.

Jaco. 2.  
1. Cor. 13.

So viel sey geantwort auff die ersten anklan des Luthers. Inn der andern ist er viel hefftiger vnd spricht Aber das ist aller erst der rechten grewel eyner/widder die liebe vnd selige Tauffe / das sie sich rhümen / wie sie mit yhrem Cresem vnd weyhe Pfaffen nachen ynn der heyligen

heyligen Kirchen 2c. Antwort. Vom Cresem vnd priester weyhen ist oben nach der lenge angezeyt / guter grund aus der Schrifft/das wir sie beyde nicht von vns selbs ertichtet/sondern von Christo vnd seynen Apostlin empfangen/gelernt vnd ererbt haben/welche von hand zu hand von XV. hundert iarn her / sind auff vns on alle zerrüttung gebracht / wie Dionysius/ Auacletus/ Augustinus vnd andre leerer ausweyssen.

Darwidder spricht Luther. Der Cresem vnd Bisch off werden vns nicht zu pfaffen machen / wir wollens auch nicht von yhnen werden noch haben. Wir wollen vngemachte/sondern geborne pfaffen seyn vnd heysen/ vnd vnser pfaffenthum erblich durch vnser geburt/von vater vnd mutter her haben 2c. Antwort. Das ist eyttel los gewesch vnd triegererey per fallaciam Equivocationis / So Luther zweyerley priesterthum nicht wil gelten lassen/sonder tobt vnd raset wütiglich mit eyttel lesterung vnd Sophisterey widder beyde Testament/wider alle heyligen/vnd wider die sewl vnd grundfeste der warheyt/Aus keynem andern grund/den das wir durch die Tauff werden geistliche priester/geystliche opffer zu thun/als da sind/gepet/almusen / reynigkeyt des leybs/fasten/wachen/singen 2c. wie Petrus/Paulus vnd Johannes ynñ Apocalypsi anzeygen. Nu haben unsere Doctores vnd hochgelarte Bischoffe / Roffensis/Dienensis/Clichtoneus/Mensingt / Emser / Dieterberger/ Eustachius 2c. auch der grosmechtig König von Engeland / Elerlich aus schrifftten vnd vrsachen erweyfft das von nöten ist/neben vnd vber dis geistlich priesterthum (welchs allen Christen gmeyn ist/mannen/weybern vñ kinden) auch ein sichelich vnd eusserlich priesterthum in der Kirchen zu haben/nach ordnung Melchisedech zu opffern ynñ brod vñ wein/welchs nit allen Christen gmeyn ist/noch seyn sol/sondern alleyn den ihenigen / so ordentlich darzu erwelt vnd geweyhet werden.

Zweyerley Priesterthum

1. pet. 1.  
Rom. 12.  
Apoc. 1. 5  
Vide Roffen. con.asser. 2. 2. in prolo. Et de sacerdotij dignitate

3 ij Also

Lutther  
thut wie  
Core.  
Exo. 19.

Num. 16.

Also waren auch die Kynder Israel/alle sampt geystliche priester/wie Gott durch Moysen sprach/ Ihr werdet mir seyn ein priesterlich Königreich/ein heylig volck/ Nicht deste weniger waren darneben besondere priester alleyn aus dem geschlecht vnd stammen Aaron. Da aber Core vnd seyn anhang / aus gleycher hoffart vnnnd Sopisterey/wie yzt Luther thut / widder Moysen vnd Aaron auffstunden vnd sprachen / Lasse euch benügen/denn die ganze menig ist der heyligen/vnd ynn yhnen ist der Herr. Warumb erhebet yhr euch vber des Herren volck? vmb dieser sünde willen hat sie das ertrich lebendig verschlungen. Ich besorg aber vnd zweyfel nicht wo Luther vnd seyn anhang von solchem lestern vnd vrechumb nicht abstecken / so werden sie viel herter gestrafft werden/das sie die helle ynn das ewige sewer verschlingen wird.

Es ist zumal ein grobe blindheyt/der massen zu arguiren mit vnnützem gewesch/nicht alleyn widder alle Schrifft vnd heylige leerer / sondern auch widder alle vernunft vnd historien / auch widder seynen anhang selbs/denn keyn Lutherischer wil Pfaff heysen/vnd yhre weyber viel weniger pfeffin. Noch tobet der tholle Teuffel ymer fort/widder straim/vnd wil sie Pfaffen heissen wider ihren danck.

Die weyhe  
hindert  
nicht die  
Tauff.

Joh. 6.

Wenn der Priester weyhe vnd Crefem darumb nichts gelten solt / das wir durch die Tauffe ynn gemeyn geystliche Priester werden/So müsst auch das hochwirdige Sacrament des Altars nicht gelten/denn wir durch die Tauff auch geystlich essen den leyb vnd trincken das blut Christi/ Sonst würden alle kindlein / so nach der Tauffe absterben / verdammet vnnnd ewigklich todt seyn müssen/ Denn Christus spricht/Wo yhr nicht esset das fleisch des menschen kinds / vnd trincket seyn blut/ so werdet

So werdet yhr Keyn leben ynn euch haben. Desgleychen müßet auch die Ehe nichts gelten / vnd möchte Keyn Christ Helich werden / Denn wir durch die Tauff werden geistlich verehlicht mit Christo / wie Paulus klerlich anzeyget an viel orten. So nu solch geystliche Ehe die sichehlichen vnd leyblichen Ehe nicht hyndert / Sol auch das vnlichehlich vñ geistliche Priesterthum das sichehlich vnd eusserlich Priesterthum nicht hyndern / Denn eines widders ander nicht ist / Ja ein iglich geweyheter Priester sol auch ein geystlicher Priester seyn.

Ephe. vi.  
2. Cor. iij.

Hieraus ist gut zu sehen / wie ein säuler vnd schwacher grund des Luthers ist / davon er rühmet / niemand möge yhn umbstossen / Vnd wil / man sol hynfort solch geborne Pfaffen on weyhe vnd Cresem zu pfarrampft beruffen. Wo stehet es aber geschrieben? Wo ist weyhe vnd Cresem verbotten? So es denn widder Gottes noch die Schrifft verbent / aus was gewalt kan es Luther odder seyn Teuffel verbieten? So er aber Keyne Schrifft darwidder weys auffzubringen / trolt er daher mit seyner gewöñlichen freterey / so ynn allen Schulen verworffen ist / zu arguiren aus der Schrifft Negative / vnd spricht / Die Aposteln haben on Cresem / alleyn die hende auffo heubt geleget vnd gebettet vber die / so sie zum ampt beriefften vnd sandten. Wo stehet aber geschrieben / das solchs on Cresem geschehen sey? Welcher text saget / das sie alleyn die hende auffo heubt gelegt vñ gebetet haben? Wo steht das wörtlein / Allein / darbey? Ach der ehrlose felscher wil das wörtleyn allenthalben hynzu schanzen / da es nicht stehet noch stehen sol / vñnd mit solchem falsch die Kirchen straffen vnd umbstossen / Es wird yhm aber nicht gelingen / Denn falsch vnd lügen mögen endlich nicht bestehen / wie aus Zebraischer sprach zuuernemen ist / daryn die lügen drey buchstaben hat / deren Keyner ynn seyner figur von yhm selbs stehen  
 2 ij. mag.

Lut. kan  
weyhe vñ  
Cresem  
nicht ver-  
bieten.

mag. Aber dargegen hat die warheyt auch drey buch-  
staben/deren iglicher yn seyner Quadraten figur fur sich  
selbs fest bestchet vnd stehen kan.

Derhalben mir nicht zweyfelt / es werde solch Bar-  
barey des Luthers endlich gleych so wol mit schanden  
vnd ewiger verdammis vntergehn/als sie vor vntergan-  
en ist bey den groben rülgen vnd falsch Euangelischen  
gleyßnern/bey Albigenßern/Leonisten/Arnoldistē/Pick-  
harten/Wiccleßisten/Taboriten vnd Hussiten.

Falsche  
entschul-  
digung  
der veter

Weyl aber Luther nicht für vber kan/das vor Taus-  
sent jarn die heyligen veter mit Cresem geweset haben/  
wie man noch thut/vnd vngleublich ist/das sie al solten  
darumb Gottes diebe/Kyrchenreuber / wincelpfaffen/  
heylosse vnd verdampfte narren ze. 30 schelben seyn / wie  
Luther vns arme priester vnd vnser Bischoff schilt vñ  
lestert/so wil er die heyligen veter entschuldige/vns aber  
vñ vnser Bischoff yn der heßigen anlag stecken lassen/  
Vnd spricht. Sie haben damit keyne wyckel pfaffen/  
noch jemand zur wyckelmesse geweset. Wo stehet es  
aber geschrieben: Wir mögen aber aus yhren eygenen  
schrifften vnd aus den eltisten Kirchenbüchern/so hin vñ  
wider ynn alten Thumstifften vnd Clöstern vorhanden  
vnd vor sechs/sieben odder acht hundert jaren geschrie-  
ben sind/beweysen vnd war machen/das sie nicht andre  
form vnd weis im weyhen vnd Meshalten gehalten vñ  
gebraucht haben/der wir vñ vnser Bischoffe noch heut  
des tags halten vnd brauchen/wiewol wir ( leyder ) nit  
so grosse andacht vñ gut exempel darzu thun/als die al-  
ten gethan haben. Sollen nu die alten/so mit Cresem ge-  
weset/entschuldigt sein/sind wir warlich ynn dem viel  
mehr zuentschuldigen/weyl wirs von yhnen empfangen  
haben/vñ nicht wissen dauon abzustehen/durch lose So-  
phistery des Luthrs/welcher ynn Kunst vnd leben Zie-  
ronymo



ronymo oder Augustino nicht möchte an ein schuch grey  
ffen/vnd mit seynem glauben nicht ein sieche saw gesunt  
machen kan.

Sollen nu vnser Mefs vnd weyhe wyndelmefs vnd  
wyndelweyhe gescholdē werden ( so es doch alles offent  
lich am tag vor dem volck ynn gmeiner kyrchen geschä  
het) Allein darumb/das yzt viel messen gehalten werden  
bey welchen keyn ley communicirt mit eusserlicher em  
pfahung des Sacraments / So ist doch die schuld nicht  
vnser/nach vnserer Bischoffen/sondern der Leyen selbs  
welchen der Luther mit solcher lesterlichen anlag hofu  
ret vnd ohren krauet/Denn widder wir noch vnser Bis  
choffe das hochwirdige Sacrament den leyen/so zu em  
pfahen geschickt sind/verbieten/versagen oder abschla  
gen/derhalben vns Luther greulich vnd lesterlich an  
leuget/so er spricht / wir nemen hinweg die wesentliche  
ordnung vnd einsetzung Christi 2c. Warumb schicken  
sie die Leyen auch nicht teglich darzu/wie die alten ley  
en yn der ersten kyrchen thaten : Wer verbeut yhnen all  
Sontag zu Communiciren wie sie vor zeyten thaten :  
Warumb halten sie nit das Concilium Agathense/dar  
ynn vor Taufent jarn beschlossen ist/das die weltlichen  
so nicht communiciren zu Weyhenachten / Ostern vnd  
Pffingsten/sollen nicht fur rechte Christen gehalten wer  
den/wolte Gott sie hielten das gebot/so lange darnach  
gesetzt ist im Concilio Lateranensi / das ein jeglicher  
bey dem Bann sol auffs wenigste im jar ein mal Com  
municiren zu Osterlicher zeyt. O wie oft vnd hefftig  
hat darwidder geschryben der Luther/aus Teufflischer  
anreynung/das volck vom solchem Communiciren ab  
wendig zunachen/wie er ( leyder ) an viel orten gethan  
vnd die verachtung des hochwirdigen Sacraments so  
ferr gebracht/das er selbs klage vnd bekent / das etliche  
ynn vij. jarn nie Communicirt haben. Nu wil er die schuld  
auff vns von sich schieben. Sed Deus non irridetur.

Zu legt

Ed. Aga  
thense  
c. 15.

Et. de  
Poent. et  
remiss. cc  
Omnis  
veritusqz  
secus.

Zu letzt ehut vns Priester Luther mit der weyhe/  
 wie er den Mönchen mit yhrer profession gethan hat/  
 Beyde dem volck durch erhebung vnd furzug der tauffe  
 heffig zu machen. Von der Mönchentauff hab ich vor  
 nach der lenge geantwort/ vnd mehr denn ein schock li-  
 gen angezeigt. Von der Priester weyhe ist oben auch  
 guter grundt aus der Schryfft vnd alten Leerern / mit  
 hülff des Almechtigen dargethan. Hie wil ich allein  
 vermant haben die gutherzigen / auff des Teuffels liste  
 vnd böse tücke vnd griffe / gute achtung zuhaben / wie  
 sich Satan verstellen kan ynn eynen Engel des liechts/  
 Denn er darumb die Tauff hoch erhebt / das er darmit  
 die heyligen weyhe vnd Cresem vnderdrucke. Wie lester  
 lich aber vnd kezerisch der Luther zuvor ynn viel büch-  
 lich vnd Sermonen widder das gnadenreiche Sacra-  
 ment der Tauff geschriben hab/ist von vielen Doctorn  
 angezeigt/davon auch ich/als der wenigst/erstlich(nem-  
 lich vor xij. jarn) im Latein drey bücher nach lenge ge-  
 schriben/vnd ynn druck geben habe. Das erste. Von  
 gnade der Sacrament. Das ander. Vom Tauff der  
 Einbleyn. Das dritte. Vom zunder odder zuneigung  
 der funde.

Wir entziehen der Tauffe nichts durch der Priester-  
 weyhe/Sondern lassen sie das erste vnd nöttigste Sa-  
 crament bleyben/mit aller krafft vnd gnade/die sie von  
 Christo hat / die warlich gros vnd vnaussprechlich ist/  
 auch menschlicher vernunft vnbegreyfflich. Denn  
 sie setz den menschen ynn hohen stand vnd wyrdigkett/  
 so er zuvor vnten im kott lage/als ein armer Jud/Heyd  
 odder Türck. Sie machet auch aus yhm eynen Son  
 Gottes/eynen bruder vnd miterben Christi / so er zuvor  
 was ein Son des zorns/ein verlorn schaff / vnd ein kind  
 des verderbens 2c. wie Paulus an viel orten anzeyget.  
 Sie machet aber nicht vnterscheyd vnter den Christen/  
 denn

Rom. 6.  
 et 8.  
 Ephe. 2.  
 1. Cor. 6.

denn sie eynem so viel gilt als dem andern/als viel an yr  
ist/Nemlich gibt sie eym armen hyrtens odder Bawers  
Kindlin eben so viel gnade/als des Keyfers odder Königs  
Son/denn bey Gott ist Kayn ansehen der person.

Weyl aber die Christlich Kyrch ist von Gott georde-  
net vnd gezieret / das yhre glieder nicht alle gleych vnd  
on unterschied seyn sollē/wie ein hert schaf oder schwein  
oddor wie ein vnformlich klotz odder holz/sondern wie  
ein ordenlich heer im feld/vnd wie ein wolgezierter leyb  
daryn gute unterschied der glieder ist/das nicht der gan-  
ze leyb ein aug/ohr/hend odder füß sey. Vnd solch vn-  
terscheid nicht aus der Tauff kompt/so ist warlich von  
nöten/das man neben der Tauff lasse das Sacrament  
etwas gelten / durch welche gute ordnung vnd unter-  
schied der gliedmassen eyngefürt / erkent vnd erhalten  
werde/wie bis her durch den heyligen geyst xv. hundert  
jar lang geschehen ist. Aber der böse geyst wolt gerne  
durch den Luther vnd seyne gehülffen / aus der wolge-  
zierten Brant vnd leyb Christi (von welcher David  
spricht/Sie sey ymbgeben vnd umbkleydet mich man-  
cherley schönheyt) ein vnordenliche schlamige huren/  
das es ynn der Kyrchen stehen solt wie ynn der helle / da  
keyn ordnung / sondern ewiger gewel vnd schrecklich-  
keit ist/wie Job sagt. Dafür vns Gott behüte/ Amen.

Rom. 12.  
1. Cor. 12.  
Eph. 4.  
Coloss. 2.  
Eau. 5.

Psal. 44

Job 10.

## Von dem Predigamt.

### Cap. VI.



Er predigt halben entschuldigt vns Luther  
seyndlich ynn viel Greweln/wie er sagt/fürs-  
nemlich ynn dreyen. Erstlich/das wir den text  
des Euangelij mit viel vnd mancherley men-  
schen leer

schen leer vnd fabeln verfinckert haben. Zum andern/  
das wir des Papssts gebote vber Gottes gebot erheben:  
Zum dritten / das wir den Papsst vber Gottes wort sa-  
gen/als solt er macht haben/dasselbe zu endern/auffhe-  
ben/verbieten &c. Nu gestehen wir ihm dieser stucke  
gar keynes/yenn gemeyn durchaus. Das ich aber sagen  
solte/das vnter vns nicht vngeleret odder vngeschickt pro-  
diger gewesen weren odder noch sind / das weys ich nicht  
zuthun. Ich sage aber dargegen / das auch vnter den  
Lutherischen Predicanten der grösste hauff vngelerete  
Theologi/schwenzige ohrenkranker/vnd bittere Papsst-  
schender sind/ Ein grosser theyl faule grobe Esel/die das  
Euangelion auff der Cangel vor dem volck aus eynem  
buch lesen vnd ausfagen/wie ein Enab den Donat yñ der  
Schul vor dem Locaten/ Vnd nichts wissen zu sagen/  
denn was sie aus Luthers Postillen vnd Deudschen Ca-  
tonichen gelernt haben. Derhalben sie den text nicht  
hart beyssen noch scharff auslegen/Sondern so sie yhre  
seychte kunst bald aus gepredigt haben/fahren sie an die  
vbrigen zeyt der predigt mit schenden vnd lestern zu er-  
füllen/wider den Papsst / wider Mönch vnd Pfaffen/  
wider die guten werck / wider die Messa/ vnd andere  
Generalia Contra.

Ich dürfft auch wetten / das des Luthers schwenzige  
Postill viel weniger eynführe Biblische schrifft denn vn-  
ser alte Sermon schreyber gethan haben / Wil auch die  
schlechten gemeynen Sermones / als Discipuli vnd Po-  
merij/nicht ausnemen / Sol ich aber von vnsern Predi-  
canten reden/so yhre Sermones vnd homelias haben zu  
dieser zeit ynn druck gegeben/ So sage ich frey offentlich  
vnuerholen / das der Bischoff von Wien / vnd Doctor  
Johan Eck/vnd D. Fridericus Clausen / ynn yhre Pres-  
digen besser vnd mehr Göttliche schrifft vnd gute leer  
eynführen/denn Luthers Postill/ weñ sie schon zehen mal  
so gros.

so gros vnd lang were als sie ist. Wer aber meynt/ich rede das aus neyd vnd hasz / vnd nicht aus rechtem gewissen/mit dem thar ich wetten/so viel ich vermag/worüber mag vnparteyische Richter leyden ynn frembden landen/die widder mich noch yhn kennen.

Warlich hetten vnser Predicanten nicht besser/andechtelicher / gründlicher vnd nützlichlicher geprediget/ denn yzt die Lutherischen/es weren so viel grosser vnnnderliche Stifft/ Klöster/ Kyrchen vnd Capellen wol da hynden blieben/wie Luther selbs bekent: Do aber yñ vnsern frommen Bischoffen/Prelaten vnd Predigern/hertz/mund vnd leben vber ein kamen vnd zusam stimpften / da funde das wort Gottes gute hertzen im volcke/darynn es frucht bringen mocht/yñ eynem dreyssig/im andern sechzig/im dritten hundert sechzig / Zu solchem pflanzen gabe Gott gnade vnnnd wachung / das alleyn durch S. Bernharts predigen / bey seynem leben vber C. vnd lxx. herliche Klöster seynes Ordens sind gestifft vnd aus dem grund erbawet worden. Es sage nu Luther von S. Bernhart wie er wil / so spürt man yñ eynem blat seynes Sermonen mehr geysts / kunst/schryfft vnd andacht / denn yñ der gangen lange schwerzigen Postill des Luthers gespürt wird. So viel sey auff den ersten punct geantwort.

Matth. 13.

1. Cor. 3.

Der ander punct stecket voller lügen / als solten wir des Pappsts gepot höher setzen vnd achten denn Gottes gepot vnd Euangelion/dis findet er nyrgend yñ vnsern büchern/hats auch von vnser Keynem gehört. Zum andern leugt er/so er spricht/Wir haben den vnglauben Gottsestörung/Ehebruch/mord/diebstal zc. geringe geachtet/ dis kan er aus vnsern büchern vnd Sermonen auch nymer mehr beweyssen. Zum dritten leugt er vñ spricht/Das wir yñ sunden widder Gott stil geschwiegen

I 4 vnd

vnd nichts gestrafft haben/sondern selbs drynn eruffte  
 sind/vnd lachens / vnd treyben vnser gespöt daraus 2c.  
 Dis kan er aus vnsern büchern gleych so wenig erweisen  
 als andre lügen. Zum vierden leuget er vnnnd spricht/  
 Das wir grewlicher weyse darzu verfolgen vnd morden  
 alle die so Gottes gebot vber vnfers Grewels gebot hal-  
 ten. Dis kan er auch nicht auff vns bringen / des biete  
 ich yhm troz zu recht/als hoch ich sol.

25. q. 1. c. 1.  
 Sunt qui  
 dam.

Was er weytter im dritten punct vom Bapst legut  
 vnd treuget/ist seyn alt gefangt / bedarff keyner newer  
 antwort. Denn solche lügen ynn vnseren Büchern  
 nicht stehen/vnd das widderpiel die Bepste ynn yhrem  
 geystlichen rechten selbs offte vnd klerlich geset vnnnd  
 gebotten haben. *Exempli gratia.* Luther spricht/  
 der Bapst wölle Gott vnd seyn wort vnter sich haben/  
 vnd er drüber sitzen. Darwidder spricht der Bapst  
 Urbanus im Decret. Wo der Herr obder seyne Aposto-  
 len/vnd die heiligen veter/so yhnē nachgefolget/etwas  
 klerlich beschloffen haben / da sol der Bapst nicht ein  
 new gesetz geben/sondern das/so gepredigt ist/bis auffs  
 leben vnd blut/bestettigen 2c. Des gleychen mögen  
 auch alle andre lügen vnd Calummie des Luthers  
 hie widdern Bapst geschrieben / leychelich  
 aus eygnen gesetzen der Bepste / offents  
 lich zuschanden gemacht vnd vber  
 wunden werden / welchs ich  
 vmb kürze willen  
 vnderlasse.

## Von beyder gestalt des Sacramens.

### Cap. . VII.

Von



On diesem Artikel schreybet Luther  
grausamlich widder vns/hinden vnd  
mitten ynn seynem buch / Weyl ich  
aber newlich dauon ein besonder büch  
lin ans liecht geben hab widder Lu  
thers auffrührischen Trostbrieff / vnd  
darynn den brauch eyner gestalt / die

dem volck gereicht wird/beweist hab/durch eygne wort  
vnd werck Christi vnd seyner Aposteln aus der heyligen  
schrift/vnd darneben aus den alten vnd eltesten lerern/  
Tertulliano/Cypriano/Ambrosio / auch aus den alten  
Decreten etlicher Ppst vnd Concilien/klarlich vnd vn  
widdersprechlich beweyst hab/das außserhalb der mess  
die eyne gestalt / bis von der Aposteln zeyt her / allezeyt  
yñ der kyrchen gewest sey/ Darauff Luther keynen buch  
staben geantwort hat/wil ich hie dest kürzere antwort  
geben. Weyl auch die Siebenköpff den Luther selbs  
zum lügner machen / wil mich hiemit da selbst hin refe  
riren/bis es Luther odder seyne gehülffen widderlegen/  
das yhnen vnmöglich ist/ob Gott wil.

Sie fraget Luther heffiglich/wo der freuel hercome/  
das wir beyder gestalt zu empfangen/vnrecht schelten vñ  
verbieten als Ketzerey / die leute veriagen / sie darzu ver  
brennen vnd morden/So es doch klar vñ gewis sey ynn  
dem Euangelio vnd S. Paulo/das es Christus wort vñ  
ordnung sey: Antwort. Beyder gestalt zu empfa  
hen schelten wir nicht vnrecht noch Ketzersch/ yñ gemein  
vnd an yhm selbs / denn wir Priester teglich beyder ge  
stalt empfangen/ Ich wil auch nicht verneynen/das vor  
zeyten auch die Leyen vnter der Mess beyder gestalt em  
pfangen haben/ Vnd vielleicht ynn Grecia/Syria/In  
dia/Ethiopia / wo Christen sind / solcher brauch noch  
ist. Weyl aber bey vns Deudschen solcher brauch nicht  
ist / vnd lenger den etlich hundert jar nicht gewest/dazu  
R ynn ge

ynn gemeynem Concilio / so bey vns Deuschchen zu Costan-  
 niz gehalten / wider des Russen Keyser / mit einhelligem  
 beschlus Deuschcher vnd anderer Nationen der Occiden-  
 tischen Kyrchen / verbotten worden ist / So fragen wir  
 viel billiger den Luther / wo yhm der freuel hercome /  
 das er vnterstehet / widder beyde Oberkeyt / lange her  
 gebrachten brauch eyner gestalt / wie wir es den Leyen  
 reichen / abzuthun / vnd das Sacrament der eynigkeyt  
 misbrauchet zu vneynigkeyt vnd zwyspalt / weysß er  
 nicht / was er selbs ynn viel büchern widder solchen freu-  
 el geschriben hat : Er spricht aber / Es sey Christus  
 wort vnd ordnung / wie das Euangelium vnd Paulus  
 anzeygen. Darauff gebe ich zwifache antwort. Erst-  
 lich / das Luther nymer mehr beweysen mag / das Chri-  
 stus odder Paulus gebotten hab / den Leyen vnd aussere-  
 halb der Mese / beyde gestalt zu reichen. Zum andern  
 Ob er schon im Euangelio odder Paulo solchs anzeyget  
 ( das yhm nicht möglich ist ) noch denn were solcher freu-  
 el vnentschuldigt / Er solt es billich zuuor dem Papst  
 odder ein Concilio haben fürgetragen vnd angezeyget /  
 wo er als denn Keyne gute antwort bekomen het / so wer  
 yhm weniger freuel vnd leichelicher zu vergeben gewest /  
 wenn er het gesprochen / Man mus Gott mehr gehor-  
 chen denn den menschen. Wie woler auch ynn solcher  
 ausrede sein eygen vrteyl widder sich selbs nicht entflie-  
 hen möchte / Denn er klar vnd mit ausgedruckten wor-  
 ten im Cöment vber die Epistel ad Galatas geschriben  
 hat / das solch zertrennung sey vngütig oder ( wie er ver-  
 deuschet ) Gotlos / vnd allen gesegnen Christi zu widder /  
 vñ möge ynn Keyne weg entschuldigt werden / weiß schon  
 das Götlich recht für sie were / den das höchste Götlich  
 recht sey die lieb / wider welche die zertrennung stehet.

Das er aber schreyet / wir veriagen / verbrennen vnd  
 morden die leute ymb beyder gestalt willen. Darauff  
 sage



sage ich also. Erstlich/das es nicht morden heysst/wen  
 einer durch ordentlich gewalt der Oberkeyt mit vrteyl  
 vnd recht getödt wird / Weyl denn solch vngheorsame  
 zertrenner / so beyder Oberkeyt vnnnd gemeynen Kirchen  
 nicht gehorchen/mögen mit vrteyl Götlichen vñ mensch  
 lichen rechtens getödt werden/ Sol yhr tod keyn mordt  
 heysen/sondern ein dienst vnd volstreckung der gerech  
 tigkeyt: Zum andern/das ich noch nicht erfarn hab/  
 das iemand vmb des eynigen Artickels willen verbrant  
 worden sey. Aber vmb der Lutherey willen (welche die  
 gröbste Keyerey auff erden ist) sind sehr viel leute vmb  
 komen/getöppft/erstochen/verbrant/ertrenckt 2c. wel  
 cher blut Christus am jüngsten tag aus Luthers henden  
 erfordern / vnd sie alle mord vnd Ceter vber yhn ewig  
 lich schreyen werden / das er sie aus der Kirchen ynn zer  
 trennung vnd Sect geführt hat.

Deut. 17.  
 et 17.  
 Vide 23.  
 9.4. et 24.  
 9.3. per  
 totum Et  
 de hereticis

Ezech. 33.  
 et 33.

Weytter spricht Luther / das wir den Behemen/vñ  
 wem wir wollen/solch verdampften verpflichten vñ ver  
 folgten Artickel zu lassen/als recht vnd Christlich / vnd  
 Christus müsse zungleych ein Engel vnd Teuffel bey vns  
 seyn 2c. Antwort. Erstlich/ists nicht war/das wir  
 den Behemen diesen Artickel als recht vnd Christlich zu  
 lassen/denn wir die Zussen (nicht alle Behemen) noch  
 heut des tags für Keyer vnd vnchristliche zertrenner hal  
 ten / wie wol Taufent mal frömer (meins bedunckens)  
 denn die Lutheraner. Zum andern/So ist wider eine  
 noch beyde gestalt widder Christum / vnd deshalben  
 gar nicht folget/das Christus zu gleych müsse ein Engel  
 vnd Teuffel bey vns sein/Denn bey vns teglich befunden  
 werden beyde gebreuche / beyder gestalt ynn der Mess/  
 einer gestalt auffserhalb der Mess / vnd ist Christus bey  
 einem brauch gleich so wol vnd vollkommenlich ynn all  
 seyner substanz/als im andern.

Biß Derhal

Derhalben wie Paulus spricht/die beschneydung ist nichts/die vorhaut ist nichts/sonder haltung der gepot gots. Also mag man auch hie spreche/Eine gestalt an jr selbs ist nichts/beyde gestalt an yr selbs ist nichts/sonder das ware fleysch vñ blut Christi/gehorsam der Eyrchē/ vñ haltung der gebot Gottes. Weyl denn vnter eyner gestalt so viel ist als vnter beyden/so gilt da am meysten der gehorsam / on welchen das Sacrament mag nicht würdiglich empfangen werden / widder eyner noch beyder gestalt. Ich sage auch weytter/wie bey vns Deud schen vñnd andern Nationen Occidentischer Eyrchen/schwerlich sundiget ein Ley/der widder vnsern brauch/beyde gestalt begert oder nympt/Also sundigt herwider umb ein ander Ley/wo er ynn Grecia oder Ethiopia yñ eyner Eyrchen ist / da man vielleycht den brauch beyder gestalt hat / wolte nur eyne gestalt nemen ( wie vnser Eyen ) widder seyner Eyrchen brauch vñnd ordnung. Es heysset/man sol der Eyrchen gehorchen/vñnd den ne histen nicht ergern/wie S. Ambrosius thate / Wenn er zu Rom was/so fastet er am Sonnabend/ War er aber zu Meyland/so fastet er nicht / weyl zu Rom ein ander gebrauch was denn zu Meylandt.

Matt. 13.  
Rom. 14.  
Vnde Ku  
gust. ynn  
epist. 113.

So nu Luther hynden ynn seynem lester buch / die Leyen selbs entschuldigt/die vnterm Papsst eyne gestalt empfahe / Vñd ynn eynem andern buch ( wie oben gehört ) die Behemen die beyde gestalt empfahe / mit nichte entschuldiget haben wil/ Ist es warlich ein sehr lich vnbedechtig vñd blind fürnemen/beyde gestalt wid der gemeyner Eyrchen ordnung vñd brauch zu begeren odder empfahe/vñd da durch ynn abfall vñd zertrennung kommen / vñd als denn das hochwürdige Sacrament der eynigkeyt vnwürdiglich im vnghehorsam vñ vñ eynigkeyt empfahe/so er doch on alle fahr möchte die ey nigen

nigen gestalt empfaßen / do yhn Luther selbs entschöl-  
diget.

Das er aber durch der Kirchen Deudsich gesang / Gott  
sey gelobet zc. wil beweyßen den brauch beyder gestalt /  
Als solt die Kyrch ynn solchem gesange offentlich Ceter  
vnd mordio vber den Lendeckrist vnd reubische winckel  
pfaffen ( also nennet er den Papsst vnd vns geweyhete  
Priester ) geschrien haben. Das ist eyttel vnnütz gewe-  
sche vnd Rhetorisch spiegelfechten / Denn vnser Leyen  
solch gesang noch alle jar singen / aber nyrgent ynn Lu-  
thers meynung / als solten sie damit Ceter schreyen / den  
Ceter schreyen gehört nicht ynn die Kyrchen / Sondern  
sie singens Got zu lob vnd danck / wie die wort klar an-  
zeygen / vñ allen Ketzern zur ewigen schand / welche nicht  
glauben / das vnter der gestalt des brods da sey das ware  
fleysch vnd blut Christi wesentlich ynn eygner substanz  
verhalben singen sie es nicht dem Papsst vnd geweych-  
ten Priester zu widderdries / durch welche sie von Chri-  
sto mit fleisch vnd blut gespeysst werden / Sondern zu be-  
kennen yhren festen glauben / widder alle Ketzerey / alt vñ  
newe / so nicht glauben ( wie sie ) das da sey fleysch vnd  
blut Christi. Vñ treffen hiemit nicht alleyn die Zwing-  
lischen vnd Pictharten / sondern auch den Luther / so er  
Ketzersch verleugnet die Cöcomitancia / als solte vn-  
ter der gestalt des brods alleyn der leyb odder das  
fleysch Christi seyn / vnd nicht sein blut auch /  
wie wir Christen alle festiglich glau-  
ben / vnd ynn solchem gesang  
offendentlich be-  
kennen.

Luth. im  
bericht  
wider dz  
Bischoff  
zu Meyß-  
sen. Item  
ad Wal-  
denses.

A iij      Beschluß

## Beschlus rede.

**D**iese arbeyt wil ich gethan haben/Gott zu  
ehr/der warheyt zu dienst / vnd meynem ne-  
hissen zur besserung vnd Christlicher vnder-  
richtung / wer es fassen kan der fasse / wer  
nicht kan/der bitte Gott vmb gnade / die rechten war-  
heit zu erkennen. Ich hab das meine gethan/aus Christ-  
lichem mitleyden vnd brüderlicher liebe gegen dem eyn-  
feldigen verfürtem volck / welche die Sophisten argu-  
ment weder machen noch aufflösen kan. Damit er aber  
die sach gründlich verneme/hab ich das lang bitter vnd  
vnordenlich geschweze des Luthers/vnterscheidlich yn  
sieben Capittel geteylt vnd widerlegt/so viel mir Gott  
verliehen hat. Inn guter hoffnung/der Almechtig gü-  
tige vater werde sich vber etliche einfeldige leute ( die  
nicht mutwilliglich yrren / sondern die rechte warheyt  
gern erkennen vñ annemen wolten) erbarmen/vñ durch  
sein Göttlich wort / auff das es nicht leer wider heym  
Come/krefftiglich an klopffen vnd wircken / das es die  
blinden erleuchte/vñ die yrrigen schaff wider ynn die  
Kirchen / des herrn schaffstäl/leytte/auff das wir  
Deudschen einmütiglich vntereinander/ vnd  
mit andern Christlichen Nationen<sup>n</sup> im  
haus Gottes wonen/wie vor / vnd  
alle zertrennung seliglich ab-  
gestelt werde/  
Amen,

Bedruckt zu Leiptzig durch  
Michael Blum.  
M. D. xxxiiij.





1

# Von ankunfft der Weß vnd der wandlung brots vnd weins im hochwürdigen Sa- crament des Altars.

Ein disputation Sebastiani Fran-  
cken/mit antwort Johannis Coclei auff  
88.artickeln auß der neuen Chronica.

Anno M. D. XXXII.

# Inhalt diser schrifft/in gemein.

|                                                             |            |
|-------------------------------------------------------------|------------|
| Von Babst Adriano 1.articulo                                | 1.         |
| Von vmbsetzung des Römischen Keychs art.                    | 2.         |
| Von Babst Leo 3.                                            | ibidem.    |
| Von Kayser Carl dem grossen vnd von seinē gschlecht art. 3. | 3.         |
| Vom glauben der Römischen kirchen art.                      | 6.         |
| Von S. Bonifacio/erstem Erzbischoff zu Mentz art.           | 8.         |
| Von König Pipino Kayser Carls vatter art.                   | 11.        |
| Von anfang des Christlichen glaubens in Teütschlannd art.   | 13. et 15. |
| Von Tyranny der Kriechischen Kaysern art.                   | 16.        |
| Von dem wort Transsubstantiatio art.                        | 22.        |
| Von Hildebrando Babst Gregorio 7. art. 40. et               | 52.        |
| Von Berengarius Reuocation art.                             | 43.        |
| Von Johan Bischoff Rossensi art.                            | 53.        |
| Von der wandlung im Sacrament art.                          | 54.        |
| Von ankunfft der Waldenser ketzerey art.                    | 65.        |
| Von groben articeln Dulcini art.                            | 68.        |
| Von tugent vnd wolthaten Babsts Innocenti 3. art.           | 70.        |
| Von ankunfft der Meß art.                                   | 71.        |
| Von Betel öden art.                                         | 73.        |
| Von linea der Bábste art.                                   | 82.        |
| Von Bilderen art.                                           | 85.        |
| Von Gözen art.                                              | 87.        |
| Von proceß vnd streit des Babsts wider die ketter art.      | 88.        |



Dem durchleüchtigsten vnd hochge-  
bornē Fürstē vnd Herrn/Herzē Joachim Margt-  
grauē zu Brandenburg/des hailigen Römischen Keychs Erz-  
kammerer vnd Churfürsten/ Herzogen zu Stetin/ Po-  
mern/ der Cassuben vnd Wenden/ Burckgrauen  
zu Nürnberg/ vnd Fürsten zu Rügen/ mei-  
nem Gnedigsten Herren

**B**renad/ frid vnd hail in Christo/ Gnedigster Chur-  
fürst vnd Her/ Es ist in kürze ain newer Kirchl  
seynd auffgestanden/ mitt namen Sebastianus  
Franc/ welcher ain groß büch/ ain newe Chroni-  
ca geschryben vnd ans liecht geben hat/ darinn er  
auß fürsatz vnd mit fleyß alle ketzereyen vnd yrrthume/ die vñ  
anfang der Christenlichen Kirchen/ von Christi geburt her/ biß  
auff diß zeyt/ erstanden vnd zu zornen tungen seind/ alle auff ai-  
nen hauffen gebracht vnd außgeschüet hat/ die Layen ganz  
vnd gar im Christlichen glauben zweiffelig vnd yn zu machē/  
fürnemlich aber sy alle von Römischer Kirchen ab zu weysen/  
auch den pöfel wider beyde Oberkait zu eriegen/ Derhalbenn  
sein giftig büch vñ vilen oberkeiten offentlich verboten ist/ vñ  
wie ich höre/ so hat ain Erbar Rath zu Straßburg dem Tich-  
ter des büchs die Statt ewigklich verboten. Nicht destweni-  
ger seind vil böse arglistige müetwillige lewt/ die solch Büch  
haimlich fürdern/ crucken vnd außbraytten/ wider beyde O-  
berkait/ das zu besorgen ist/ es werde nymmer mehr bey vnns  
Teütschen rechter frid im Regiment vnd ainigkait im glauben/  
als lannß solch büch vndern leütten ombgeet/ vnd seine gift  
der auffrühr vnd ketzerey vnder dem süßen hönig der Histori-  
en einstreicht/ Hette er die Historien ungeselscht gelassen/ so we-  
re es nicht so gar vnleydlich/ Dann seine giftigen lugenn ain  
grosser thayl durch warhafftige Historien mag überweist vñ  
verlegt werde/ wie ich zum tayl in andern schuffet angezaigt  
hab/ weil aber sein büch so gar groß vnd langē ist/ das es nicht

wol in allen yruigen vnd stüflichen puncten durchauß zu widerlegen ist/ Dann solche verantworung vnnnd widerlegung grösser vnnnd lenger würde/ dann diey oder vier Bibeln seind/ hab ich vmb Exempels willen ain ainig Capitel zu verlegen für mich genomen/darñ er schreibe von ankunfft d' Mess vnd d' transsubstantiation/ welche bayde seind vnder den höchsten stücken Chrißtlicher Religion nicht die geringste/vñ er sy bay/ de auffß aller bößhafftigste verleüge/verkert vnd verwürffet/ Damit er aber nicht klagen möge/dz im seine wort verstückelt vnd in andere mainung gezogen seind/ hab ich das ganz capitel von wort zu wort repetirt vnd ganz gesetzt/solche klag vñ falsche entschuldigung zu fürkommen/vñ anzüzaygen/ was vñ ganzē büch zūhalten sey/weil in ainē capitel so vil irthumbb/ liegens/triegens/lesterns/schendēs vñ schmähens wider lebēdig vnd todte befunden wirdt/ Ist derhalben mein gannz der mütig bitt vnd vnderthänig begern an ewer Churfürstliche gnaden/solch mein schreiben gnediglich im besten zu verstecken vnd anzunemē/weil es in güter Chrißtlicher mainung bschicht/meinen nächstē vo: so vil vñ schwerē irthumben/argen listen/vnd bößhafftigen verfürungen/ deren des Francken büch vol steckt vnd über geet/trewlich zū verwarren/vnnnd durch diese kurtze schuffte klerlich anzüzaygen/ das solch Chronica billich von bayder oberkait verbotten ist/ Weil dann ewer Churfürstliche gnad one das ain ernst vnd Chrißtlich auffserckēs hat/ das vnchristliche bücher der neuen Secten in ewern Fürstenthumen nicht sollen verkaufft werden/ bin ich vngewisselter zūversicht/ E. Ch. S. G. werden vil weniger diese lügen vnd kezer Chronica lassen offentlich sayl haben/ Der ewige Gott wölle E. Ch. S. G. sambe den iren in rechtem Chrißtlichen glauben seliglich biß ans ende erhaltenn. Geben zu Diesen/ dynstaga nach Conuersionis Pauli 28. Januarij im 1533. Jar.

E. Ch. S. G.

Vnderthäniger Capellā  
Johan. Coeleus.

# Titel über das achte Capitel des fünfften Buchs im dritten thayl der Chronica

¶ Wann/wie/vnnd von wem/ die Occidentisch Kirchen *Frank.*  
Europe die Mess/Item die transsubstantiation oder verwad- *Fol. 500*  
lung des brots vnnd weins/ in den leyb vnnd blüt Christi em-  
pfangen hab.

Wir habens gewislich bayde von Christo vnserm Herren *Cocclm.*  
empfangen/ dann baydes nicht auß menschen krasse oder wor-  
ten/sonder auß beuelch/ krasse vnd worten Christi geschicht/  
des almechtigen Son Gottes/welcher gesprochen hat/das ist *Math. 16*  
mein leib ic. das thut in meiner gedechtnuß. Aber diser Franck *Luc. 22*  
als ain Messstürmer vnd kirchenfeind/will baydes jungt vnd  
new machen/als sey es nicht lang in der kirchen gwest/sonder  
vom Teüfel eingefürt vnnd erfunden/ Welchs doch weder er  
noch Luther noch alle Rottengayster sambt allen bösen gay-  
sten vermögen zü beweysen. Es haben die Wittenberger lang *Im buchli*  
gesucht/wol vor zehen jaren irem Lanndßfürsten solchs anzü- *ernstliche*  
zaygen/als er begeret von ihnen zü wissen/ wann dise Mess in *handlung*  
der kirchen angefangen/vnd die Apostolische Mess auffgeho- *d'univers*  
ret habe/Es hat aber jr vnderrichtung weder kennd noch süß *sitet etc.*  
se/vnd schneydet sich selbs in die backen/dann yetz kommen sy  
auff vier oder fünff hundert jar/ietz auff Damasum/Gelasii/  
Celestinum/Gregorium/vnd sprechen/ das sy newlich gewes-  
sen seind/ so doch offenbar ist/ das Damasus vor aylff hunn-  
dert jarn regirt hat/vnd der jüngste vnder disen (nemlich Gre-  
gorius) ist wol neun hundert jar alt. Sy concordiern auch mit  
mit diesem Francken/welcher bekennet das vnser Mess sey bey  
kayser Karl des grossen gezeytt in schwäck kómen in Teütsch  
landen/welchs nicht vier oder fünff/sonder mehr dann syben  
hundert jar ist. Es hat aber der frome gotselig vnd hochgelert  
Bischoff Johan zü Rossa in Engelland mechtiglich wider  
sy all beweist/das biß von der Aposteln zeyt her/allwegen die  
Mess vnd transsubstantiation gerweret haben.

*Episcop*  
*Roffen.*  
*lib. 4. con*  
*tra Occo*  
*lampadit*  
*in plogo.*

Frank

1. ¶ Anno 790. Als nun Hadrianus 24. Jar geſeſſenn/  
die Gregorianiſch Meß inn ſchwanck bracht hatt/ Vnd ſich  
vnderſtünde vilen gegeden auffzudrungen/hetter Leonem 3.  
zum nachkommen.

Codrus

Adrianus primus/welchẽ diſer Franck hie ſticht/iſt ſo ain  
Edler frommer/haylig vnn̄d geleterer Babſt geweſt/das ihn  
nicht allain Kayſer Carl der groſſe/ ſonnder auch Conſtanti-  
nus Kayſer zu Coſtantinopel vnd Hirenẽ ſein mütter/ain groſ-  
ſe gewaltige Kayſerin/vnd Deſiderius ain König der Longo-  
barder/ſein ſeind/in ehren gehalten haben/welcher biß in drey  
vnd zwainzig jar regieret/als lanng nach Sain̄t Peter kein  
Babſt vnder zwey hundert vnd dreyßig babſten regiert hatt.  
Das aber Franck ſaget/er hab ſich vnderſtandẽ die Gregoriani-  
ſche Meß vilen gegeden auffzudrungen / redt er als ain Meß  
vnn̄d babſt ſchender/ mitt fürſatz alle ihre werck vnn̄d wol-  
thate zu leſteren/vnn̄d leügn̄et ains übers annder. Dañ Adria-  
nus iſt der dreyßigſte babſt nach dem erſteyn Gregorio/ Vnd  
Gregorius hatt khain newe Meß auffbracht/ Es hatt auch  
Adrianus kein newe meß inn ſchwanck bracht/hats auch Kay-  
nem lannd auffgedrungen/Das iſt aber wol way/das der groſ-  
ſe Kayſer Carl in Adrianus zeytten/die Sachſen/Węſtſchallier/  
Phriefen ic. Zum Chriſtlichen gelauben mitt dem ſchwert ge-  
bracht/Meß/Kirchen/Clöſter vnd Biſthumb geſtiftet/vnn̄d  
die Götlichen ambt bey ihnen inn ſchwanck/ auß anſtattung  
des Babſts/ſeliglich gebracht hat/welche yetz durch den Lu-  
ther vñ andere ſchwärmer werdenn gottleſterlich abgethon.

Frank

2. ¶ Der aber ( verſtehe Leo 3. ) entzohe vnd verſetzet das  
Griechiſch Kayſerthumb/ vnn̄d bracht es mitt liſten vnn̄d  
hülff Hirenẽ der Kayſerin ( wie oben vñ bildern erzelt iſt ) in  
Fräckreich an den König Carolū/magnū nachmals zūgenant.

Codrus

Der Teufel hat diſe ellẽde kezer (nach dẽ ſy Babſt Leo der  
10. in Bañ gethon/vñ dẽ Teufel übergebẽ hat nach S. Pauls  
leer vñ exẽpel/ ſo gar verblẽdet vñ in vnnütze neid vñ haß wi-  
den babſt entzündet/dz ſie offentliche verreter an jr eigen vāt-  
tern vñ vatterlād wo:dẽ ſeind/Licht allain in dem/ das ſy dẽ  
pöfel zu auffrũr erweckẽ/ vñ jr vāter glaubẽ vñ leügn̄ẽ vñ vñ dā  
men

1. Tim.

me/sond auch dz sie dē Teütschlād vil vneer bey frembde Vlati  
 onē zūziehē vnd sein höchstē ehr (nēlich dz Römische reich)  
 entziehē/vñ als vil an ihñē ist gern gar hinweg nemen wolte.  
 Wie nun hie der Franck stoche/als hab der Papst vnrecht-  
 lich dz Kayserthüm versetzt/ vnd leüget darzū/ als er spricht/  
 mit hülff vnd listen Syrene/vnd in Franckreich/welches zwū  
 starcke lugē seind/dan Syrene kain wort darumb gewist hat  
 ee dan es geschēhē ist/ Ja kayser Carl hat selbs nicht dauon ge-  
 wißt/bis im d babst die kayserliche kron auffgesetzt/ vñ alles  
 volck zū Rom in S Peters minster. Anno Domini. D.CCC.I mit  
 siolocē geschreyē hat am hayligē Christag/vñ der Mess/ drey  
 mal/ Leben vnd sig sey dē Carolo Augusto/dē g:ossen vñ frid-  
 samē kayser. Vnd ist solche vmbsetzung des Kayserthübs nicht  
 in Fräckerich/wie Franck sagt/sond in Teütschlād bracht/wie  
 die Bapst selbs bekennē/vñ bewerte Historici Welische vñnd  
 Teütsche/ Blondus/ Platina/ Egnatius/ Otto Frisingensis/ Al-  
 bertus Branz/ Johannes Clauclerus ꝛc. Welchē vil billicher  
 zū glaubē ist dan dñem newē vnterwēn Franckē/ welcher dise  
 stinckede lug vñ ver:eterische schmach vō Luther glernt hat/  
 welcher wol vor 12. jarn der massen dauon geschreibē hat/ das  
 man im billich möchte die auffrürische faust darūb abhawen/  
 vñ die giffteige zungē aufreissen/dan also lautē seine wort: Der  
 babst hat in krafft seiner Sidoch ain new Römisch Reich auf-  
 gerichte/hat dz selbige vmbgesetzt vō Kriechē (wie er sagt) auff  
 die teütschē/welchs vñd andern werckē des Antichrists dz für  
 nemst vñ grōst meerwūder ist/ Es ist aber auf die teütschē vñ  
 gsetzt des Römischē reichs vocabel ain blosser nam/ so in war-  
 hait nichts meh: vō Reich da ware. Hec Luther. Hierauß mö-  
 gen kayserlich maiestat vñ alle Churfürstē vñ f. des hailigen  
 Römischē reichs wol vermerckē/dz die babst vñ lateinische hi-  
 stonici vns teütschē vil meh: gūts vnd eer gündē dan dise ver-  
 reterische aberinling/welche vil lieber den blütsichtige Türeckē  
 dan vnsern hailigstē vater dē babst herein ließen/als vil an inē  
 ist/welche auch innerhalb 365en jarn meh: zwyspalt vñ blü-  
 vergiessen vnder vns teütschen angricht haben dan alle babstē  
 in acht hundert jarn wider vns gethon haben.

Extra de  
 elect. c. ue  
 nerabilē.  
 Cle. Ro.  
 Principes  
 de iur. iu.

Luth. con-  
 tra Amb.  
 Catharius

Manf

Coclem

3. ¶ Den krönet er zum kaiser (verstehe Leo Caroli) damit  
er im den menschen so genaygt vnnnd gütwillig macht/ das er  
alles bey im vermocht.

Wer die Historicos/Welisch/Teütsche/Französische liße  
der befindet/wie Christlich vnd gütwillig sich alle zeyt gegen  
der Römischen kirchen gehalten haben dise Edle vnd mecht  
ge fürsten von alten Osterreich/ Carolus Martellus/ Papi  
nus/ Carolus Magnus/ Ludouicus pius / wie sich die selbige  
nicht allain in höchster sah/ not vnd trübsal mechtiglich er  
rettet vñ verteidigt habē wider die Saracener/ wider die Mo  
ren/wider die Longobarder/ wider die Kriechen ic. Sonnder  
auch reichlich begabet mit land vnd leütten/mit Sylber vnd  
gold/mit priuilegien vnd freyhaiten/mehr dan kein gschlecht  
auff erden ye gethon hatt/ Man findet auch nicht leydelich  
vñnder allen Kriechischen kaysern zu Constantinopel ainen/  
welcher in kriegs geschichten vnd darneben in Gottes forcht  
vnd beschüzung der kirchen diser hochloblichen fürsten aint  
möcht vergeleycht werden. Warlich hetze Carolus Martel  
lus/ ain großuatter Caroli magni/ nicht geweeret/ die Sara  
cener hetten das ganze Europa gleych so wol eingenommen/  
als sy Asiam vnd Africam eingenömen hetten/ dz seind die drey  
tayl der welt/ Da aber Gott dem Carolo Martello glück vnd  
gnad gabe/das er in ainer schlacht drey hundert vnd fünff vñ  
achzig Tausent Saracener erschläge in Franckreich (Hispa  
niam hetten sy schon eingenommen) Namen die Christen wi  
ß auff die füße/ Es wer aber hieher vil zu lāg/ dises gschlechtes  
grosse vnd herliche thaten wider die vnglaubigen alle zu erze  
len/ ja es wer vnmüglich alles zu erzelen/ Derhalben zeyhet der  
Franck hie vñghelich den fromen kaiser Carl der Lergertzig/  
kait/ als solt er darumb dē Babst gedienet haben vñ zeytlicher  
eer wegen / so doch offentlich ist/ das er zu vor dē Babst Adria  
no nicht weniger gholffen hetze/ dan hernach dē Babst Leo/  
vnd zeytliche eer von jr kainem begeret/ Sy aber/ die Bābste  
vnd die Römer bedachten selbs seine wolthaten/ vnd hießen  
in erstlich Patricium Romanum/ darnach Cesarem Augu  
stum/ vnd Imperatorem Romanum/ Dann er solchs tausent  
mal

Vide Blö  
dñ in De  
cade 1. li.  
1. Alber  
tū Krätz  
i Saxonis  
lib. 1. c. 8.

mal besser vmb Rom verdienet hette dann die kayser zñ Con/ Et Otto  
stantinopel/welche dem Römischen Reyck vnd der gantzē nē Frisñ  
Christenhait/sonderlich zñr selbigen zeyt/ vil mehr geschadet gen.lib.5.  
dann gefrommet haben. c.31. etc.

4. ¶ Ja das diser Carol in sein ( verstehē Leonis 3. ) wort Franck  
schwör/ als das er jm gleich zubiecten hette.

Diß sager kain Historicus/ dan offenbar ist/ dz kayser Carl Cocleus  
nicht weniger vor/ dann nach der krönung/ der Römischen kir  
chē gedient vñ mit vil wolthatē gefrommet hat/ Wie wol aber  
diser kirchenfeind mit vnnützem blaubern/ia mit giftigen lu  
gē alles der Bābste vnd der Christlichen kayser werck zñm är  
gesten deüt vnd auflegt/ So wissen doch die Christen vñ ver  
nünftige leüt/ dz nicht vnzimlich ist/ so der kayser dem Bābst  
seinem Aröner/ schweert/weyl er auch den Churfürstenn/ ja  
auch andern Fürsten vñnd Stetten des Reichs seinen vnder  
thonen schweien muß/ Vnd diß auch nicht vnzimlich ist/ das  
ain vatter dem Son/ ain hirt dem schaff zūgebieten hab/ weil  
dann der Bābst gegen dem kayser ist/ als ain vatter vnd hirt/  
so hat er jm in gaystlichen sachen zū gebieten/ vñnd der kayser  
ist bey seiner Seel seligkeit schuldig/ als ain Son vñnd als ain  
schaff Christi/ dem Bābst zū geho:chen.

5. ¶ Als nān d die Römisch Religion in sich sauffet/ vñ über Franck  
Franchreich vnd alles Teütschlande herschet/ kñde er seinen  
gayst in diß ort alle außgießen.

O des vnnützens giftigen mauls/ welchs dē frommen hai Cocleus  
ligen kayser Carl so gar vndanckbar ist/ der vnns Teütschen so  
vil gütes gethon hatt/ so wir zñ vor als grobe Bestien waren/  
vnd hetten kain rechte Regiment noch Religion/ hetten kaine  
gemaurete Stett/ eytel abgötterey/ armütey/ fresserey/ thain  
weinwachß. kain handtierung/ kain Burgerliche Polickey ic.  
wie solchs glaubwürdige Historici vñnd Geographi/ Strobo/  
Plinius/Pomponius Mela/Cornelius Tacitus ic. anzaugen/  
Warlich haisset diser giftiger Franchenschender vnnbillich  
Franch/weyl er den Edelsten vnd medchtigsten kñig der Frā  
cken so vngütlich schmegte vnd lestert/ als solt er Franchreich  
vnd Teütschland vnrechte Religion auß bösem Gayst geleert

haben/ So doch gewiß vnd offenbar ist/ das alle glaubwürdi-  
ge geschichte schreiber/ vil Concilia vnd haylige vätter/ disem  
grossen kayser Carl das höchste lob vnd verdienst bei Gott der  
Christlichen Religion halben zuschreyben/ das es zumal spot-  
lich ist/ vnd lauttet/ das nun ain vnuerseimbter lugner dar-  
se sich mit losen geschwetz vndersteen/ ain solchen kayser/ der  
über syben hundert Jar bey der ganzē Christenheit mit höch-  
ste lob berhümet ist/ sein eh: abzuschneyden/ vnd den hayligen  
gaist (durch welches genad vnd eingeben so grosse ding der sel-  
bige kayser gethon hat) in jm lestern/ vnnnd sein vnflätig maul  
widern hymel setzen.

Franc. 6. ¶ Der stiftet allēthalb vil Clöster/ kirchē vñ hohe schü-  
len/ darauff man des Bapsts glauben vnd die Römischen reli-  
gion möcht begriffen / vnd dauon Bischoff vnd pfarherren  
vordern vnd beruffen.

Cocleus Sie sihet man die straff gottes an disem ellendē Blandier/

Rom. 1. stlichen neyd vnd haß wider den Bapst vnd Römische kirchē/  
das er das beste lob vñ verdienst dises hochgemelte keyzers wil  
für sünd vnd schuld anziehen vnd verklagen/ geleych als were  
es sünd/ Clöster/ kirchen vnd hohe schülen/ stiften/ wie möch-  
te der arme schwürmer herter geplagt vnd vom Teufel beses-  
sen sein/ dann in so tölpische verküthen syn gestürzt/ fallen in  
ewigen fluch Gottes/ da vñ Esaias sagt/ wee euch/ so jr saget/

1sa. 1. das böß sey güte/ vñ das güte sey böß/ Dañ wa Salomon billich

1. Reg. 1. 2. Para. 7 gelobt wirdt vmb aines tempels willē/ den er Gott zu eh:ē ge-  
bawt hat/ wie vil billicher wirt der groß kayser Carl globt/ vñ  
wegē so vil löblicher stifte/ kirchen vñ Clöster/ darinnen goet ist  
biß her/ über 200. jar lang/ tag vnd nacht gelobt worden/ Er  
hette auch seine vnderthonen kainē bessern glauben vñ Religi-  
on in grösserer züuersicht vñ vnzweyfelter sicherhait leerē mö-  
gen dan den Römische glaubē vñ Religion/ dan sonst kain kir-  
chē so groß vnd gewisse zeignuß hat von Christo/ vñ Aposteln  
von Concilijs/ vñ hayligen vättern vñ von der ganzē Christen-  
heit/ als die Römisch/ Vñ welcher Paulus sagt/ das jr gelaub  
Rom. 1. verkündiget werde in der ganzen welt/ Vnd Christus für sy  
Luk. 13 gebe



gebetten hat/ das jr glaub soll nymer meh: gebrechen/ Derhal- C. de sum-  
bē auch die großmechtige kayser Gracianus/ Valentinianus/ ma Trini  
vnd Theodosius öffentlich gebotten haben in Codice/ das ist/ 14. et fide  
in bewerten Kayserlichen rechtē (welchē yetz Luther vñ sein Cath. li. 1.  
Philippus gehorchen haissen als Gottes Worten vnd gebottē) Luth. &  
das alle vnderthonen des Römischē Reichs sollen sich halten Phil. in ui  
der Römischen Kirchen religion vnd glaubē/ die den Römern sitatione  
S. Peter gegeben hette/ welche auch der Babst Damasus zur Saxōica.  
selbigē zeyt hielte/ wie auch der groß gewaltige kayser Justini C. ubi sup.  
anus / dem Babst Johanni 2. bekennet/ vnd alle Orientische l. Nos red  
Kirchen dem stül zū Rhom vnderwarffe vnd verainigte. dentes.

7. ¶ Also fūret er dise Römisch oder Lateinisch zung/ spra-  
che vnd gotsdienst in Germaniam/ aller maiest in alle tempel/  
derē er ain groß tail gstiftet het/ vnd allenthalb/ das sy gestiftē  
vnd von andern gebaret worden/ daran was.

Das ist auch lob vnd ewiges danck's werd/ dardurch Ger- Coeleus  
mania so vil gotselige Bischoffe/ Predicanten/ Doctores vnd  
Scribenten/ ūbertommen hatt/ welche sy durch solche wolchāt  
Caroli magni ūbertommen vñ so lāge zeit seliglich ghabe hat/  
biß zū vnsern zeyttē/ da sich tolle schwürmer vnderfiengen/ die  
Lateinischen sprach ab zūthū vnd allain Teütsch vnd Hebra-  
isch zū lernen/ Es ist aber Gottes straff ūber sy/ der sye durch  
solch barbarisch vnd vnſynnig fūrnemē vor aller welt zū schā-  
den vñ spott macht/ wie Paulus spricht/ dz sy seind feinde des Phil. 3  
crenigs Christi/ welcher end vderbnuß/ welcher gott vbauch/  
welcher breiß in irer aygē schand ist/ Dañ sy bald selbs vñ sol- Luth. an  
cher to: hat müßtē absteē/ vñ dz widertayl offentlich bekennē. die Rats  
herrn der  
Reichstet

8. ¶ Er möcht es aber deßer leichter thū/ das vor im vn-  
der seinem vatter Pipino/ Gregorius 2. ainē Mūnch/ der Rō-  
mischē religiō kündig Bonifaciu genāt/ in Germaniā sendet. Franck

Bonifacius der haylig marterer Christi/ ist der Römischē Coeleus  
religiō ja kündig gwest/ hats aber nit zū Rom/ sond in Engēl-  
land vñ jugent auffgelernt/ auß Götlichē eingebē/ so er bald  
in v jugent ain mūnch wurde/ nach dē spruch Hiere. Es ist dē thren 1  
man gūt so er des herrn joch vñ jugēt auff getragē hat/ er hat  
auch im Closter der massen in kunst vñ andacht vor anderen

auffgenommen/das er bald ains grossen ansehens worden ist/  
so geschickt/das ihn der Westsachsen künig in grossen anligē  
zum Erzbischoff von Candelburg schicket/Auch vmb predi-  
gens willen/mit erlaubnus seines Abts ist er auß Engelland  
erslich in Friesland gezogen/ So er aber daselbst durch krieg  
verhindert warde/zoge er wider haim in sein Closter/vnd na-  
me daselbst gezeugnuß brieff vō seinem Bischoff an dē Pabst  
gen Rom Greg. 2. welcher ihn/nach dem er sein haylig fürne-  
men erkant/mit befehl in Teütschland den vnglaubigen das  
Euangelium Christi zū predigen/gesandt hat.

Franc̃

9. ¶ Der sy zū dem Römischen glauben / oder als Platina  
saget/zū Christlichen glauben bekert/ Welchs Grego. fürne-  
mests lob ist/ das auß seinem anschicken die Teütschen zū  
glauben/wolt Gott zū dem Christlichen/seind bekert worden.

Cocleu

Es thut diser spotter dem Grego. 2. gleich wie er dem Gre-  
go. 1. thut/welchem er schuld gibt alles aberglaubens/grewel  
vnd irthumb/s was er erdencken mag/ aber die copia des brie-  
fes vnd befehls/den Grego. 2. dem haysigen Bonifacio gebē  
hat/überzeugt disen lugner/darinn mit klaren worten außge-  
druckt ist/das er im namen der vnzertaylten trisaltigkeit/auß  
gewalt des Apostelfürsten Sant Peters/gedachtem Bonifa-  
cio befehle/weyl er im wort gottes entzündet (welchs hailßam  
feyer der herz auff erden zū senden kommen was) rayßen solt  
zū den vnglaubigen/ihnen zū verkünden das gheimnuß des  
reychs Gottes/durch einfürung des namens vnnsers herzen  
Jesu Christi/sy durch den gayst der warhait zū vnderweyßen  
in allen tugenden/mit predigē beydes Testaments ꝛc. Da von  
auch Platina sagt/welchs gezeugnuß bey geleerten vnnnd ver-  
stendigen leütten mehr gelten wirt dann sechs hundert Teüts-  
sche Chronica dises Francken.

Vide lib.  
1. de uita  
ṽnirtu-  
tibus S.  
Bonifacii  
Luc. 12

Platina i  
uita Gre-  
go. 1.  
Franc̃

10. ¶ Also ward gemelter Bonifacius erster zūm erstenn  
Bischoff zū Mentz erwölet vnd eingesetzt.

Cocleu

Es hat Franc̃ S. Bonifacii Zistorien nit recht gelesen/  
dann Bonifacius nicht der erste Bischoff zū Mentz gewesen/  
sonder vil Bischoffe vor im da gewesen/Er aber/als er ain zejt  
lang in Thüringen vnd Friesen gepredigt/wider gē Rom zoge/  
da weyß

da weyhet in Greg. 2. zum Bischoff/ vnd hiesse in Bonifaciu/  
welcher zuuor Winfrid gehaissen hette/ Vnd gabe im vil ge-  
zeugnuß brieff an die Thüringen vnd alte Sachsen ic. seiner le-  
re zu volgen/ vnd lang hernach vnder dem Grego. 3. nach dem  
er das dritte mal zu Rom gewesen/ da Carlomannus mit seynem  
brüder Pipino regieret/ ist er zu Mennz Bischoff worden/  
an stat des abgesetzten Bischoffs Gerwillieb/ welches vatter  
Geroldus auch Bischoff da gewesen ware/ Vnd weil Bonifaci-  
us Babblicher legat was/ ist er durch gehaß baider obgemel-  
ter Fürsten (die es vom Babst erlangten) erster Erzbischoff  
zu Mennz worden/ hette aber das Pallium vorlangst in seiner  
legation empfangen.

11. ¶ Der Krönet auß gehaß Zacharie des Babst Pipinum Frank  
den König/ des Babsts gütwilligē/ vnd setzet mit veritheyre-  
y ab Childericum /ja warff in mit gewalt auß seinem reych.

Sie hat diser Babstlesterer ainen schein zu lestern/ weil die Cocleu  
Historia innen helt/ das der König Childericus ist seins reiche  
entsetzt worden/ Es setz aber der verlogene anklager die heßli-  
ge lügen hinzu/ das Bonifacius Childericum mit veritheyre-  
y abgesetzt habe/ daran thut er dem heiligen man vnrecht/ daß  
es nicht durch Bonifacium/ sonder durch gemaine willigung  
vnd begerten des Reychs geschehen ist/ nicht veritheyerlich/ son-  
der ordentlich vnd offentlich auß redlichen vrsachen/ wie Blo-  
dus/ Placina/ Otto Frisingen. Albertus Krantz ic. auß alten Blöd 9 de  
schriefft Alcinini/ Paulini diaconi/ Egniharti/ Reginonis an- cade 1. li.  
zeigē. Vrsachē zeiggen sy an/ dz der König Childericus ain vnge- 10. in fi.  
schickt nerrisch vnnütz man was/ der selbs nichts außrichtē Albertus  
künd/ vnd dem hochberühmbten vnd streitbare Fürsten Pipi- Krantz i  
no vil hindernuß bracht/ Vnd nach dem Pipinus vn̄ seine vo- Saxonia  
eltern vil jar alles land der Krone wol vnd löblich regirt hettē/ li. 1. in fi.  
vnd die Könige gleych als Cypria on gewalt vnd außrichtüg Otto Fri-  
da gegessen waren/ haben alle Fürsten vnn̄ stende des Reichs sing. li.  
für güt angesehen/ vnd neben jnen auch der Babst Zacharias/ s. c. 12.  
das besser vnd billicher sey Pipinus/ der im werck vnn̄ Regi-  
ment König ware/ auch den namē des Königs haben solt/ Dar-  
auß ist Pipinus Anno Domini 752. zu Sueson erwolt vnn̄

von Bonifacio als Bábstlichem legaten gekrónet / Hilbertus abgesetzt vnd in ain Closter gethon / das er Gott dienē für sich selbs / vnd den rechten künig hinfürt nicht mehr: im Regt mēt verhindern solt / Welches auch nach Zacharia der Babst Steffanus 2. bestetiget vnd den Pipinum als ainem künig gesalbet hat / Vnd ist Pipinus der erste künig von Franckreich Christianissimus genant worden / dann er die Rómischen kirchen wider Kriechen vñ Longobarder auffß herlichst beschützet vnd begabet hat.

Vide Eg-  
natum de  
Caesari-  
lib. 3. c. 1  
Franck.

Cocleus.

Ioh. 10. 21  
Math. 16  
Rom. 13  
Heb. 13

12. ¶ Nun ward Menz zum Erzbisthumb in Teütsche landē gemacht / da von die andern leben vnd form des Gortß dienstß empfiengen / Menz aber von dē Rómische Bischoff. Diß ist kein böß ordnūg / sonder der schrift vnd allem rechten gemäß / das die vnderthonen von der Oberkait form vñnd ordnung annehmen sollen / Dañ Christus haisset hören die stym des hirtē / vnd besilcht Petros seine schaff / gibe jm die schlüssel etc. So haisset auch Paulus den höhern gewalten vnderthänig sein / sy ehren vnd iren gebotten gehorchen / Es ist aber Menz nicht über alle Bisthumb teütscher nation ain Erzbisthumb / wie woles dz grössste ist / Es seind noch mer Erzbisthūe / als Cöln / Trier / Bieñ / Magdeburg vnd Salzburg / die sich auch nach Rómischer kirch haltē vñ daran nicht übel (wie Franck vermainet) sonder wol vñ recht thünd / Ja bey irer Seelen seligkait schuldig seind (wie ich an ainem andern ort bewyßt hab) der Rómischen kirchen zū gehorchen / als irer von Gott eingesetzten Oberkait.

Franck

Cocleus

13. ¶ Sie sihe zū / welcher zeyt die Teütschen den Babst haben eingelassen / geeßet vñnd zū erkennen anngesangen / Dann sonst kan man auß Sireneo / Tertulliano vnd Hilario / gewislich anzaugen / das Teütschland zū iren zeyten den waren glauben Christi gehabt hat.

Sie vndersteet sich diser arglistig vnd giffteig Schlang die layen zū betriegen mit Sophistrey per fallaciam æquiuocationis et figuræ dictionis etc. in dem wort Teütschland / welches nach seiner weyette mag pro et contra / ja vñ nain haben secundum diuersas partes absq; contradictione. wie man in der Logica lernt / Dann es kan baydes

baydes war sein/ Teütschland ist vor/ Tausent jarn Chriſten ge  
weſt/ vnd Teütschland ist vor/ Tausent jarn nicht Chriſten ge  
weſt/ So man hie von ainem thayl/ dort von ainem andern  
thayl des Teütschen lands redet/ War iſts/ das vor/ Tausennt  
jarn ſeind Chriſten geweſt/ im Nyderlandnd vnnnd himheſſets  
Reyns zu Cöln/ Mennz/ Trier ꝛc. Das aber heriheſſets Reyns  
die Heſſen/ Thüringen/ Weſtfälter/ Sachſen/ Mercker/ Schles  
ſier/ Francken/ Bayern vnd Oſtereycher vor/ Tausent jarn ſol  
len Chriſten geweſt ſein/ das würde Franck noch lang nicht er  
weyſen/ Er wirdt auch nicht beweyſen mögen/ das die Chriſte  
im Teütschen land bey Hirenus vnnnd Hilarius zeyteen den  
Babſt vnd Scül zu Rom nicht erkent vnd geehrt haben/ Wir  
künden aber auß Gregorio/ Hieronymo/ Hilario/ Hyreneo ꝛc.  
wol das widerspyl beweyſenn/ das ſye den Babſt zu Rhom  
geeht vnnnd für ihre Oberkait in Gayſtlichen ſachen erkent  
haben/ Dann Hirenus offenentlich beſchleiſt/ das alle Kir.  
chen die Rhömiſchenn als die fürnemſten erkennen müſſen/ Hiero. cō  
vnnnd Hieronymus das der Kirchenn hayl ſtehe inn würdigkait  
des höchſtenn Prieſters des Babſts/ Wann ſich Franck wirt  
hie weytter hōen laſſenn/ ſo will ich ihm dann ſtatlicher mitt  
hülff Gottes bezeugenn/ welchs ich yetz vmb kürz willenn  
vnderlaſſe. •

14. ¶ Darumb iſt es nicht Glaubwürdig/ das ſye vonn Franck  
der zeytt Hilarij/ alle vom Gelauben wider ſeyen abgefal  
lenn/ das ſye den von newem wider haben müſſen annemenn/  
vnd zum glauben bekört werden.

Wir ſagen nicht/ das die ſelbigenn Teütschen himheſſets  
Rheyns zu Mennz/ Cöln/ Trier ꝛc. ſeind vom Gelaubenn  
wider abgefallenn in Abgötterey/ Wie wol es vonn vilen wol  
müglich iſt/ das ſollichs geſchehen ſey/ wie dann die from  
me Chriſtliche Fürſtenn Carolus Marcellus/ König Pipi  
nus ſein Son/ Carolus Magnus ſein Enckel/ Ludoui  
cus Pius ſein Dienckel/ offte vnnnd vil in Frieſen in Weſt  
ſalien/ inn Thüringen/ in Sachſenn ꝛc. wol erfarenn haben/  
das ir vil nach dem Tauff wider abſielen in Abgötterey/ Es  
haben auch die Ketzeren Arij/ Pelagij/ Felicis ꝛc. vil Biſthub

auch bey den Teütschen hießets Keins besleckt/ vnd biß weilen der Römischen Kirchen abfellig vnd widerspönig gmacht/ wie yetz die newen Secten auch thünd/ ich sage aber noch wie oben/ Franck mag nicht beweysen/ das zu Hilarius zeytten die Thüringen/ Francken/ Sachsen/ Bayren: c. seind Christenn gewesen/ wa aber seind etliche da gewesen/ so haben sy warlich den Babst als den obersten statthalter Christi erkannt/ welchem Christus seine schaff/ in Sant Peters person befolhen hat/ wa nicht/ so seind sy warlich weder Christenn noch schaff Christi gewesen.

1ob. 11

Franck

15. ¶ Sonder/ das dazumal Germania durch Bonifaciu von Christo zum Babst/ von Christlichem glauben zum Römischen sey/ gewendt vnd leyder verkeret worden.

Cocleus

Diß ist das haubtgiffte diser verflüchten naterzungen/ das hin sy schleycht vnnnd die layen/ als die schwachen ainseltigen Luam/ versüren will/ das sy sollen/ nach Luther vnd anderer auffrührischen büben leer/ den Babst für de Antichrist halte/ vnnnd von seiner Kirchen in ain Sect abfallen/ Wolan wer ain leyche lere spiew ist/ der wirt von solchem windt falscher leer vnd lügen auffallen in ain Sect/ wer aber ain fest stanhaffte wayz kö:nlin ist/ der wirdt den alten Historien/ Concilien vnd hayligen vätteren meß: glauben dann disem vnnnd seins geleychen bößwilligen vnuersehmbten lugnern/ welche Christum thaylen/ vnd seinen vnzertrenten rock lesterlich trennen/ Dan über das/ das alle bewerte Chionica vnd Historie/ vil Concilia vnnnd Haylige vätter ainmütiglich bekennen/ das der haylig Bonifacius die Teütschenn von Abgötterey zur tauß vnnnd Christi erkantnuß gebracht habe/ vnnnd deßhalb endelich in Frieslannd ist sambt seinen gellen erschlagen worden/ vnnnd sein Euangeli büch von Hayden durchstöcht wunderbarlich/ das kein büchstab ist versert oder zerstoichen darinn worden/ wie noch im stift Fulda vor augen ist/ So seind noch vorhanden dreyer Bābst/ Gregorij 2. Gregorij 3. vnnnd Zacharie Epistelen deren auffß wenigst 24. seind/ darauß man auffß klerlichst vermercket/ das Bonifacius die Hayden zu Christo bekeret/ vnd nicht die Christen verkeret hat/ wie diser vngötlicher lesterer

1. 1ob. 4

1ob. 19

Vide lib.

2. de uit

f. Bonifa

cij.

lesterer saget/ Vnd ob schon/ kein kirch/ kein wunderzeichen/  
 kein buch oder hailthumb von S. Bonifacio vor augen wer/  
 deren doch in vil Stifften vnd Bisthumen Teütsch vnd Wes  
 lisch lands/ darzü in Franckreich vnnnd Engelland/ noch heist  
 zu tag vil vorhanden seind/ soll man dannoch mer glauben so  
 vil alten vnd neuen Historiis/ Helinando/ Vincentio/ Anto  
 mio vnd andern/ die ich oben zum thayl ernennet hab/ dann di  
 sem neuen lugner/ wider welchen hie gnüg ist/ das der alt vnd  
 edle Bischoff Otto von Freising spricht/ der haylig Bonifacio <sup>Otto Fri</sup>  
 us Erzbischoff/ nach dem er vil nützlicher werck in Teütsch/ <sup>singen li.</sup>  
 land vnnnd Franckreich außgericht/ hab er der marter kron in <sup>s.c. 15.</sup>  
 Frieslannd empfangen/ als er prediget das wort des lebens.  
 Vnnnd das Platina schreibt/ Gregorius 2. habe der Teütschen  
 ain grossen thail mit eygnen henden getaufft/ so vom Bonifa  
 cio beköt/ gen Rom giengen.

16. ¶ Aller maist/ das zu disen zeytten die Römisch kirch <sup>Franck</sup>  
 ain haubt aller kirchenn/ von vilen gehalten ward/ Orient  
 durch Machomet verlaytett abfiel/ vnnnd Sicilia vonn des  
 Babsts Tyranny verdruckt ward.

Diser Franck hat vil gelesen/ vnd waist eygenlich vil an/ <sup>Codem</sup>  
 ders im hertzen dan er den Teütschen layen fargibt vnd schrei  
 bet/ aber sein gifftiger neyd vnd haß widern Babst ist so boß/  
 haßtig/ das im keiner lügen zu vil ist/ so gar vnuerschembt/ dz  
 er nicht achtet/ was die geleerten da wider sagen oder schreybē  
 mögen/ im ist genüg/ das er die layen dardurch wider die gayst  
 lichen erriege/ vnnnd dem Teüfel wol diene mitt so vil vnnützen  
 vnd doch schweren vnd verdamlichen sünden des neyds/ haßs  
 flüchens vnd nachredens der layen wider ire gaystliche hyrten  
 vnd oberkeit/ Er waist wol auß Zireneo/ Tertulliano/ Euse  
 bio 1c. auß alten vnnnd neuen Concilijs vnnnd Historijs/ das die  
 Römisch kirch/ nicht allain zur selbigen zeyt von vilen/ wie er  
 schreybt/ sonder alle zeyt vor vnd nach/ von allen Christen/ ist <sup>vide B13</sup>  
 für das haubt vnd obersten stül auff erden erkent vnnnd gehaltē <sup>dñ Deca.</sup>  
 ten worden/ So waist er auch wol auß den Historiē vnd Chro <sup>1. libr. 10.</sup>  
 nicken/ das zu Bonifacio zeytten die Kriechischen kayser zu <sup>Platina</sup>  
 Constantinopel den Babsten zu Rom groß gewalt vnd hoch <sup>Egnatiū</sup>

Regnone mit bewisen 8 bilder halbe/dz sy etliche babst siengē/ b'schick/  
Ottonem. ten/verriagten/tödteten/vnd mit grosser Tyranny herrschet/  
Sigisber. in Grecia vnd Italia/das sy auch zu Rom in zeyteliche sachen  
Vincetili. regirtē/dañ sy hettē zur selben zeit Erarchū ainen gwaltigen  
Stathalter zu Rauēa über sechs Fürstenthumb in Welisch  
land/vnd Ducem zu Rom/welcher Rom mitt vmbliegenden  
stetten/als ain Herzogthumb des kaysers regiren solt. Doch  
schämte sich der gifftege lugner nicht zu schreyben/ Grecia sey  
zur selbigen zeyt vō des Babsts Tyranny verdruckt worden/  
Vrsach/weil er auch ain bildstürmer ist/ gefallen im wol die sel  
ben Kriechische kaiser/ Leones vnd Constantini/ welche das  
bildstürmen so gewaltigklich triben/ das sy dorfften darumb  
die Babst zu Rom vnnnd die Patriarchen zu Constantinopel  
entsetzen vnd veriagen/vnd alle Concilia/so wider ire kegerey  
waren/ verachten.

1> ¶ Als nun Carolus magnus sein vō der Rōm. kirchen  
franc. angenommen glaubē jederman/ ja den widerstrebendē mit krieg  
vnd schlachten auff saylet vnd notzwang/ Anno 801. biß in dz  
acht hundert vnd fünffzechent jar/ da volget im sein noch vil  
aberglaubiger son Ludouicus im reich nach/ der halff dem  
Babst erst recht auff die füß.

Cocleus. Es ist nicht wunder/ das diser kirchenscherder die lebem  
digen Christen/welche bei der Rōmischen kirchen seyn vñ hal  
ten/übel außricht vnd lestert/weil er der hochberümbten vnd  
langst verstorbenen kaysern nicht schonet/die im nye layds ge  
thon haben/Wer sein giffteig vnd auffrührisch hertz wider al  
le oberkait recht erkennen will/der lese sein vorred vō Adler über  
die kaiser Chronicken/da findet man alles giffte wider die ober  
kait bey ainander/Weil dañ der ellende schwürmer so gar vol  
boßhait steckt/das er gern alles gūts vmbküren/vñ alles args  
aurichten wolt/on alle forcht/scham vnd schewhe/achte ich/  
das nit not sey/auff all seine lesterwort zuantworten/ dañ wer  
durch neyd vñ haß wider beyde oberkait so hart vō Teufel ver  
blendet vñ besessen ist/das er disem newgebornen kircheseind/  
wider alle historien vñ zeugnuß der alten/darff glauben/ das  
der gross kaiser Carl hab die Teufelchen vō rechten Christliche  
glau



glauben mit krieg vnd schlachten abgedrungen/vñ zñ falsch  
habst glauben (wie Franck vermaint) gezwungen/Vñnd das  
sein gotseliger son Ludouicu, Pius sey noch vil abergläubiger  
gewest dann der vatter: der solchs glaubet (sag ich) dē ist war  
lich das liecht der warhait gar außgeloschen/dz im weder mit  
schreyben noch mit predigen zñ helffen ist/ Dan im seind/ auß  
rechte m vitayl Gottes/ vmb seines neids vñ haß willen/ seine  
augen verblendet/ seine oren verstopfft/ das er die warhait we  
der sehen noch hören mag/ sonder bleybt in sünden vñnd lügen  
verstockt ewiglich. 154. 6.

18. ¶ Der entbott dem kayser zñ Constantinopel/ als er die  
bilder abzuthun ward angemüttet/ Es stünde solch sacht dem  
Babst zñ im aber gehorsam sein/ vnd hierin nicht zñ handeln/  
da gieng der gaul. Franc

Wie gieng er dan? was kayser Ludwig hie geantwortet hat/ Coclem  
dz haben vor im zñ Constantinopel vil frome kayser/ Gratia/  
nus/ Valent. Theodo. Martia. ic. auch gesagt/ wie ire leges/ epi  
steln vñ historie außsprayen/ Vñ die vier hailigsten Concilia/  
welche kayser Justinianus 1. gebeut zñ haltē als die vier In Ant.  
Colla. 9.  
Constit. 6  
Eua  
gelia/ habē solchs lāgt vor kayser Ludwig beschloß/ wie auch  
die handlung zwischē dē hai. Achanasio vñ seinen feindē Arna  
nische Bischöffen klar außweiset/ Vñ die natürlich vernunft  
gibt es/ dz nit den hirtē die schafe/ sonder der hirt solt die sch  
fe leren/ layten vñ vitaylē. Aber yetz köñ es die schwürmer gar  
vmb/ dz yetz schaff solt vñ möge den hirtē leren/ ja vitay  
len vñ verdānen/ wider alle schrift vñ vernunft.

19. ¶ Auff den volgten Locharius/ Ludouicus 2. Caro Franc  
lus Caluus/ die all den Römischen sitten waren ergeben/ vñ  
des Babsts eygen.

Dise kayser seind iren voretern in glauben/ tugent/ werck Coclem  
vñnd macht niergent gleych/ sonder vil geringer gewest/ auch  
bey Babsten niergent so wol verdient vñ angesehen/ Noch  
seind sy disem bosshafftigen menschen vil zñ from gegen dem  
Babst vñ Römischer kirchen gewest/ hette lieber Griechi  
sche bildstürmer an irer stat gehabt.

20. ¶ Noch warē meß zñ diser zeit nit also vnzällich vil Franc

auch nicht sayl als yetz/ sonder in ainem Scriffte oder Collegio ward zū tag aine oder zwo gehalten.

Coclem

Wer Acta Concilij Tubariensis gelesen hat/ der waiſſe das Franck hie auch nicht recht ſaget/ welchs bald nach obgemelte Kayſern vnder dem Kayſer Arnulpho gehalten iſt/ Ich gib es aber zū/ das zūr ſelbigen zeyt nicht ſo vil Meſſen ſeind täglich gehalten worden/ als yetz/ weyl hernachmals innerhalb fünff hundert jarn vil kirchen/ Clöſter/ Collegia/ Capellen vñ Altar ſeind gebawt vñ geſtiftet worden/ Gott zū ehre vñ den lieben ſeelen zū troſt/ Das er aber ſagt/ die Meſſ ſeind yetz ſayl/ redet er mit freuel vñnd gewalt/ als ain verlogner Sacrament ſchender/ dann wir zū der Meſſ nicht eytel brott vñd wein haben/ wie er will/ ſonder ſlayſch vñd blüt Chriſti/ welches vnns Chriſten vmb kein gelt ſayl iſt/ das aber die prieſter gelt nemen/ das thūn ſy auß zūlaſſen Chriſti vñ Pauli zū ſrer leybsnahrung vñd auffenthaltung/ weil Chriſtus ſpricht/ der arbayter iſt würdig ſeines lohns. Vñd Paulus/ wer dem Altar dienet/ der lebt vñd iſſet vom Altar.

Math. 10

Luc. 10

1. Cor. 9

Franck

21. ¶ Die anderen predigten oder ſtudierten/ doch wie der ſitt vñd der kunſt übung waren/ Da ward das gaiſtlich recht/ ſo vil daran vorhanden was/ von tag zū tag den vniuerſitetē auffgebunden zūleſen vñd ſtudieren.

Coclem

Man predigt vñd ſtudiert noch heut zū tag in Clöſtern/ Vñd in vil Reychſtetten hat man von der Lutherey vñd einer ſtund an vil orten gepredigt in Pſarkirchē vñd Clöſterē/ ware auch volcks genūg da/ welchs die hoſſertigen newē Predicanten yetz abſtellen/ vñd das volck dängen/ alles in ain kirchen zūr predig zū kommen/ da mit ſy vil volcks vñ groſſen zūlauff haben/ thūn die Meſſ ab/ vñd taylen die predig in ſyben oder vier tag der wochen/ dardurch der gemain man aller an dacht vergiſt/ vñnd an ſeiner arbeit verhindert wirt/ dann ye mehr ſy der newē leſterpredig vñd zanc̄ Euangelium hören/ ye vngeschlachtet vñd roher ſy werden/ das Franck nun ſelbs bekent/ wa im Babſthumb ain Teüfel geweſt iſt/ da ſeyen yetz ſyben böſer Teüfel eingefaren in die Secten.

Franck ſo.

148.

Franck

22. ¶ Die mal im jar giengen ſy Gott zū tiſch/ wie da zū mal

mal im brauch was/ Aber da zu mal wiſt man noch nicht vñ  
der Tranſſubſtantiation/ das das brot ſein aygenſchafft vñnd  
weſen verlür/ vñnd in ain' geſtalt/ darunder der war weſenlich  
leibhaſſtig leyb/ flaiſch vñnd blüt Chriſti verwandelt ward.

Es iſt wol möglich/ das zur ſelbigen zeyt das wort/ Trāſſ Cocleus  
ſubſtantiation/ nicht ſey im brauch geweſt/ Nach dem aber die  
Ketzerrey/ welche ſolch weſenliche wandlung leiſt'net/ Herfür ka  
me vñ auß brache/ hat man wider newe Ketzerrey ain new wort/  
zu rettung des alten glaubens/ müſſen erdencken vñ annemē/  
gleich wie vor Arius zeytten/ das wort Homouſion nicht im  
brauch was/ aber wider ſeine Ketzerrey iſt ſolchs wort erfunden  
vñnd angenommen/ wie auch wider Sabellij Ketzerrey angenō  
men iſt/ das Gott der vatter/ ſey vñgeborn vñnd vnleidlich/ wi  
der des Heluidij Ketzerrey/ das Maria ſey Gottes gebererin/ vor  
vñnd nach der geburt ewige juncfraw/ Dann ſolche wort war  
haſſtiglich den rechten glauben bezeugen/ wie wol ſy in der  
hailige ſchrift nicht verfaſt ſeind/ In welchem ſtuck Luther  
ſambt allen newen Secten ſchwerlich yren/ das ſy nichts wōl  
len annemen noch gelten laſſenn/ es ſey dann in der ſchrift  
außgedruckt.

23. ¶ Sonder/ man glaubet ainſeltiglich nach laut der Frank  
wort/ das brot were der leyb Chriſti/ Also/ das das brot nicht  
beſter weniger brot blib/ wie auch Lutherus will/ vñnd kein ac  
cidens oder geſtalt mit auſſhöung ſeines weſens/ vñnd verlie  
rung ſeiner ſubſtantz/ darauß würd.

Was iſt yetz vnſer gröſſere klag wider die newen Secten/ Cocleus  
dann das ſy nicht ainſeltiglich mit vns vñnd vnſern voreltern  
glauben wōllen nach laut der wort/ Das iſt mein leyb/ Dann  
ye lenger vñnd mehr ſy diſputirn/ ye mehr zand's vñnd zweyfel/  
vñnd ye weniger andacht vñnd ehrebetung im volck darauß er  
wachset. Luther ſelcht den text/ vñnd ſpricht/ das brot iſt mein  
leyb/ Setzt brot hinzu/ welches der text nicht hat/ ſo volgen  
hernach andere Schwürmer/ vñnd nemen das brot also an/ das  
ſy den leyb gar ſaren laſſen/ Vñnd werden dardurch alle ſambe  
ſchuldig des ewigen fluchs/ das ſy das wort Gottes ſelchen/ Deut. 4  
Apoc. 22  
hinzu ſetzen/ vñnd dardurch den ainſeltigen ſyn/ wie die Kirch

all zeyt geglaubt hat/verközen. Christus spricht/ Das ist mein  
leib/ Sie aber sprechen/ Das brot ist mein Leib/ welches falsch  
vnd kezerisch ist/ daß brot ist nit flaisch/ vnd wein ist nit blüt/  
Sonder brot vnd wein werden verwandelt/ auß krafft göt-  
liches worts/ in flaisch vnd blüt Christi/ dz allain die acciden-  
tia vnd eüsserliche gßtalte des brots vnd weins nach der wand-  
lung da bleiben/ Dañ wa auch die substantia da blibe/ so were  
es kein wandlūg/ weil brot vñ wein da blibē nach als vor. Der  
halben geschicht den ellenden schwürmern vñ all jrē anhangē  
recht das sy nun selbs nit wissen/ was sy da enndelich glauben  
sollen/ weil sy so hart hierin vnains. vnd selbs wider ainander  
seind/ vnd dardurch zu lugnern werden/ auß göelicher straff/  
Dañ Salomon nit vergeblich vns alle vor solcher hoffart vnd

Prov. 10.

falschheit warner in Prouerbis/ vñ spricht. Alle red Gottes  
ist fewrig/ vñ ain schilt allen die daran hoffen/ Du solt seinen  
worten nichts hinzū thū/ auff das du nicht gestrafft vnd lu-  
genhaftig erfunden werdest.

Franc

24. ¶ Oder wie es Tertul. aduersus Martion li. 4. nennet  
ain figur/ Aug. ain zeichen oder Sacrament des leibs Christi/  
dañ gewiß ist es/ das dazūmal die transsubstantiation zu ver-  
nainen nicht tödelich ist gewesen.

Coclem

Vil gewisser ist es/ dz Franc/ als ain lugēhaftiger Sacra-  
ment schender/ hie so wol leūget als oben/ Dañ der from hoch

Episcop

gelert Bischoff Rossensis mechtiglich vnd überflüssiglich  
Rossen. in wider Ecolampadiū erweist hat/ durch gezeignus aller Le-

plog. li. 4

rer vñ hayligen vätter/ alte vñ newe/ dz die kirch alle zeyt/ biß  
von Aposteln her/ geglaubt hat solche wandlūg/ ob schon das

De Cöf.

es auch Gratianus im decret vil alter text wider dise newē lū-  
ge des Francē auffbringt/ Aber Rossensis vil herrlicher/ es

dist. 1. p

jüngsten biß auff die elstisten/ sein nach ordnūg der zeyt vñ ja-  
ren/ mit fünff vnderscheiden/ derē yegliche 300. jar in sich fas-

totum.

set/ zu beweyßen/ dz in 1500. jarn die kirch nye anders von der

Micro. cō

wandlūg gehalten vñ glaube hat/ daß sy noch heutē zūtag festig

wa Russ.

lich haltet vñ glaube/ Ich will hie vñ kütz willē nun ainen

hilari. de

spruch Silas/ welche S. Hieronymus reisset ain Busen des

Latci

Lateinischen geztings wider die Arrianer einführen/ Auff diß  
 frag (die er setzt) Ob Christus heit zu tag in vnns sey durch  
 warhait d natur/ od durch ainterechtigkeit des willes? Ist dz  
 sein antwort/ Wan das wort ist warhafftiglich flaisch wor-  
 den/ vñ wir warhafftiglich dz wort/ so flaisch worden ist/ ent-  
 pfahen in des Herze speiß/ wie soll man nit maynen vñ erach-  
 ten/ dz er natürlich in vns bleib/ der die natur vnser flaischs  
 yetz vnabschaidlich/ als er mensch geboin ist/ an sich genomen  
 hat/ Vñ hat die natur seins flaischs in der natur der ewigkeit/  
 vnder dē Sacrament des flaischs/ so wir empfahē sollen/ hin-  
 zu gemēgt/ Dañ also seind wir alle ains/ weil der vater in Chri-  
 sto ist vnd/ Christus in vns ic. wan Francē disen spruch aufflö-  
 set/ will ich im dañ weiter begegne/ Es seind se klare wort/ dz  
 wir in des Herze speiß dz ware flaisch Christi empfahen/ dar-  
 durch Christus natürlich in vns ist/ Nichts destweniger haif-  
 sen wir diß Sacrament auch ain figur vñ zaychen/ weil es die  
 eüsserliche gstate brots vñ weins behelt/ Dañ wir in disem Sa-  
 cram ent drey ding haben (wie babst) Innocentius 3. anzaigt/  
 Erstlich Sacramentū/ die gstate brots vñ weins/ zūm anderē  
 Rem et Sacramentū/ die warhait leibs vñ bluts Christi/ zūm  
 dritten/ Rem Sacramenti/ die Christliche lieb vñ aynigkeit.

Extra de  
 celebratio  
 ne missae  
 rñ c. cum  
 Maribae  
 Francē

25. ¶ Dañ Joannes Scotus/ nit der münch/ sonder ain le-  
 ser zu Pariß/ bayder zungē hochgeleert/ als Plati. Rapha. Sa-  
 bellicus/ vñnd Bern. Lützenburgius von im schreyben/ hat  
 ain büchlin darwider geschriben/ das erst nachmals in Conci-  
 lio zu Vercellis verdambt worden ist.

Wie kan aber Francē beweisen/ das solch büchlin zu vor be-  
 wert vnd angenomen gewesen sey? weyl es dann hernachmals  
 ist offentlich verdambt worden/ vñ zu vor nye angenommen/  
 kan er warlich nichts darauff besteeetigē/ Dañ Rossensis mech-  
 tiglich beweist/ das die wandlung vor vñ nach alle zeyt bey  
 den Christen ist vngeweyselt geglaubt worden/ Solten nicht  
 Hilarius/ Hieronymus/ Cyrillus/ Augustinus ic. Tausentmal  
 mehr gelten bey vns/ dann ain kēzer der vor vier hundert jarn  
 verdambt ist? Hatt diß Scotus Opera Sancti Dionysij ins  
 latein transferirt/ wie etliche sagē/ so hat er ain ayygē schwert

Coclem

Platina in  
 vita Leo-  
 nis 4.

widder sich gezeuht/Dan Dionysius in diesem Sacramēt/ nicht  
Dionysi schlechte brott vnd wein bekennet/ wie Franck vnd seine rotten  
de Ecclesi thünd/sonder bett es an/vñ spricht/ O du ganz Götlich vnd  
ast. Hier. haylig gehaimnuß/wöllest vns gnedigklich eröffnen die decke  
ca. 3. par. len der bedeutlichen zaychen/so dir überzogen seind ic. vñ sagt  
te 3. hernach/dz durch die zaychen auff dem altar Christus bedeyt  
tet vnd empfangen wirdt.

Franck 26. ¶ Nun ist diser an des güt Bāpstliche kaysers Lothar  
rñ hoff hoch daran gewesen:welches nitt geschehen were/ wa  
es tödlich were gewesen/die Transsubstantiation nit zū gelau  
ben/Ja er were vom kñig/der so hart am Bābst hieng/ selbs  
verriagt worden.

Coclem Sette Franck Chronica Reginonis vnd Giatianum in de  
In decre<sup>2</sup> cretis recht gelesen/ so mocht er wissenn/ wie wol Lotharius  
tis 32. q. 2. am Bābst Nicolao dem ersten gewesen ist/ Dann er würdte da  
ca. Lotha befinden/das vnder hundert kaysern kainen hartere Epistel  
rius. vnd straff latein seind vom Bābst zūgeschriben worden dann  
gemeltem Lothario/darumb das er seinen elichen gemahel  
Thebergam von sich thete/vnd name sein kebs weyb Walda  
dam. Es sey nun diser Scotus wol oder übel am hoff gewes  
sen/so thüt es nichts zū der sach/weyl Franck nicht beweysen  
kan/das sein kezerbüchlin sey angenommen/vnd selbs bekent/  
es sey darnach im Cōcilio verdambt worden/ Wir aber gewis  
se zeignus haben/das die kirch alle zeyt die wandlung brotts  
vnd weins gelaubt hatt/Welche wandlung nicht in accidens  
tibus vñ eüsserlicher gestalt(welche bleiben nach als vor) son  
der in wesenlicher substantz des brots vnd weins geschicht/vñ  
derhalben recht vñ aygentlich Transsubstantiation haisset/ ob  
schon das wort in der Grammatica vnd bey den Poeten nicht  
sein oder zierlich lautet.

Franck 27. Ob wol nicht mag gelegigknet werden/das die leybli  
che gegenwertigkait dazumal bey vilen was angenommen/ye  
doch ist die Transsubstantiation/ erst lanng hernach mit eelis  
cher Concilien decret bestedriget worden/ daran Thomas vñ  
andere geschoben haben.

Coclem Wir fragen nicht vil nach dem wortampff/ kan Franck  
dise

dise wesentliche wandlung besser aussprechen/ wölle wir gern  
 hören/ yedoch will es weder im noch Luthero oder aynichem  
 menschen/ vil weniger den losen Schwärmern/ ketzern vnnnd  
 Rottengaistern/ gebüren/ solch wort/ welchs durch Concilia  
 bestedetiget vñ vñ gemainer kirchen angenöme/ so vil hundert  
 Jar im brauch gewesen/ durch aygen freuel vnd nichtigen ge-  
 walt zñ verwerffen/ Dann es nicht allain mit disem wort/ son-  
 der auch mit Homousio/ mit Impassibili/ mit Ingenito/ mit  
 Theotoco ic. der gleichen ergangen vnnnd gehalten worden ist/  
 wie oben bemeldet ist/ Nun haisset vnns Christus die kirchen  
 hñen/ vnd das gesatz vnser mütter eñen/ weyl dann die kirch  
 vnser mütter vnd ain saul der warhait ist/ wie Paulus sagt/ so  
 müssen es warlich böse mütwillige kinder sein/ die ire mütter  
 so leichtlich verachten vnd so widerseztlich betriegg/ Das aber  
 Franck saget/ Thomas hab dian gschoben/ beisset er sich selbs  
 in die backen/ dann er bald hernach/ auch oben bekent/ Es sey  
 im Concilio Vercelleñi bestedetiget/ Nun ist dasselbig Conciliñ  
 meß/ dann hundert jar elter dann Sant Thomas de Aquino/  
 Er legt es auff Hildebrandū/ der Babst Gregorius 7. genant  
 ist/ welcher auch weyt über hundert jar vor Thoma regirt hat  
 Derhalben besthet hie Franck wie Luther/ der es auch auff  
 Thomam schiebt/ Als ich im aber zñ vormals fürwarffe/ dz  
 Innocentius 3. lanng vor Thoma diß wort zñ Rom in Conci-  
 lio Lateranensi gebraucht hette/ da bestünd Luther/ wie but-  
 ter an der Sonnen/ dann er noch heüt zñ tag an diser lügen be-  
 steckt vnnnd hie schweygen müß/ weyl die warhait stercker ist  
 dann er.

Math. 18.

Exod. 10.

Gala. 4.

1. Tim. 1.

Luther in

Capti. Ba

bilonica.

Extra de

suma tri.

et side Ca

tho. ca. 1

3. Esdr. 1

28. ¶ Hie sagt Bullingerus/ die mainung der leiblichen ge-  
 genwärtigkeit sey zñr zeyt Caroli Magni nit so gemain gewe-  
 sen als zñ vnnsern zeytten/ Es hab auch Carolus/ wie wol er  
 vil zñm glaubē mit dem schwert genöcť hab/ des stucks halb  
 nyemant angetast/ noch ainig nott auffgelegt/ Jederman les-  
 bet in der angenömen monier vñ glaubē von Greg. Magno.

Franck.

Wer diser Bullinger 9 sey/ weiß ich nit/ wa in aber Franck  
 recht allegirt/ so siche ich in auch für ain Zwinglischen brotfres-  
 ser an/ vnd gilt mir gleich so vil als Franck/ ain lugner als der

Coclem.

Vide Al-  
ber. Krätz  
in Saxo.  
nia lib. 2.  
ca. 23.

ander. Dañ ob schon ain grosser Doct. sagt wolt/wie hie Bul-  
linger sagt/so sprech ich/es wer nit war/weil es Roffen. so gar  
deutlich vnd gewislich anzeygt/ das die wandlung alle zeyt  
in der gemainen kirchen bekent vñ geglaubt worden ist/ Auch  
durch die vnglaubigen Juden offtmals im Sacrament pro-  
hirt/wie sy peinlich bekent haben/ In sonderhait sagt man/dz  
Wedekindus ain gwaltiger vñ streitbarer Fürst in Sachsen/  
nach dem er dem Kayser Carl oft widerspenig vnd abgefallen  
was/zñ lezt/als der Kayser zñ Nyndac eelich sagen zñ Warde-  
wick O stern gehalten vnd da cōmunierte habe/sey Wedekin-  
dus vmb außspeßens willen auff der Weser in zerissem Klayd  
dahin gefaren vñnd für die kirchen vnder die Betler gesessen/  
Als aber der Kayser vor dem Altar knyet/das hochwürdig  
Sacrament/vom Bischoff geraicht/zñ empfangen/da habe  
Wedekindus/auf Göttlicher erleuchtung/gesehen ain kind  
lin mit freuden/als spylent/in des Kayfers mund schlieffenn/  
vñnd sey als bald durch solchs Miracel bekört/vñnd all da  
getaufft/vñnd des Kayfers Batt worden/dadurch die Sach-  
sen zñ frid vnd stätē glauben kommen seind/ Desßhalben ich  
nicht allain gelesen/ sonnder auch. von grossen Fürsten vñnd  
Herren/so vom Wedekindo ih: löblich vnd alt ankunfft vñ  
herkommen haben/mündelich recitirn/vñnd bekræfftigen ge-  
hört/Es hat auch Gregorius magnus sambt allen seinen vor-  
faren vñnd nachkommen von der wandlung im Sacrament  
nye gezweyfelt/Darumb weder Franck noch Bullinger oder  
ainicher Schwärmer/sich mit dem grossen Gregorio oder Ca-  
rolo/in seinem brottfressen behelffen mag/sonder bleibe in der  
lug steckend biß über die oren.

Frankf.

29. ¶ Nach Lothario vñnd Ludonico/ kame die Rōmi-  
schen Bischoff ain solche brunnst vñnd vnnyngkait an zñ  
Herschenn/das sy ainander mitt gift außlöschten vnd verga-  
benn/welliches ain gemaynes stuck vñnd täglich brott bey  
ihnen was.

Cockw.

Disß Argument ist ain weytgeholte frembde Probation/  
wie böß aber solche bābst gewesen seind/haben sy danoch kain  
kezerey eingefürt/welchs warlich ain sonderliche genad vñnd  
primus



Privilegium ist Sancte Peters Stül zu Rom/ von Gott ver-  
 lichen/ durch das krefftig gebett Christi/ als er für Sancte Pe-  
 ter gebetten hat/ das sein glaub nicht gebrechen soll. Man fin- Luc. 22  
 det sonst in der ganzen welt gar keinen Bischoffs Stül/ auch  
 kein Königlich oder Kayserlich regiment/ darinn nicht we-  
 ren in so vil hundert jarn Ketzer befunden worden/ oder die tau-  
 sent jar so stedtigs in ainem Tenor gweret hetten/ als das got  
 geliebte Bapstthumb zu Rom/ Von wellichem auch die alten  
 Scribenten wider die Ketzer glorjertenn/ wie wol sy wenig  
 Bapst nach ainander mochten anzaÿgen/ Hirenus zelt zwölff Hyren. ll.  
 se/ Tertullianus sechzehñ/ Augustinus vierzig/ Wir aber mo- 3. ca. 3  
 gen yetz zelen zway hundert vnnd dreyßig Bapste/ Weyl aber Tertul. de  
 Frannck hie dem Platina von bösen Bapsten gelaubet/ solt er præscrip.  
 ihm billich auch von den güten/ so wol als von den bösen/ Aug. in  
 recht geben vnnd Glauben/ vnnd ihn nicht ainem Bapst epist. 165.  
 heuchlet scheldeen.

30. ¶ Dann es seind gewesen vonn der zeyt Caroli Calui/ Francz  
 biß auff Ottonem tertium/ das ist in hundert vnnd drey  
 vnnd dreyßig Jaren/ mehr Bapst/ dann von Tyberio biß  
 auff Julianum/ das ist/ in vier hundert Jaren/ Die doch  
 auch durch die marter außgelöschet/ jr natürlicher ende oder  
 Tod nicht erlanngten. Noch seind zwischenn diser Tyrans-  
 nischenn zeyt nicht mehr dann drey vnnd dreyßig gewesen/  
 Vnnd die vmb Christi namens willen nichts erlittenn ha-  
 ben zur zeyt des frids/ seind über Syben vnd dreyßig Bapst  
 gewesen.

Was ist's nun mehr? wir bekennens auch/ das die erstenn Cocleus  
 Bapst seind frümmer gewesen dann die nachkommenden. Ich  
 will aber hie disen Franncken mit Luther vnnd sich selbs beiß-  
 sen lassen/ dann Luther zelet sechß vnnd vierzig Bapst/ so all Luth. i de  
 seind marterer gewesen/ Frannck zelet alle Bapst von Tyberio/ claratiõe  
 (da Sancte Peter noch nicht gen Rom kommen was) biß auf quorundã  
 Julianum allain drey vnnd dreyßig/ Welliche doch nicht alle articulo.  
 seind für marterer gerechnet/ Dañ Platina auch vñ den erste  
 nicht alle gemarteret anzaÿget/ So ist's auch gewiß vnnd of-  
 fenbar/ das von dem Kayser Constantino magno in 30. jaren/

vnd von seinem Son Constantio in vier vnd zwainzig jaren  
auch kein Bapst gemartert worden ist// Man wölle dann Se-  
licem Quartum aufnemē/ Vnd Franc<sup>ck</sup> leigt net sonst Sane  
Peters stül zu Rom/haisset in ain lugenstül/vnd sagt/der sel-  
be sey nye rayn gewesen/wie der Bapste werck vnd fruchte  
wol außweysen/ Hie aber sagt er/ das ihr vil vmb Christi na-  
mens willen seind gemartert worden.

Franc<sup>ck</sup>

31. ¶ Hie gedenc<sup>ck</sup>/ was der Gotseligkeit sey abgangen vñ  
der souil hirtē/het schier wölffen gesagt/da nichts dan super-  
stition vnd Cerimoni durch auß regirt vnd im schwanc<sup>ck</sup> gan-  
gen seind/ vñ so tieff eingerissen/ das sy nyemandt mochte  
abtreybenn.

Cocleus

Vide Pla-  
tinam in  
Bonifa. 7c

Franc<sup>ck</sup>/als ain Bildstürmer vñ Sacrament schender ver-  
achtet all vnser Cerimonien/da von er Gregorio magno die  
größten schulde auffleget/das mich wundert/wie er Bonifa-  
cium > den kirchenrauber in die zal der bösen Bapst gesetzt/  
nicht aufnimbt vñ in sonnderhaite lobt/weil der selbig dem  
gotts dienst vnd Cerimonijs/ so seind was/ wie er ist/ raubet  
auß S. Peters kirchen die kostlichen klainat/ vnd zoge daru-  
gen Cōstantinopel/vñ verkauffet sy daselbst/ machet gelt dar-  
auß/Tyrauney damit in Rom zu treybenn/wie yetz die newen  
Sect vnd Rottenmaister auch thünd/ raubē schmeltzen vñ  
verkauffen kelch Monstranzen/haylthumb gefäß ic.vnd spre-  
chen darumb/die Cerimonie seind vnütz vnd aberglaubisch/  
vñ das noch böshafftiger ist/darff vns yetz Pomeranus zu  
Wittenberg kelchdieb haissen/so er doch offentlich in vil Stet-  
ten vñ sach geben hatt zu vnzällichem kirchenraub/ wir aber  
nach außtreyßung der schrifft vñ bayder rechten allen kirchen  
raub verdammen/ Es seind aber nicht alle Bapst vñ Carolo  
Caluo an biß auff Ottonem 3. so böß gewest/wie Franc<sup>ck</sup> für-  
gibt/dann Platina vil fromme darunder anzeygt/ Auch das  
vergeben mit giffte nyergert so gemain macht/als Franc<sup>ck</sup> der  
lesterer für gibt/wir wissen aber (wie auch die Lutherschē zu  
Augspurg bekenneten) dz die kirch vñ Sacrament auch durch  
böse Prelaten mögen recht regirt vñ gebiaucht werden/ der  
halben volget nicht so der Prelat böß ist/das daru- sein kirch/  
Stül

Leni. 17  
Daniel. 5.

Stül vnnnd ambt auch böß sey/ Dann Christus selbs leret/ das  
auff dem Stül Moysi biß weylen böß gleißner sitzen/ wir aber Mat. 23  
sollen thun was sy sagen/ aber nicht thun was sy thun.

32. ¶ Dann dahin kame die sache/ das die ärgesten vnd got Franck  
loseten büben den wagen der kirchen fürten.

Wie böße büben da gewesen seind/ haben sy dannoch kein te Cocleus  
geret auffbracht/ approbirt oder gerechtfertigt/ auß sonderli  
cher gnad vnd fürsehung Christi/ das S. Peters glaub nicht Luc. 22  
gebrechen soll/ Es ist aber vnser sünden schuld/ wann vns got  
böße regenten gibt/ wie er durch Esaia selbs meldet/ Jedoch Isa. 1.  
wer Platinam durchliset/ der findet mehr/ frommer lewt bey S.  
Peters stül zu Rom/ dann bey keinem stül oder thron der gan  
zen welt/ ob er schon von Adam oder Noe anfienge/ wie aber  
sonst gemainiglich der bösen mehr seind/ dann der frommen/  
so befindet sich doch bey den Bäbsten das widerthail/ Niem  
lich bey den alten/ das vnder hundert Bäbsten nicht drey für  
böße büben/ wie Franck saget/ zu schelten seind/ will mich des  
ziehenn auff Platinam/ Blondum/ Sabellicum/ Ottonem/  
Reginonem/ Vincetium/ Antoninum/ Sigbertum/ Claud  
rum 2c. Liberius vnd Anastasius 2. haben wol dise mackel/ dz  
sy den ketzern nicht hart gnüg waren/ vnd Vigilius mit böser  
practica Bapst warde/ jedoch wolt er im Bapstumb nicht zu  
gefallen vnd auff begern des großmechtigen kaysers vnd der  
kayserin Justiniani vnnnd Theodori/ vnrecht thun/ den ketter  
Anthonium widerumb in das Patriarchat zu Constantinos  
pel ein zusetze/ Sonder ließ sich ee drüber saßen/ schlaße vñ vil  
jar gesencklich halten. Nun will ich geren sehen/ wie Franck/  
der giffteige Bapstschender/ vnder hundert alten Bäbsten mö  
ge drey andere anzaigen/ die billich möcht böße büben geschol  
ten werden/ wie wol ich auch die obgemelten drey nicht böße bü  
ben will gescholten haben/ vil weniger die ärgesten vnd gotlo  
seten büben/ wie das gotlose lestermaul saget.

33. ¶ Anno tausent drey/ fiel zu Rom ainer/ Sibertus ge/ Franck  
nant/ der zauberey vnd schwarzen kunst ergeben/ das Bapst  
thumb an/ vnnnd warde Syluester 2. genant/ was darff man  
nun wundern/ das in dem acker Gottes so vil vntrauts ist ge.

wachsen/ bey disen pflanzern des Teufels samen. vnnnd säulen  
begieffern des samen Gottes.

Cockm

Lywie ain güetter Logicus ist Franc/ auß aines Babsts  
laster alle Bābt zu lesteren/ Er vno indiuiduo vniuersaliter  
concludens/ Geleych als gelten solt/ so Nero ain böser bāb ge-  
weist/ sollen alle Kayser für böse bāben zūhalten sein/ So Appi-  
us Claudius ain Rather: zū Rom ain böser bāb gewest/ das  
darumb alle Ratsherrn zū Rom solten sein für böse bāben zū

Vide Pl.  
in Sylu-  
stro 2. Pa  
ps 116.

achten ic. wie wol aber Syluester 2. ist auch erstlich ain böser  
bāb vnd schwarzkünstler gewest/ so hat im dannoch gott ge-  
nad geben/ vor seinem end in sich zūschlahen vnd büß zūthūn/  
auch seinen irthumb der zauberey vor allē volck zū bekenen/  
vnd yederman daruo: zū warnē/ hat auch beuolhen/ das man  
den todten cōpel solt auff ainen Karren legen/ vnd die pferde  
damit geen lassen wie sy wollen/ aber auß Gottes geschick hat  
ben sy den Karren gezogen in Sanct Johans Laterani Kir-  
chen/ da ist er begraben mit nachuolgenden zeichen/ das so ain  
Babst sterben soll/ die bain im grab klappern/ vnnnd das grab  
schwinget/ Daraus zū vernemen ist/ das kein sūnder ann Got-  
tes barmhertzigkait verzweyfelden soll/ Wie doch yetz newlich  
bey Hamburg zwen Zwinglianer/ ain Abt vnd ain Doctor ver-  
zweyfeld/ sich in der Herberg zū Hamburg selbs vmbgebrachte  
haben/ der Abt in ain bronnen gesprunget/ der Doctor sich selbs  
in der Camer durchstochen/ Ich will aber darauß nicht argu-  
mentirn (wie Franc hie thut) das alle Zwinglianer sich selbs  
erstechen oder ersauffen sollen/ wie wol sy (layder) alle sich sel-  
ber an der Seel ewigklich tödten.

Franc

34. ¶ Zū diser zeyt entstände Fredenardus/ vnd nicht lang  
darnach Berengarius/ die die leer Johannis Scoti wider er-  
weckten/ vnd nach seinem exempel leerten/ den leib Christi nie  
wesentlich oder leibhafftig/ in dē Sacrament des Altars sein/  
sonder figurlich oder bedeutlich/ wie Oecolampadius/ Zwing-  
lius vnd andere yetz mit vmbgeen vnd sagen/ Es sey ain figur-  
liche rede/ das ist mein leib ic.

Cockm

Berengarius hat disen irthumb offentlich bekant vñ wi-  
derriß/ vnnnd Oecolampadius zū vnsern zeyten ist mechtig  
klich

Nich überwunden vom Bischoff Rossensi vnd Joboco Clich  
touse/Zwinglius erschlagen/ Fredenardus ains vnbeantent Quig. li.  
Ross. duo  
li. Cliche.  
Barbarischen namens vnd verdambter gedechtnuß/ Vnd wi  
der diß gedicht vnd gauckelspyl der figurey troperey vnd deñt  
teley hat Luther selbs (aller neuen Secten vatter vnd grund  
stein) vil bücher gschriben/ vnd solchs öffentlich verdambt.

35. ¶ Geleych wie sich Christus ain lamb/ ecstain/ felsen/ Franck  
weinstock nent/ also hie auch ain broet/ das da geessen nit leib  
lich/ wie der Babst/ sonder gaystlich/ wie er selbs Johan. 6. leer  
ret/ speyse züm ewigen leben/ Der bayder rede wie sy bestee/ se  
hen sy auff.

Es were güt sehen/ wer da möchte/ Es seind aber nun bai Cocleus  
den Ecolamp. vnd Zwing. die augen mit dē tod zū geschlos  
sen/ das sy es nymmer meh: ersehen mögen/ wie vor ihnen den  
Waldensern auch geschehen ist/ vnnnd noch allen Sacrament  
schendern/ welche nicht widerkōden/ geschehen wirt: welche so  
schwere sünd der hoffart vnd aygner klügheit auff sich laden/  
d3 sy wider alle haylige vätter vñ Concilia ain langst verdā  
tset auß der asche herfür ziehē/ vñ vil arms volcks dadurch  
ärgern vnd verführen in ewige verdambnuß/ Das aber Franck  
will sagen/ der Babst lere allain leiblich vnnnd nicht gaystlich  
zū niessen diß speyß des lebens/ das ist nicht war/ wie ire schrif In decret.  
de Confe.  
dist. 2. per  
totum.  
ten im decret vnd decretalen klar außweyssen/ vnnnd diß lügen  
überzeugen/ Dann der Babst leret vnd gebeüt/ man soll zū vor  
die sünd berewen vñ beichtē/ damit man d3 Sacramēt würdig  
lich empfaße züm leben/ nicht zū verdambnuß/ als (layder) al  
le Lutherische vnnnd Zwinglische thünd/ welliche sich sche  
men/ ihre sündde zū beichten/ lauffen hinzū/ wie ain schwein  
züm trog/ geleych wie zū anderer leyblichenn speyß/ wider  
Sanne Paulus leer/ welcher haisset yederman sich vor zū brū  
fen vnd darnach hin zūgeen.

36. ¶ Nun von Fredenardo vnnnd Berengario/ Sy allegir  
ten vil auß den alten Väteren/ wie Lannndfrancus/ Pascasi  
us vnnnd Guimundus/ Berengari zeytgenossenn/ bey Guil  
helmo/ Widesardo vonn ihm sagenn/ die sye auff ir seyten  
sein vermaintenn/ Vnnnd sagten/ ihr dūng were nicht new/  
Extra de  
celebratio  
missarū c.  
Cū Mar  
the.  
1. Cor. 11.  
Franck

sonder essen das/ das vor ihnen Tertulianus/ Ambrosius/ Chrysostomus gehalten haben.

Cocleus

Sie müßten ja irer sache einen schein vnd schmuck suchen/ war es aber nicht new/ warumb hieße man sy dann ketzer? Es ist aber oben genugsam anzeigt/ das die kirch allezeit von wahren leib vnd blut Christi im Sacrament gehalten hat/ das es auch Dionysius der alte discipel Pauli/ erwidriglich mit großer andacht vnd schönen treflichen Worten hat angebetet/ wie oben gesagt ist.

Dionys.

de Eccles.

Hierar. c.

3. in fi.

Franc.

37. ¶ Nemlich/ das des Herren Brot vnnnd Kelch allain ain Eucharistia figur/ zaychen/ Sacrament des leybs vnd bluts Christi sey/ vnd nicht der leyb vnd das blut Christi/ wesentlich leibhafftig selber/ Gerad wie yetz Zwinglius vnnnd Oecolampadius.

Cocleus

Wie schleicht der arglistig schlang/ dise ketzerrey dem leser wol ein züilden/ Ich sage aber im hie vom Sacrament/ wie dem Luther vom glauben/ das das wörtlin/ allain/ fälschlich wirt hinzü gesetzt/ wir lassen sonst gern zu/ das der gelaub gerecht mache/ das diß Sacrament ain zaychen sey des leibs vñ bluts Christi/ Als bald aber sy hinzü setzein das zanchthafftige wörtlin/ allain/ so verwandlen sy die warheit in lügen/ vnd gemainen syn der kirchen in ketzerrey/ Ich hab aber auß Innocentio 3. anzeigt/ das in disem Sacrament drey ding/ nicht ains allain/ zü bedencken vnd zü glauben seind/ Sacramentum, res & Sacramentum, & res Sacramenti/ Das aber Zwinglius vnd Oecolamp. gleich so wolliegen als Fridenardus vñ Berengarius/ in dem/ so sy sagen/ die alten vätter seind auch irer mainung gewesen/ das haben Rossensis vnd Clichtoueus klar vnnnd überflüssig/ klich auß der alten vättern aygnen Worten erweyset.

Extra de  
celeb. ubi  
supra.

Roff. in

plog. li. 4

Franc.

38. ¶ Nun dise sein mainung prediget Berengarius/ ain Bischoff zü Turon dreissig jar an ainander/ vñ riß also ein/ wie auch yetz/ dz vier gehalten Concilia an im nichts aufrichtete.

Cocleus

Wie geren wolt diser new Berengarisch schleicher seinen alten leermäister groß machen/ auff das er bester größer ansehen habe bey den layen/ will in erheben in Sanct Martinus Bischoflichen Stuhl zü Turon/ wider alle Historien/ ja auch wider

wider des Berengarij aygne bekantnuß/ Dann er sich selbs in  
 seiner Reuocation nennet/nicht ainē Biſchoff zū Turon/ ſon De Cōſe  
 der ainen vnwürdigen Diacon der Kirchen S. Mauricij zū cra.diſt. 2  
 Andegauo in Franchreich/ Er heiſſet aber Turonensis / nicht eip. Ego  
 als ain Biſchoff/ ſonder als von Turon gepürtig/ das iſt aber Bereng. 4.  
 noch ain gröber vñ vnuerſchämtere lügē/ ſo er ſagt/ vier Cō Vmcc. in  
 cilia haben an im nicht außgericht/ dann offenbar iſt/ wie beſ hiſt. li. 15.  
 zeüigen Platina/ Vincētius/ Antoninus/ Sabellicus/ Naucle c. 30.  
 rus ic. das Berengarius im Concilio Vercellenſi iſt verdambt Anton. in  
 als ain Ketzer/ vnnd zū Rom im Concilio Lateranenſi ſub Ni hiſto. Tit.  
 colao 2. reuocirt vnnd ſein aygne Ketzerey verdambt hat/ Das 16. c. 1. §.  
 auch Babſt Nicolaus ſolche Reuocation allenthalben außge 10. Sabel.  
 ſchickt vnd publicirt hat in Franchreich/ Teüſch vñ Welich Ennes. 9  
 lannd/ ſo ſer̄ ſolches yrhumbs ſtanc̄ hin kommen was li. 1. in ſi.  
 Franck

39. ¶ Als nun bey den Turonenſeren diſe leer überhanndt  
 nam/ ward ſy von dannen als von ainem Erzbischoff in vil  
 andere Biſtumb/ als in das Andagauſch Redonenſiſch/ Leo  
 nenſiſch/ Maclauieniſch/ Doleniſch gelayt.

Franch hat noch lanng nicht beweyſt/ das Berengarius Codrus  
 ain Erzbischoff zū Turon geweſt/ Möglic̄ iſt es aber/ das  
 ſein Ketzerey an all diſe ort vnd noch vil weytter kommen ſey/  
 ye weytter ſy aber kommen iſt/ ye gröſſer ſchand er durch die Re  
 uocation hat leyden müſſen/ Vnd ye meß̄ er volcks betrogen  
 hat/ ye ſchwerer iſt im worden/ vor Gott rechnung darvon zū  
 geben/ Derhalben ſchreib̄ von im Vincētius/ wie woler ſonſt  
 ains gütten lebens geweſt ſey/ hab vil güts gehabt vnd almü  
 ſen außgetaylt/ auch kein weib für ſein angeſicht kommen laſ  
 ſen/ So hab in doch Hilbertus Biſchoff Carnotenſis am todt  
 bett nicht vmb ſich leyden wöllen/ ſonder vor allem volck̄ haif  
 ſen hinauß geen/ dann es ſtünde ain groſſer Teüfel bey im/ der  
 dem volck̄ mit der handt zayget im nach zū volgen/ Vnnd als  
 Berengarius an der hayligenn drey künig tag (das iſt in feſto  
 Epiphanie) ſolt ſterben/ hat er geſprochen mit ſeuffzen/ heüt  
 am tag der erſcheinung (welches Griechiſch Epiphania heiſ  
 ſet) wirdt mir der Her̄ Jeſus Chriſtus erſcheinen/ aintweder  
 zur glori (wie ich hoſſe) von meiner büß wegen/ oder zur ſtraff

vnd peinc/ wie ich söcht vmb der anderen willen/ Desßhalben  
sich die geleerten auffß höchst hüten sollen/ kein ketzerey anzü-  
richten/ Dann zu besorgen ist/ ob sy schon für sich selbs wider-  
körn zu legt/ so müssen syedoch vmb ihres anhangs willen  
als visacher vil frembder sündnen/ harte rechenßchaft thun/  
Math. 18. wie Christus das vithayl über sye feller im Euangelio/ das  
sye die klaynen/ nicht ainen allain/ sonder vil Tausent/ schwer-  
lich ärgeren.

Franc<sup>e</sup> 40. ¶ Der wegen hielt man ain Concili zu Vercell/ Anno  
1051. zu der zeyt Leonis des neüntē/ Da het der Babst ainen  
Mönch Hildebrandus genant/ also lieb/ das er ihn zu ainem  
Cardinal creiret/ vnd ihm Sannt Paulus kirch befalche/ als  
ain mituerweser des Babsthübs/ on des Rath er sich nichts  
vnderfieng/ Der versacht erstlich die transsubstantiation wi-  
der Berengarium im Concilio.

Cocleus Das diser Frannck dem Hildebrando (welcher nachmals  
Babst wurde Grego. 7. genant) so gar feind ist/ vnd in so übel  
vnd offte leßtert vnd verleüget/ kan ich nicht wissen/ was er für  
haimlich vnd sonderliche visachen wider in hat/ Ich achte a-  
ber es thue ihm wee/ das der selbige Gregorius dise Berengari-  
sche ketzerey so hart angefochten/ vnd die püester ee so hefftig-  
lich verbotten vnd zerstört hat/ Nun ist wissenlich/ das bay-  
de stuck lanngst vor Gregorio/ biß von der Apostelen zeyt her/  
Vide i des  
cret. dist. 31. ¶ 31. verdambt waren/ aber durch ketzerey vnuß mißbrauch an et-  
lit 31. ¶ lichen orten eingeschlichen/ das wol vonn nöthen was/ dem  
31. Et de obersten Pastor/ einsehenn zu thun vnuß Reformieren/ War-  
cojscr. di. lich were Hildebrandus nicht ain from geleert vnuß hochuer-  
stinck. 2. stennidig/ geschickt vnuß aufrichtig man gewesen/ der from-  
Vide Pla. me Babst Leo der Cleünte/ hette ihn nicht so lieb gehabt/  
timā in Lc Wellicher so from/ Gotßfürchtig/ mildt vnd gütig gegen  
one 9. armen leweten gewesen/ das sein hofe den armen vnuß bil-  
gramen allezeyt offen stünde/ Vnuß als er ains mals ainem  
auffsezigigen vor der thür sahe/ hieß er ihn an sein bett legenn/  
Da nun zu morgens sein Thürknecht des armen pflegen wol-  
te/ fand er das bett ledig/ dardurch man vermercket/ das es  
Christus selbs gewesen were/ wellicher im Euangelio sprü-  
chet/



chet/was ih̄ dem wenigesten auß den meinen th̄t/ das habe  
ir mir gethon/ Der selbig Babst ist von Kayser Hainrich dem <sup>Mat. 15</sup>  
dritten gen Rom / auß bitt vnn̄d begeren der Römer/ so sy ais-  
nes frommen Babsts begerten/ als der fr̄miste Bischoff ge-  
schickt worden/ Derhalben sein lieb vnn̄d gezeügnus gegen  
Hildebrando/ bey Erbaren leroten billich mehr gelten soll dan̄  
zehen Tausent Francken/ die auß neyd vnn̄d haß ihn lesteren  
vnn̄d verlieden.

41. ¶ In disem Concilio disputirten die Barbarischen vñ <sup>Francē</sup>  
Aristotelischen Sophistē/ Pascasius/ Guimundus/ Vulfus/  
Hulfus/ Landfrancus.

Der feinde gezeügnus in allem rechten gilbt nicht/ Weyl <sup>Cocleus</sup>  
daß Franck den Concilijs feind vnd Berengario anhengisch  
ist/ soll sein lesteren bey verstendigen leroten nichts gelden/  
Man frage vnpartheüßche Historicos vnd beßehe ihre bücher/  
so befindet man/ das es fromme gelert vnn̄d Chriftliche mens-  
ner gewesen seind/ Aber den Ketzeren ist kainer schalckhait lies-  
gens vnn̄d triegens zu vil/ Sy haben Pascasium vor sechs o-  
der syben jaren gedruckt/ als solt er ih̄er mainung sein/ Haben  
dem frommen man sein buch jäm̄erlich gefelschet/ Vnn̄d zu  
Berengarius zeytten warde der fromme hochgelert Lann̄d/ <sup>Vide Vin</sup>  
francus/ der Erzbischoff zu Candelberg in Engelland erw̄ <sup>centiū in</sup>  
let was/ auch berüchriget durch ain Epistel/ so Berengarius <sup>histo. li. 15</sup>  
an ihn geschriben hette/ als solt ers mit ihm haltenn/ Desßhal- <sup>ca. 36. 37.</sup>  
ben er sich ihm selbigenn Concilio müßt öffentlich entschuld- <sup>Et Tho.</sup>  
gen/ hats auch in ainem Dialogo wider Berengarium bewei- <sup>Vvalden.</sup>  
set/ das nicht allain zaychen oder figur/ sonder auch die war- <sup>de Sacra.</sup>  
hait des leybs vnd blüts Christi im Sacrament sey/ Nun haß <sup>ca. 43</sup>  
set in Franck hie ain Barbarischen Sophisten/ so er doch ain  
Italus v̄s Papiā gepürtig/ erstlich welliche künste in Frack  
reich gelert hat/ darnach ain Münch worden/ so ains güeten  
lebens vnd namens/ das er ist auß Franckreich in Engelland  
berüßt zu oberstem Erzbischoffumb/ vnder vil anderen treffen-  
lichen tugenden auch weyßgesagt/ das Anselmus/ da zumal  
ain Abt/ solt nach ihm Erzbischoff werdenn/ wie dann ge-  
schehen ist.

Francz

42. ¶ Als er sich aber forchte oder villedicht verkört/verlies  
se er Berengarium/vñ purgirt sich vor dem Concilio/Als nun  
Berengarius nicht widerrißsen wolt/ward er mit Scoto vñ  
Fredenardo/als ain ketzer verdambt/Vñ daselbst erkläret in ge  
mainem Concilio mitt gemainer stym/ das Sacrament were  
der war leib Christi/vnd des Herin kelch das wesentliche blüt  
Christi/selbs stendig/vnder der gestalt des brots vnd weins.

Cocleus

O wie ain vnntz schalckhafftig vñ vnuerschämte maul  
ist diser Francz/wie diehet vnd krimbt sich der schlang mit al  
lerlay listen vñ liege/dē leser einzünemē vñ in dise alt verdäbte  
vñ jertz vnente ketzerey zū bringē/Vñ wie Symō der Griechisch  
verrieter Troie vermengt er falschs vñ wars durch ainander/  
die laien/welche nicht vil gelesen haben/zū betriegen/Darff hie  
sagenn/Hildebrandus/da zūmal Cardinal/Hab sich gesöcht/  
oder villedicht bekört vnd Berengarium verlassen/vnd bekent  
doch vor vñnd nach/das diser Hildebrand am heftigsten wi  
der Berengarium die transsubstantiation verfochten hab/Be  
kent auch/das Berengarius da als ain ketzer verdambt wor  
den ist/wie solt sich dann Hildebrand/sein widersacher/da vor  
im söchten oder zū im bekören? Got strafft aber disen bößhaf  
tigen backenbeisser so hart/dz er weder sihet noch merckt/wie  
oft er sich selbs lügen strafft vñ offentlich zū schanden macht.

1. Tim. 3

Francz

43. ¶ Das ander Concili ward zū Turon gehalten/die sich  
das Concilium zū Vercell nit wegen ließen/Dahin schickt der  
Pabst Victor/des namens der ander/gemelten Hildebrandū/  
Also ward auch Berengarij leer als ketzerisch/dem Teüfel ge  
ben/vnd die transsubstantiation declarirt/wie Thomas wals  
den im 44 capitel von Sacramenten sagt.

Cocleus

Warlich allegirt vñnd trifft hie Francz den rechten man  
Thoman Walden/welcher dises ketzers Berengarij vñnd des  
nater gezüchtes Johannis Wicleffs liegen vñ triegen gar mai  
sterlich vnd deülich an tag gibt/were hie zū langt alles zū er  
zelen/zayget an/wie Berengarij so oft mainaydig über dis  
sem handel worden ist/wie oft er abgeschworen vñ verflucht  
hat dise ketzerey/vnd doch widerumb gefallen/vnd die wort sei  
ner Reuocation vergaukelt/vnd anders außgelegt dan vor/  
biß

bis in 3 zu legt Hildebrandus (Gregorius) genant im sechsten  
 jar seines Bapstthumbs/ so weyßlich vnd fürsichtiglich in der  
 letzten Reuocation mit klaren worten verfasst/ daß er sy mit  
 kainerlay Logica oder Sophistrey mehr vergaukeln oder an-  
 ders deuten mocht/ Müst also sprechen/ Ich Berengarius <sup>Thomas</sup>  
 glaub im hertzen vnnnd bekenne mit dem mund/ das das brot <sup>Vual. ubi</sup>  
 vnd wein/ so man auff den altar leget/ durch gehaimnuß des <sup>supra de</sup>  
 hayligen gebets vnd durch die wort vnsers erlösers/ werde wes <sup>secunda re</sup>  
 sentlich verwandelt in das war vnd aygen vnd lebenmachen <sup>uocatione</sup>  
 de flaisch vnd blüt vnsers Herin Jesu Christi/ Vñ dz nach der <sup>Berengar.</sup>  
 Tyrmung sey der ware leyb Christi/ der geboin ist vñ der junc  
 frauen/ vnd für das hayl der welt geopffert am Creutz gehan  
 gen hat/ vnnnd sitzet zur gerechten des vatters/ vnnnd das ware  
 blüt vnsers Herin Jesu Christi/ welchs auß seiner seyten ge-  
 flossen ist/ nicht allain durch zaychen vnnnd krafft des Sacra-  
 ments/ sonder auch in eigenschafft der natur vnd in warhait  
 der substanz/ wie diser zettel inhelet vnd ich lise/ vñ jr versteet/  
 also glaub ich/ will auch wider disen glauben weyter nicht le-  
 ren/ So helff mir Gott vnd dise haylige Euangelia/ Wie wol  
 nun dise wort klar seind/ noch findet man yetz giffrige vnd toll  
 böne Poetische Theologos / die sich nichts daran köen/ vñ wis-  
 sen doch/ das dise Reuocatio geschehen ist vor vier hundert ja-  
 ren/ da man zelet Anno 1089.

44. ¶ Aber auch noch also mocht Berengarius nit abgwen <sup>Franc</sup>  
 det vnd von seinem kopff gebracht werden.

Es wol ain schon lob vnd seiner rhüm ist das/ wie gemai- <sup>Cocleus</sup>  
 niglich alle verstockte keger thün/ wider die schrifft/ Du solt <sup>Prou. 3</sup>  
 nit steuren auff aygne klügheit/ vnd wider Paulum/ das man <sup>Rom. 12</sup>  
 nicht soll wissen wollen mehr/ daß sich gebürt/ sonder man soll  
 zur messigkeit weiß seinn/ Die hoffart laßt aber die keger bey  
 kainer maß bleiben/ sonder steygt oben hinüber/ vnd will/ das  
 ain kopff mehr/ wisse dann zehen tausent andere/ Ja dann die  
 ganze kirch/ Aber Paulus stoßet sy all zu bodē/ mit disem klai-  
 nen spruch/ Die kirch ist ain saul vnd grundfeste der warhait. <sup>1 Tim. 3</sup>

45. ¶ Derhalben ward das drit Concili zu Rom angestelt <sup>Franc</sup>  
 let/ vnd Nicolao 2. Anno 1058. da ward Berengarius berufft

vnd berebt/ als etlich mainen/ übert Hobert/ das er mit vnwillen on alles hertz/ sein mainung wider: rufft/ oder als Bullingerus saget/ er hab ain genöthigte reuocation/ allain auß ainem zedel herab gelesen/ die Hubertus ain Cardinal gestellet hatt/ wie Landfrancus bey Groidesfort leret.

Cocleus

Rom. 10.

vide Cy  
prianū de  
Lapsis et  
Tertull.

Das ist auch ain recht ketzler lob/ Aber die waren Christen sollen frey vnd bestendigklich heraus sagen/ vnnnd nit anders mit dem mund bekennen dann sy im hertzen halten vnd gelau ben/ wie Paulus spricht zū Römern/ Im hertze glaubt man zur gerechtigkeit/ Mit dem mund aber geschicht bekantnuß zūm hyl. Derhalben müsten die alten Christen/ in zeit der veruolgtig/ gar harte büß thun/ welche außwendig den glauben Christi nit bekennen dorsten/ auß forcht der pein/ ob die an der marter übergeweltigt/ Christum mit dem mund verleugneten/ an den sy doch im hertzen festigklich glaubten/ Aber vnser wortkempffer seind allain ernstlich im maul/ wa sy sicher seind bey den iren. Bey dem kayser aber vnd bey anderen Christenlichen Fürsten vnd herschafften/ dören sy iren glauben nicht hülten/ Es sey dann das ihnen frey sicher gelayt zū vnd abzūziehen sey zugesagt/ oder auch versygelt vnd verborget/ wie man zū Wormbs/ Speyr/ Augspurg vnd Regenspurg auf Reichs tagen wol erfahren hat/ vnd noch täglich hört vnnnd sieht/ das sy ire giffte in Francreich/ Hispania/ Welisch land ic. nit dörsen offentlich bekennen/ sonder allain in winckelen schleichen/ auff ain leugnen/ wa es außbreche/ Vnd nicht so vil hertzen haben/ das sy Lutherum oder Zwinglium nennen dösten/ Dz mir in disem fall vil besser gefallen (wie wol mir alle Secten nicht gefallē) die arme ainseeltige widertauffer/ die frey bekennen ihu hertz vnnnd sich darob tödten lassenn/ dann die Zwinglische vnnnd Lutherische wortkempffer/ die allain im maul Euangelisch seind/ vnnnd doch nicht vor yederman/ sonder allain auff ire mist/ oder im gelayt bey frembden/ im werck aber vnnnd in der that seind sy löse heuchler vnnnd eytle winndt rou. Das freylich jr hertz allenthalben wancket vnnnd auff kainem glauben fest bestehet/ weyl sy nicht so vil blüts/ will geschweygen souil gaysts haben/ das sy vor yederman ihres glaubens bekant

bekant weren. Also hat auch Berengarius/ als lang er ain ke-  
 ger was/ gethon/ Auff seinē mist/ wie ain böser hund/ was er  
 fraydig/ schmebet den fromen hailigen Babst Leonem 9. hieß *Vide Tho*  
 in Pompificē vñ Pulpificem/ Da nun ain ander Cöcilium zū *Vualden.*  
 Turon vnder dem Babst Dicto: 2. durch Hildebrandum/ als *ubi supra.*  
 Bābstlichen legaten/ gehalten ward/ vnd im platz gegebē/ sein *Ex Land*  
 mainung zū verdingen/ hat ers nit dōffen annemē/ sonder *franco et*  
 gsagt offentlich/ er bleybe bey gmainē glauben der kirche/ hats *Guimūdo*  
 auch geschworē/ Darnach im Concilio zū Rom vnder Nicolao  
 2. hat er in ansicht des babsts vñ ganzen Cöclij seine bücher  
 mit aygner hande ins ferw geworffen/ den irthumb verflucht/  
 sein vorige bekantnuß/ die er zū Turon (dann zū Vercell/ ist er  
 nit persönlich erscheinē) gethon hette/ vernewet/ dazū mit ayd  
 vnd auffgereehten fingern betrefteigt/ Noch halffs nit/ biß in  
 zū lezt Grego. > recht verknipffet/ Ich sag aber/ das er zār sel-  
 ben zeyt/ ist dem verriether Juda änlicher gweßt dan ainm Chri-  
 sten/ ja ärger dan Judas/ Vñ sach/ Judas verkaufft den Herē  
 nur ain mal/ vnd bekennet bald sein sünd/ Aber Berengarius  
 fiel ab vñ zū/ bekennet/ so offte mans begeret/ sein sünd vñ yrr-  
 thumb/ noch wolte er da vñ nit absteen/ biß er gar nitt weytter  
 mocht/ Were im aber über seiner mainung ernst gewest/ wie  
 ainm Christen über dem glauben sein soll/ solt er sich in kainen  
 weg überthobern nöttigē oder überreden habē lassen/ die war-  
 hait (hetters ernstlich für die warhait im hertze gehalten) selbs  
 zū widerrißfen/ verfluchen vnd verbrennen.

46. ¶ Nun dise Reuocation ist in das gaysslich rechte gese *Franc*  
 tzet/ De cōsecra. dist. 1. ca. Ego Bereng. Als bald er nun wider haim  
 kam/ sezet er sich nider/ schreibt ain Apologi/ darin er sein reuo-  
 cation oder widerrißf widerrißfet/ vñ bestendiger auff seinem  
 kopff saß/ sein mainung zū verfechten/ dann vor ye.

Gehört aber solchs ainem Christen oder redlichen man zū/ *Coclem*  
 oder steets im wol an/ wie mochten aber damit bestē seine an-  
 henger/ welche sich schembten/ der massen zwischen nayn vnd  
 ja zū wancken/ hette sye Gott nicht verblendet/ durch abzie-  
 hūg des liechts seiner gnadē/ hetten sy warlich bald gdacht/ dā  
 sein mainūg wider Christū vñ Paulū were/ welche vns leren/

Mat. 5. das vnser red sein soll/ Ja ja/ Nain nain/ das wir nicht sollen  
 1. Cor. 1 auß ainem mund kalt vnd warm blasen/ oder auß ainem biß  
 Iaco. 3 nen süß vnd bitter wasser schöpfenn/ Dann solche seind lawe  
 Apoc. 3 Chriſten/ weder kalt noch warm/ welchs Gottes son will in sei  
 nem mund nicht haben/ sonder außspeyen vnd hinwerffen.

Franc<sup>t</sup> 47. ¶ Aber Hildebrandus füret vnder Babst Nicolao ain  
 zeyt lanng krieg wider die Normannos in Apulia/ Nach ent  
 schafft dises/ wider Cadolum für Alexandro/ den er zu ainem  
 Babst gefürdert hette vnd haben wolt.

Cocleus Da die Normanner S. Peters Patrimonium angriffen/  
 was der Babst schuldig/ nach außweysung bayder rechten/  
 Vide Blö das selbig zu vertädigen/ dann solche güter nicht sein/ sonder  
 diu decade S. Peters vnd der Römischen kirchen warē/ die im zu dispens  
 2. li. 3. Et firen/ nicht zu vergeben/ besolhen waren/ So was auch Hilde  
 Platin, in brandus/ als ain Cardinal/ schuldig dem Babst zugehören/  
 Nicolao 2 vnd als ain glied der Römischen kirchen bey zu steen/ Aber vns  
 ere newe Secten köiens alles vmb/ nemens was nicht jr ist/  
 vnd geben nicht was sy schuldig seind/ bey welchen das kelch  
 schmelzen/ ablaß/ vnd kirchen güter besizen ain eer/ Mönch  
 vnd pfaffen verlagen ain rhüm vnd ritterliche that ist.

Franc<sup>t</sup> 48. ¶ Zu diser zeit rhümet die sache etwan lang vō Sacra  
 ment/ biß Hildebrandus selbs hindert Babsthumb kam/ vnd  
 Gregorius 7. genant was/ Der vordert das viert Concili der  
 handlung vnd ketzerey Berengarij halb zu Rom/ Darinn ver  
 dammet er zu leze Berengarium als ain verzweifelten ketzer/  
 vnd diffiniert die transsubstantiation.

Cocleus Franc<sup>t</sup> ist Hildebrando nyergent güt/ leget im alles zum  
 ärgsten auß/ vnd beschwert des verstorbenen namen meß/ daß  
 er mit hundert gifftigen lügen in seiner Chronica/ Es hat aber  
 diser herrlicher babst so vil güter gezeigēnus allenthalben in  
 Historijs vnd Hayliger leweschufften/ das im Franc<sup>t</sup> vnd alle  
 Vide Gra Babstschender nichts schaden mögen/ sonder mit lügen vnd  
 tianum de widerrwertigem schreyben sich selbs offentlich zu schandē ma  
 Consecr. chen/ wie darff aber Franc<sup>t</sup> sagen/ das die sache vō Sacrament  
 dist. 1. ca. etwan lanng verhümet hab/ so er wol waißt/ das Nicolaus 2.  
 Ego Berengarius. des Berengarij Reuocation/ allenthalben außschicket vñnd  
 verthün

verkündigen ließ/ vnd niemants offentlich darwider was/ daß  
das Berengarius im winckel kröschget vnd sein Reuocation *Tha. m. d.*  
anders deücten wolt dann sy lauttert/ Es thut auch *den. de. 5. 4.*  
hie vnrecht dem Berengario/ da er sagt/ dz er zu letzt verdammt  
met sey worden als ain verzweyfelter ketzer/ so er doch in *Tho. Vinc. li.*  
Walden die letzten Reuocation Berengarij/ die er dem babst *25. ca. 30.*  
Grego. gethon hat/ wol gelesen hat/ Vnd vil Historici schrey *Anto. tit.*  
ben/ das Berengarius hernachmals from vnd büßwertig ge  
wesen ist/ biß in tod. *16. ca. 1. 5.*

49. ¶ Darvor gebot er allen Cardinalen ain fasten/ das in *Franc*  
Gott wolt eröffnen/ welcher recht hette oder baß daran wer/  
Sy oder Berengarius/ in der handlūg des Sacraments halb.

Das ist warlich ain stinckend vnd giftige lug/ damit sich *Cocleus*  
Franc auch waidenlich in die backen selbs beisset/ Dann er zu  
vor vnd hernach allenthalben selbs darwider ist/ vnd bekennet/  
Hilbrandus hab den Berengarium auffo hefftigest/ als Car  
dinal vnd Babst/ angesochten/ vnnnd die transsubstantiation  
Hersür bracht/ hat er aber gebotten zu fasten/ das ich nyrgent  
finde/ ist es warlich nicht auß solchẽ zweyfel geschehen/ weyl  
er selbs so oft in Concilijs zu Verzell/ zu Turon/ zu Rom ic.  
persönlich dabey gewesen/ vnd des Berengarij reuociren vnd  
abschweren wol wüßte/ sonder dem armen sūnder zu güte/ das  
in Got in bestendigem gelauben erleuchten vnnnd bestebigen  
wolt/ wie dan darnach beschē ist/ als vil Historici anzeygen.

50. ¶ Welches im von vilen übel außgelegt wirdt/ dann *Franc*  
ist er seiner sach gewiß gewesen/ was sezt er sie erst in ain zweis  
fel/ vnd will darob fasten/ das in Gott die warhait anzeyget  
Damit er sich verthadt/ dz er seiner sach nit gewiß ist gewesen.

Es ist mir warlich verdroffen/ dem losen vnd lügenhafftigen *Cocleus*  
gen wescher so vil lügen geschweiz zu widerlegen/ weyl offen  
bar ist/ vnd er selbs bekennet/ wie starck diser Babst all zeyt die  
wandlung des brotts vnnnd weins wider Berengarium ver  
sochten hatt.

51. ¶ Darumb in nachmals das Mentzisch Cöcil ain iuris *Franc*  
ger Berengarij nent/ das er die warhait in ain frag oder zwey  
fel steller.

Welches Mentzisch Concilium hat dz gethon? Der Teuf  
 lisch lugner sezet vorn die vier Concilia/so wider Berengari  
 um gehalten seind/vnd leüget daselbst auch von disem fasten/  
 sezet auch noch ain andere lügen hinzü/Nemlich/das Beren  
 garius einndelich auff seiner maynung beharret/vnnd in des  
 Babsts bann gestorben sey/Aber des Mentzischen Concilij ge  
 denckt er daselbst nicht mit ainem wörtlin/Sezt wol ain Co  
 cilium zü Wormbs/wider Gregoriū septimū/von Kayser Hein  
 rich. 4.versamlet/Es steet aber dise lug/das Grego. > sey ain  
 discipel Berengarij gescholten worden/nicht darbey/wie wol  
 er aber basz hinfür/da er die Bábst nach ainander beschreibt/  
 ain groß lang blat vol lügen wider disen Babst schreibt/ mit  
 gezeignuß aines flüchtigen Cardinals vnd 19. Teütscher Bi  
 schoffen/die dem Kayser zugefallen in absertzen vnd Gibertum  
 für ainen babst auff warffen/nit zü Mentz/sond zü Wormbs/  
 so geschweigt er doch diser lügen/das Grego. > sey bezichtig  
 von ainichē Concilio als ain discipel Berengarij. Mir ist war  
 lich mein lebenlang kein boßhafter Calumniator: vnnd lü  
 genhafterer Scibent zü handt kommen dann diser. Frantc/  
 Es lese sein büch wer da wöll/Es steckt vol lügen/ärgernuß/  
 ketzerey/vnd allerlay gift/auch nicht wenig zü auffrühr dies  
 net vnd rayzet.

Frantc 52. ¶ Nun von disem Grego.> habē wir die transsubstan  
 tiation/oder verwandlung des brots in den laib Christi/ Der  
 Cockw warlich bey den bábstē kein güten namē hat/ Liss kein histor.  
 Fol. 197. Wer sein Histori list/die Frantc vorn/auff er, tel lügen/vñ  
 Blö. deca. ertichten lasteren/die im von seinen feinden vñ anlageren  
 1. li. 3. Sa. seind auffgelaget/zhsamē gesickt/vnd mit hässigen stichen vñ  
 bell. Enne beysetzen gespielt hat/der findet warlich/ nichts güts von im/  
 ade 9 li. 3 Wer aber Platinum/Blondum/Sabellicum/Vincetium/  
 Vincē. li. Antoninum/Sigibertum/Walhen/vñd Frantzosen/Item  
 35. c. 44. Ottonem Frisingen/Lambertum Hirsfeldensem/Albertum  
 Ansd. li. Kranz/Johannem Nauclerum &c. Teütsche geschichte schrey  
 16. c. 1. §. ber liset/ der befindet warlich vil anders/Nemlich/ das diser  
 31. Oct. li. Babst/vnder allen Bischoffen vnd Bábsten(wie Otto sagt)  
 6. ca. 14. des fürnemsten essers vnd ansehens gweest/Der als ain gü  
 ter



ter hirt/ain form gewesen der schafe/ was er mit Worten gele-  
ret/das hat er mit Wercken angezeigt vnnnd beweist/Vnnnd in  
widerwertigkeiten/ ist kainer herzenhafter vnnnd grössers  
gemüts gewesen/ain grosser beschützer der armen/der Wittwen  
vnnnd wayßen/ain strenger Reformatier der Geystlichen/ain  
vnerschöckener sündstraffer/ gegen Königen vnnnd Kayse-  
ren/ Der auch den Geyst der Prophecey gehabt/ Vnnnd die Sy-  
money heftiglich verfolget hatt/das er ainem/der nicht da-  
rinn bekennen wolt/wie wol er schuldig vnnnd sträflich ware/  
hieß aussprechen disen vers/ Gloria patri et filio et spiritui  
sancto/ Welches der selbig gethon hatt biß auffs Spiritui  
sancto/Den hatt er nicht nennen mögen/weyl er mit Symo-  
ney wider ihn gesündiget hette/ Das aber Frantz saget/die  
Transsubstantiation oder wandlung haben wir vonn disem  
babst/dz leüget er als ain müttwilliger Kirchenschender/Daß  
die Kirch hats von Christo/nicht von Gregorio septimo/Vnd  
hat wol Tausent Jar vor Gregorio septimo solche wandlung  
geglaubt vnnnd gehalten/wie oben gesagt/ vnnnd Roffensis  
nach leng beweist.

Roff. con-  
tra Occo.  
in plogo.  
li. 4.

53. ¶ Da nun yederman dem Babst zu dienen/die jeder  
vonn diser neuen Transsubstantiation zu schreybenn/Gerad  
wie man yetz die Welde mit den Sacrament büchlin erfül-  
let hatt/ vnnnd noch kaum yemant wayßt/ oder inn seinem  
herzen vngewißt ist/wer es troffenn hatt/auch die Leerer  
selbs nicht.

Frantz

Nicht dem Babst/sonder der warhait/ die Christus selbs  
ist/zü dienen/haben zur selbigen zeyt wider Berengarium/vñ  
yetz zu vnseren zeytten wider Lutherū/ Zwinglium vnnnd alle  
Sacramentschennder geschreybenn vil fromme redliche lewt/  
die vom Babst nichts darvon begerten/ oder gewartetenn/  
Wie zu vnseren zeytten wissenlich ist vonn dem frommen  
Gottseligen man Bischoff Johann zu Roffen/der wider  
Oecolampadium fünff lange Bücher geschriben hatt/war-  
lich vmb Chaines zeytelichenn güts oder eßz willen/ sonnder  
läuterlich der warhait zu dienst/nyemant auff erden zu laid/

Cocleus

auch niemant lieb zu kosen/ sond die alt bekantnuß der kirche  
 vnd ungezweyfelt glauben aller hayligen vnd Conclien/ ge  
 mainer Chriſtenhait zu güt vnd notwendiger vnderrihtung  
 wider die vermerkten ketzerey/ anzüßigen/ vnnnd mit so vil ge  
 zeüget/ müssen der schrifft vnd aller haylige vätter zu erweyßen/  
 Welche warlich nicht ein ringe arbeit gewest/ vnnnd mit kai  
 Mat. 24. nem zeyelichen güet oder eh/ genüßsamlich zu vergeltenn ist/  
 Er 15. Er waiße aber/ wer ihm solchen wücher vnnnd genüß bezalen  
 1. Tim. 4. soll/ Nemlich Gott der Herr/ de auch Paulus an güeten streit  
 gestritten hat/ vnd waiße gewißlich/ das er im die Cron der ge  
 rechtheit darfür bezalen wirt/ wie auch die ewige weyßheit  
 Eccle. 24 verhaüßet/ das/ wer sy erkläret/ der solt das ewig leben haben/  
 Daniel. 12 Vnnnd welche zur gerechtigkeit vil vnderweyßen/ die werden  
 sein gleich wie sternē in ewiger glori. Das aber Francß spricht/  
 die transsubstantiation ware zur selbigenn zeyt new/ lasse ich  
 zu/ als vil das wort belangt/ aber die wandlung an jr selbs/ woz  
 gar nicht new/ sonder mehr/ dan tausent jar alt/ auß dem wort  
 Christi/ Das ist mein leib ic. Das er auch sagt/ nyemant sey ver  
 gewist/ wer es troffen hab/ das gft ee ich im auch nicht/ als vil  
 vns Chriſten betrifft/ Dann wir nicht auß natürlicher kunnst  
 oder Philosophie/ sonder auß ungezweyfeltē glauben der kir  
 chen/ vnd auß vnbetrieglichen Worten Christi/ außgenzlich wiß  
 sen/ das wir die rechten warhait hierinn treffen vnnnd haben/  
 vnd wolten vns darober erwürgen lassen/ Aber bey den neuen  
 1. Tim. 3 schwürmern/ welche die saulen vñ grundfest der warhait ver  
 lassen/ ist es billich alles zweiflich/ nach irem verdiensten lohn/  
 1. Tim. 3 das sy sollen ymerdar grubeln vnd lernen/ vnd doch zu gewis  
 Luth. con ser wißensschafft der warhait (wie Paulus spricht) nymmer  
 tr. Zwin. mehr/ kommen/ wie Luther vnd Francß selbs bekennen/ das in  
 li. 1. kurzer zeyt mehr/ dann zehen Sect darauß erwachsen seind.  
 Francß 54. ¶ Also schrib zu diser zeyt Landfrancus/ Guimadus/  
 Pascalius/ Ino Carnotensis/ Item Anno 1100. Hugo de S.  
 Victorie/ also hat die veruandlung iren vrsprung.  
 Cocleia Das gestee ich nicht/ vnd will hiedem Franccken das verlo  
 gen maul gleich so wol züstoppen mit ainem kurgenn spruch  
 S. Ambrosij/ als ichs dem Luther zu Wormbs inn seiner her  
 berg

berg in beywesen viler seines anhangs züstoppet/ vnd muß es  
 an diser offenbaren lug noch zühaltenn/ eruz das er darwider  
 hüsste/er vnd all sein anhangt/ Dann also spricht S. Ambrosi- Ambr. de  
myst: ini  
ci. ca. 9  
 us/ mit klaren wo:renn/ im büchlin/ De Mysterijs initiandis/  
 Villeticht sprichst du/ ich sihe ain anders/ wie sagst du mir/ das  
 ich den leib Christi empfahe? Das müssen wir noch beweysen/  
 wie vil Exempeln gebrauchenn wir/ auff das wir beweysen/  
 das nicht da sey welchs die natur formiert/ sonder welchs die  
 benedeyung gehayliget hat/ vnd das grössere krafft ist der be-  
 nedeyung dann der natur. Et infra. Nach vil erzelten exem-  
 peln auß der schrift/ so durch Moyses wort/ die rhütt Aaron  
 in ain schlang/ das wasser in blüt verwardlet ist/ spricht S.  
 Ambrosius/ So dan menschliche benedeyung so vil vermocht/  
 te/ das sy die natur verwardlet/ was sagen wir von der Götli-  
 chen consecrirung/ da vnser Herin Seligmachers wort wür-  
 cken? Dann diß Sacramennt/ welches du empfahest/ wirdet  
 durch Christi red gemacht/ So dann die red helie so vil ver-  
 mocht/ das sy ferw vonn hymel herab thet/ solt die red Christi  
 nicht vermögen/ das sy wandle die species der elementen? Von  
 wercken der gangen welt hast du gelesen/ das er gesagt hat vñ  
 sy seind gemacht/ das er gebotten hat vnd sy seind geschaffen/  
 So dann die red Christi hatt auß nichts mögen machen was  
 nicht ware/ solt sy nicht mögen verwardlen die ding so seind/  
 in ain anders das sy nicht waren? Dann es nicht weniger ist/  
 nure natur geben/ dann natur verwardlen. Desß gleichen be- 112 Amb.  
li. 4. ca. 4  
et s. de sa-  
cra.  
 weist er auch im vierdten büchlin von Sacramenten/ mit vil  
 schönen argumenten auß der schrift/ welches hieher zñ lang  
 were/ Nun ist ye künde vñnd offenbar bey menigklich/ das S.  
 Ambro. nit 300. oder 400. jar alt ist/ wie Luther vnd Franck  
 von der wandlung im Sacrament sagen wollen/ sonder älter  
 dann tausent vñnd hundert jar/ Darumb kan jr luge nicht be-  
 steen/ wans schon der Babst oder der kayszer redet/ Sy müssen  
 daran erstunnen/ solcen sy den bauch darumb zerreyssen/ dan sy  
 hie kein außflucht haben mögen.

55. ¶ Daruo: glaubet man ainseitig schlecht vnd gerecht/ Franck  
 man esse den leib Christi im nachtemal/ fraget nyemant/ wie  
 S iiij

das brot sein natur vmb wesen verlör/wie es ain gestalt/ vñ  
in den leyb Christi wesentlich vnd leyplich versetzt/ verwann-  
delte vnd transsubstantiert würde.

Cockem

Sie will Franck abermals die kezer übertragen/vñ der kir-  
chen den doin in süß stecken/Gleych als habe die kirch/ vñnd  
nit die kezer solchē hader vñ Sacrament angericht/ Wer hat  
Lutherum die wandlung vñnd das Messopffer haissen ver-  
leüchnen? Wer hat Carlstat vñnd Zwinglium sambt iren roe-  
ten eytel brot vñnd wein auß dem Sacrament leren machen?  
Die verfluchten bößen heßen den hader/darauff alles vnglück  
entsteet /an/ vñd so wir vns weren vñ die kirch vertadingen/  
wollen sy alle schulde auff vnns legen/ wie yetz Luther/ nach  
dē er vñ sein hauff innerhalb zwaijen jaren vil bücher vñd klag  
wider den Reichstag zu Augspurg haben gschriben/vñnd den  
Keyser sambt allen Christenlichen Fürstenn vñnd Stenden  
heftigklich vor allem volck als Tyrannen/ die das Euangelij  
um verdrucken vñnd veruolgen/ mit vil giftigen lügen ges-  
chendet/ dißwet er noch grösser vnglück/wa wir nicht auff  
hören zu schreyben/vñnd will kurz vmb/ man soll ihm recht/  
vñnd der ganzen kirchen vnrecht lassen. Ich will zwar geren  
schweigen/ aber wie michs ansihet/ so hatt Luther schon ain  
newe auffreßur vorhanden/ wir schreyben oder schweygen/ so  
werden doch seine vnthürwige annhänger (die sich täglich so  
starck zum krieg rüsten) nicht rthüwen/ biß sy vñder dem für-  
zug des Euangelij/alle gütter der gaystlichen zu sich bringen/  
oder wie die Bawin/dorob zu scheitern geen/Gott helffe der  
gerechtigkait vñnd warhait/die gwislich bey der kirchen vñnd  
nicht bey den kezern ist/wann sy schon all eysene oder stähe-  
len weren/dannoch werden sy am self der kirchen müssen en-  
lich zerquetscht/zerstossen vñnd zerschmettert werden/wie vor  
jnen den groß gewaltigen Arrianern/vñnd allen andern kezern  
auch geschehen ist/das ist so gewiß als Amen.

Luth. vor  
red auff  
Balthas.  
Raidanei  
Buchlin  
anno 1533

1. Tim. 3  
Math. 16

Franck.

56. ¶ Anno Tausent ain hundert vñ fünfzig samlet Gra-  
tianus der münch S. Proculi dz erbetelt bettelwerck/ ich mat-  
ne das gaystlich recht/das bald Eugenius 3 approbirt vñnd  
nicht vnbillich bestedtigt.

Gratia

Gratianus mit seinem buch wurdet vor dem ~~franciscan~~ vnd  
seins gleichen wol bleiben/vil lenger dann ~~frannet~~ mit seiner  
Chronica(welche er auß lautter bosshaite so lesterlich mit so vil  
lugen vnnnd ketzereyen besudelt/vnnnd in ain groß buch aufge  
brayt hat/vnd flux im ersten jar darob zu schanden worden/dz  
man es offentlich verbotten hat sayl zu habē/ Aber das decret  
buch Gratiani ist lenger dann vier hundert jar bestanden/ vñ  
ist noch nye verbotten worden/ ~~franc~~ kan es auch nicht ver  
bieten/Dann es wurdet in vnd alle andre ketzere wol außharren/  
wie biß her.

57. ¶ Zu diser zeyt schreibe auch sententias Petrus Lon<sup>Franc</sup>  
gobardus/bayde so vngelert/so gelert sy Sophistischer kunst  
waren/Vnd wie dann geschicht/ ye vngelertter/ ye freueler/ ye  
vermeßner.

Franc<sup>Cocleus</sup> wurdet noch lang des gewalts vnd ansehens nicht  
werden/ mit disem lester vnd lugenbuch/das er disen zwayen  
Lereren/an ihem gerlich schaden möge/ Sein lesteren ist ihē  
lob/Ob sy schon yrgent/ als menschen/ gefelet haben/ so ist es  
ihenn doch leichlicher zūergeben/ dann dem ~~franncken~~/  
wellicher mittz willen vnnnd fürsatz felschet/ leüget/ treüget  
vnnnd lestert.

59. ¶ Also dise/das wissen die/die jr schrifft vnd spruch ge<sup>Franc</sup>  
gen den alten halten/mit was vnwissenhait sy der vätter spri  
che anziehen allenthalb/etlichs auß der mitte herauß zwackte/  
vnnnd kain auffmerckung gehabt/ weder was vor noch nach  
stehet/ Auch kainer red ihē art gelassenn/ die Vätter vnrecht  
verstandenn/ ihnen zūgelegt/gerad wie sye auch der Schrifft  
gethon habenn/was ihnen nun hatt geliebt/ vnnnd sy erdacht  
habenn.

Es ist on noth/auff diß lesteren zu antworten/ die bücher<sup>Cocleus</sup>  
seind vor augē/die vätter vnd alten Cöcilia/die sy anziehen vñ  
einführen/ seind nicht alle vorhanden/ sonnder ain güt thayl  
verloren oder in die finstern versteckt/ Jedoch ist das mayste  
thayl noch vorhanden/ wer da will / der halte sye gegenn  
ainander/so wurdet er warlich befinden/ das vnder hun  
derten ihrer sprüchenn nicht ainer dise laster vnnnd fele hatt/

die Franck hie fůrgibt/ Sy seind aber auch menschen geweest/  
vnd haben in so vil tausent sprůchen vnd decreten wol zů zeyt  
Virgil. in ten ainen sele ibersehen mōgen/ wie Virgilius spricht/ Nicht  
Buccol. alle ding vermōgen wir all/ Vndd Horatius/ Es schleffert zů  
Horat. in zeytten der gůtt Homerus/ Solchs ist wol zůuerzeyhen/ Aber  
arte Poe. auß fůrsatz felschen liegen vnd verkōren (wie Franck iber zeh  
hen tausent mal in seiner Chronica gethon hat) dz ist ain sůnd  
Math. 12 in hayligen gayst/ weder hie noch dort zůuerzeyhen.

Franck. 59. ¶ Vil Ambrosio/ Augustino ic. zů geschriben/ die we  
der art/ dispositiō/ krafft/ vñt ayl noch gotseligkeit diser habē.

Cocleus Dis haben die fromme erbare lewte nicht gethon/ sonder  
lich mit willen auß fůrsatz/ dann der Magister Bischoff zů  
Pariß/ vnd Gratianus ain Gott ergebener Mānch zů Bonon  
mia gewesen ist/ Seind sy aber yrgennt durch falsche Titel der  
geschribnen bůcher (wie man noch wol findet) betrogen wor  
den/ das ist nicht wunder/ es gschicht noch táglich/ Wie aber  
bey vñnsern zeytten/ Luther/ Ecolampadius/ Zwinglius ic.  
die lieben vātter gefelscht/ vnd mit den haren auff ire ketzerey  
en gezogen vnd genōtget haben/ das hat Roffensis/ Vieni  
sis/ Elichcouens/ Docto: Eck ic. wol angezaygt vnd iberwey  
set/ Vnd ich/ als der geringste/ den Luther in disem laster/ der  
Luth. con massen erhascht vnd ergriffen hab/ da er auff S. Hieronymū  
tra Lato. lesterlich leūget/ das er solt das wort Homousion (welches die  
mum. kirch wider die Arrianer angenommē hat/ verworffen haben/  
als stecke giffet in des selbigen syllaben vnd bůchstaben/ das Lu  
ther dise mackel nymmer mehr soll abwaschen/ wie wol ich ihn  
vnd seinen Philippum sonst auch offte vnd dick in disem laster  
gespůrt vnd ergriffen hab/ welchs hie zů erselen zů lang were/  
Gratianus vnd Petrus haben gemainiglich das ort vnd stell  
ir: es allegieren anzaygt/ Aber vñnsere ketter nennen allain den  
Auctorem/ als Ambrosium/ Augustinum ic. das ort aber vnd  
stell zaygen sy nicht an/ das sy besorgenn/ man befinde sye bald  
auff der lügen.

Franck. 60. ¶ Jedoch seind sy die/ auff welche sich stewarten alle die  
in vier hundert jarn geschriben haben/ darumb das den decre  
ten widersprechen/ tōdtlich was.

316



Sie stopffte ihm Frannck selbs das lestermaul/ Dann so in vier hundert iarn alle Scribenten sich auff dise zwoen manne Coclem. strewen/ volget/ das sy der warhait gedienet/ aber die Schrifft vnd hayligen vätter nicht gefelscht haben/ wie ihnen Frannck zümisset/ Es were sonst die kirch in vier hundert iarn on warhait gewesen/ welches vnmüglich ist/ dann Christus/ die warhait selbs/ müste liegen/ welcher zugesagt hat bey der kirchen Math. 18. zu bleiben/ bis ans end der welt/ vnd jr zu senden den gaist der Iohā. 14.6 warhait/ der ewiglich bey jr bleiben soll/ Derhalbē auch Paulus sy haisset ain saul vnd grundfesten der warhait. 1. Tim. 3

61. ¶ Nun rhümen wir vnns langer zeyt/ der alten vätter Frannck der kirchē Synodos oder versamlung/ so dise sache alle der Teüfel/ weil die hirtten vnnnd alle leret schlüssen/ kaum an vier oder fünff mannen hangend herkommen ist.

Dise Gottflestierung kan bey vergemelten worten Christi Coclem vnd Pauli nicht steen/ dann nicht der Teüfel/ sonder Christus vnd der haylig gaist die kirchen regirn/ der massen/ das weder Teüfel noch pfortenn. der Helle/ die Ketzer/ sye übergewältig Math. 16. gen sollenn.

62. ¶ Nämlich von Grego. Abrian. Carolo/ Hildebrando/ Frannck Gratiano/ vnd Longobardo.

Der ellends Backenbeysser lobet anderswa die ersten drey Coclem hoch/ die müssen sy des Teüfels leer jünger sein/ vnnnd verführer des volckes vnd der Bischoffen/ Er hat Carolum oben übel gelestert/ als hab er die Teütschen vom waren Christen gelauben gebracht/ vnd mit krieg bezwungen vnd genöthiget zu falschem Bapstgelanden/ vnnnd leüget hierinn wider sich selbs/ Dann in der kayser Chronica schreibt er/ das Carolus das ab Fol. 168 göttlich fast streybare volck die Sachsen/ mitt mechtigem heer also überzogen/ vñ so hart bekriegeret hab/ das sye sich vnd alles das jr/ zu leze in den gewalt Caroli ergeben/ vnd jr alt siten vnd falsche götter hinlegten/ vnd Christlichen gelauben/ auß not Caroli verheßen müssen/ Also thut er auch dem Gie Fol. 184 goro magno/ kramet vorn/ vnd kramet hinten/ schreibt vorn/ er hab also gelebt/ das weder vor noch nach/ sein gleich nicht gelebt hat/ Er habe abgesagt aller eh/ lust/ reichthumb/ vnnnd

gewalt/Aber hinden schendet er ihn auff aller grüßlicheſt an vil ort/ Es iſt aber dem Hildebrando (dem er ſo bitterlich vor allen feind iſt) nicht ain gerings lob eh: vnderhün/ das er den groſſen hochberhümpten lewten Gregorio magno vnd Carolo magno hie zügezelet wirt vonn ſeinem feind/ Deßgeleichen iſts auch ehlich den andern dreyen/ Adriano 1. Gratiano vnd Longobardo/ Vnd gott ſchickte es offtmals/ das diſes Backen beiffers ſchenden vnd leſtern/ fromen lewten zu eh:/ vnd im zu höchſter ſchäd raicht/ dz er ſich ſelbs öffentlich lugēſtrafft vñ züſchanden macht/ wie es Paulus vñ Ierern hat weyßgeſagt.

1. Tim. 3

Tit. 3

Franc

63. ¶ Das vngelert chorecht überwunden volck/ vnnnd des volcks gleichen Biſchoff/ wiche nur diſen Doctribus/ hiele ſy ſchier für götter.

Cocleus

Psalm. 81.

Ioh. 10

Rom. 8.

Exod. 10

Deut. 6

Eſa. 42

Boetii. de

cōſol. Phi

10. li. 3

1. Ioh. 3. 4

1. Cor. 6

Rom. 13.

1. Reg. 15

Wir halten ſy für götter/ wie die ſchriſte thut/ mit ſchier für götter (wie Franc ſagt) ſonder für rechte götter/ nicht in irer aygnē natur/ ſonder auß gnad vnd gemainſchafft des ainigen waren Gottes in ſeiner natur/ den wir allain anbetten/ ehren vnd im dienen/ als den ſchöpffer hymels vnd erdreichs vnd alles des was darinn iſt/ diſe eh: gebē wir kainem andern/ Aber die lieben Hayligen haiffet die ſchafft götter participatio/ wie/ wie auch Boetius probirt/ das alle ſeligen im hymel götter ſeind/ nicht auß inen ſelbs/ ſonder auß anſchawung gottes/ dz Gott in inen/ vnd ſy in Gott ewigklich bleyben/ Derhalben dz volck/ auch die Biſchoffen/ rechte vnd wol gethon haben/ wie ſye auch bey irer Seelen ſeligkait ſchuldig waren/ das ſye diſen frommen Bábſten ſambt dem kayſer vnd hochgeleret lewten vnderthänigklich geuolgt haben/ Welchs die verfluchte Hofſart vnſerer newen Schiſſerweyſen nicht thün will/ vnd durch das arm Teütſchland in auffrühr/ in ſchand vnnnd laſter/ auch in zeytlich vnd ewig verderben (wie zu beſorgē) bringen wirdt/ Gott ſey es geklagt.

Franc

64. ¶ Da erwecket Gott/ ſein kirchen haim züſuchen/ den Waldo/ Anno Tauſent ain hundert vnnnd ſybenzig/ der wider ſtünd diſen Bachanten/ vnnnd zuckte diſem gewel vil/ diſer Chriſto zügeſelt.

Cocleus

O ain verfluchte zung/ die Gregorium magnum vnd Carolum



rolun magnum Bachanten haissen darff/ vnnnd den groben waldesel ainen rechten lerer der kirchen Christi/ hie sihet man was frannet für ain gelauben hat/ den er sonst allenthalben mit hál schleichen vor den Teütschen layen verbirget/ als ain listiger vnd laurender Diack/ auff das man sein Piccardey nie in gemain vermercken soll.

65. ¶ Gab auch all sein gütdurch Gott hin/ das er dester ehärwiger Christum studirn vnd Gott Philosophiren möchte/ Darumb er ain grosse verfolgung hat erduldet/ von dem Römischen Petro/ nicht anders dann erwan die Christen vß dem gotlosen Nerone oder Domitiano.

Waldo ist eigentlich nicht verfolgt worden/ dz er sein güte vmb gottes willen hat hingeben/ weyl solche volkommenheit (wa sy auß gütreim fürsatz geschicht) von Christo selbs gelert/ vnd von Aposteln vnd ersten Christen gehalten ist/ Weil aber Waldo auß disem werck gleyßnerey machet/ rñm suchet/ vñ seinen lohn hie darumb einname/ das volck ann sich zoge/ vnd ain Sect anrichtet/ mit newer leer/ wie ire artickeln auß/ weysen/ da ware es zeyt dem babst/ als dem obersten hirtten vñ haubt der kirchen/ einseßens zñhaben/ nach der leer Pauli/ das nicht schismata vñd ketzereyen in der kirchen enstündenn/ so sich der Sachan in ainen Enngel des liechtes verwandelt/ da Waldo/ vnder dem güeten schein williger armüt ain verdamliche Sect anrichtet.

66. ¶ Ja die warhait ist wol herter bei im verbannet/ dan nye bey kainen Tyrannen oder kayser/ die sy weniger auff liesen kommen/ ja vil mehr platz hat sy bey den vnglaubigen kaysern gehabt/ deren doch etlich bliben leben.

Dis redt Franck als ain offentlicher feind vnd babstischen der/ wie er sich annfenglich zu solcher feindschafft bekennet inn seiner vorred/ darumb sein gezeügtnus verwerfflich ist/ vnnnd bey verstendigen lewtenn thain krafft hatt/ Wer aber liest der Waldennser Artickelen vnnnd Bücher/ der finet bald/ das nicht die warhait/ sonnder die ketzerey darinn gelert vñ vß babst billich verdäbt wirdt/ Dan der grobe knützel vñ vngelert lay/ als im der pöfel anhieng/ sieng er bald an/

wider den Babst vnd alle gayßlichen zu articuliren (welches der pöfel gern höret) vnnnd leret/das der groß Constantinus vil Babst Syluester die kirch verderbt habenn/ das nach Syluestro kein rechter Babst gewesen/das die gayßlichen keine güter besitzen sollen/das sündige priester nicht absolviren mögen/das nyemant gewalt hab zu absolviren dan die Walden/ es ic.

Frank

67. ¶ Im Babsthumb hat sich in vier hundert jaren kaum ainer mit der warhait geregt/der nit im ferw: hab müssen auffstiegen.

Cocleus

Psal. 116

1. Esdr. 3

Heb. 11

Die warhait des Herren bleibt ewigklich/vnnnd ist vil sterker dam alle Babst vnd Kayser/vnd laßt sich weder mit ferw: noch mit wasser außleschen/wie das vil tausent martter bewe ret haben/die durch die warhait überwunden haben die Kayser künig vnd die ganzen welt/Aber die geferbte warhait (das ist Ketzerey) da sich Sathan für ain engel des liechts außgibt/ kan in die lenge nicht bleyben/wie alle Ketzerey bezüngen müssen/dann die alten all hinunder seind/das Babsthumb aber bleybe für vnd für/vnd wirt on zweyfel die neuen Secten auch alle überleben/dan es ist gebawt auff ain fels/die Secten aber auff vnbeständigen sandt/wie Luther selbs bekennet/als er wider Zwinglium schreibt von Secten.

Luth. contra

Zuin.

lib. 1.

Frank

68. ¶ Das bezeugen schier/ alle die von Dulcino oder Waldoni/ Hieronymo von Prag/ Wicleff ic. geschriben haben/ vnd yetz zu vnsernzeiten den hauffen.

Cocleus

Gala. 1.

Cypri. de

simplici.

pralatori

Bewerte Historici bezeugen ja/ das gemelte lewt seind Ketzerey gewesen/yrig vnnnd sträflich/Saget aber ye keiner/ das sy vmb der warhait willen gemartert seind/ Darumb sye nicht Christi/sonnder des Teufels martter seind/ Dann nicht allain yrthumb vnd Ketzerey/sonnder auch schlechtezertrennung on yrthumb ist auch verdamlich/wie Paulus anzeygt/ Vnd Cyprianus spricht/das dise macel auch mit blüt nicht abgewaschen wirt/ Derhalben nicht von nöthen ist/ zu disputiren/ ob Dulcimus oder Waldo (welche Franck so hoch lobet) die warhait gepredigt haben oder nicht/sonder es ist gnüg zu irer ewigen verdammuß/das sy secte haben angericht/wie wol ire artickeln weder warhait noch erbarkeit in sich halten/ Exempli gratia/

gratia/das ire Sect allain die Christlich kirch sey/das die Römisch kirch kainen gwalt zu absoluiren hab/dz vnder dē babstthumb nyemant selig werd/das nyemandt über sy zu gebieten hab/Vnd vnder vil ander groben vnd yrigen Artickeln/hatt Dulcinus/als ain grübenhaimer geleert/das ain yeglich man bey yeglicher frawen bloß in ainem bett ligen/vnd sy allenthalben angreiffen/bauch auff bauch legē möge/damit die ansechtung vergee/es sey nicht sünd. Item/das ainer bey ain weyb lige vnnd erkenne sy nicht/sey ain grösser wunderwerck dann todten auffwecken ic. das seind der ketzer ggferbte warhait.

Dulcinus  
art. 17. 18

69. ¶ Noch haben die Waldenses wunderbarlich biß auff vnser zeyt geweret/schier 350. jar.

Franc

¶ Ey wol ain groß wonder/das des Teüfels kirch/neben der rechten kirch Christi/im finstern so lang geweret hat/Gleich wie neben dem rechten lauttern Regenbogen zu zeyten ain ander finster regenbogen ain weil sich sehen laßt/Wann aber die Waldenses so lang geweret hetten als das Babstthumb/oder so gewaltig als die Arrianer/So würde sy Franck freudlich gar in hymel setzen/oder villicht nach art der Teüflische Hoffart/die allen ketzern eingegossen ist/würde er iren thron über allen geln/vnd über die mütter Gottes erhöhen/auff das sy dem aller höchsten geleych weren/Es hat warlich das Babstthumb vil schwer. r vnd mehr ansechtung gehabt dann die Waldenses/hat auch vil mehr marttrer/Beichtiger vnd hailige lewt gehabt/so diß verfluchte Sect nicht ainen mag anzaygen auff den iren/wa dann das lang weren gelten soll/wie es dann bey Augustino/Tertulliano/Ireneo ic. ain groß ansehem hat/so hat Franck mit diesem argument abermal sich selbs gefangen/dann er nit leugnen kan/das das Babstthumb vil lennger gewert hat dann diß Sect der Waldenser/Vnd so man es rechts anseheth/so hat die arm vnseelige Sect nicht drey/vil weniger drey hundred jar geweret/Dann sy bald/als sy erstanden/ist verdäbt vnd verflucht worden/vnd wirt noch jährlich in Bulla Ene domini offentlich verflucht/was aber verworffen vn verflucht ist/das gilt so vil als nichts/ist ain eytler schad vnd ain überig vnd ungerechnete Ciphia.

Cocleus

Isa. 14

Frantz

20. ¶ Anno Tausent zwey hundert saß zu Rom Innocentius tertius/ gar ain schedlicher Babst/ der macht die Decretales/ vnnnd ain büch vom Sacrament/ Zu legt hielt er ain Concili zu Rom/ da machet er ain glauben oder Symbolum/ den die schüllerer dem Nicenischen zu vergleichen achten/ da setzt er die Transsubstantiation/ hinein für ain Artickel des glaubens/ also lautende/ Ain ainig gmain kirch ist aller glaubigen/ auß wellicher thamer nymmer meh: selig wirdt/ In welcher eben der priester ist/ der das opffer/ nemlich Jesus Christus/ Welliches leyb im Sacrament des Altars/ vnder gstatle brots vnnnd weins/ warlich gehalten wirdt/ also/ das das brott inn den leyb/ der wein in das Blüt/ warlich/ mit verliernung seines wesens verwandelt würdt/ Decretal. Epistola 1. capite firmiter credendum/ Siehe/ hie ist nymmer brott/ sonder eytel leib flaisch vnd blüt.

Codrus

Vide Pla.  
o Vinc.  
li. 30. c. 64  
Nauclerü  
gener. 40  
Et Blödü  
decade 1.  
lib. 6.

Es ist nicht wunder/ das disem böshafftigen Babstchen der diser überauß fromb/ gelert vnnnd hochberühmt Babst gar nichts gefellet/ weyl er ihm so gar vngleich ist vnd zu wider/ Wer aber sein Historiam/ die warlich gannz loblich vnd lustig zu lesen ist/ gelesenn hat/ der sihet bald/ das diser vnartig/ vnedel vnnnd newgeborn Pichhart nicht wißdig ist/ disen Eolen geschickten vnnnd Gottgeliebten Babst zu nennen/ geschweig zu lestern/ oder zeügnus wider ihn zugeben/ Dann ob schon kein Historia von ihm geschriben were/ so beschützen ihn genügsamlich wider disen maulgiffteigen vnd hertzbittern lugner/ seine herliche schrifftten/ Stifft vnnnd geberode/ die noch heüt zu tag vor augenn seind/ Seine Decretales seind vol aller weyßhait vnnnd erbarkeit/ Seine bücher vol tugent vnnnd kunste/ darauß sich ain Gottßforchtiger leser in ainer stund mehr besseren mag/ dann so er zehen Jar der Newen Secten bücher lese/ Sein herlich Spytal zu Rom bey Sant Peter/ welliches haisset sancti spiritus/ Zum heyligen gayst/ hatt er so herlich gestifft/ das freylich auff disen tag in der ganzen Christenhait kaines ist/ darinn den armen/ krancken vnd Pilgramen/ auch ellenden findel kinderen/ meh: güts geschehe oder fleysiger gepflegt würdt/ Was güts er aber in zweyen jaren den armen  
hauß

Hausflereten/ die sich des bettels schembten gethon hat/ das  
 waist nyemant gar dan gott allain/ Es ist auch vnaußsprech  
 licher vnkosten auff in gangen in krieggen wider die vnglaubis  
 gen in 18. jarn/ so lang er regiert hat/ an ainẽ ort wider die Tür  
 cken im gelobten land/ am andern wider die Saracener in Hi  
 spania/ in summa ich waist vn find gar kainen tadel an jm/ sonð  
 eytel tugent/ kunst/ lieb vn gotseligkait/ Das aber Franck auch  
 sein aller herlichst Concilium tadelte/ verspoet/ auch felschet/  
 thut er als from vnd erbar er ist/ Platina schreibet das im selbi  
 gen Concilio gewesen seind personlich der Pabst selbs/ zwen  
 Patriarchen/ ainer von Constantinopel/ der ander von Hieru  
 salem. 20. Erzbischoff/ vnd 412. Bischoff/ Item 800. Abt/  
 Priores vnd andre Prelaten/ darzu zwayer kayser/ des Rõmis  
 schen vnd Zriechischen/ auch aller Christliche künigen Orato  
 res vnd herliche botschafften/ Im selbẽ Concilio ist ain büch  
 des hochgelertẽ Abts Joachim/ der wider Petrũ Lombardũ  
 (den Franck so übel veracht vnd ungelert schilddet) gschriben  
 hett/ verdambt wordẽ/ so er yriet wider die hayligen drifaltig  
 kait/ welchẽ yrichtũß Luther in seiner Babilonia auß der aschẽ Luth. de  
 schariet wie sein teüflische gewonhait ist/ Es ist auch diser yr capti. Ba  
 tum der Waldēser (welche auch Leonistẽ von der statt Leon bilonica.  
 genant werden/ als sy kayser Fridrich der erste in Codice ver C. de her  
 dambt) daselbst verdaßt worden/ als sy die wandlũg verlaug reticis L.  
 neten/ Da hab ich erstlich gelesen das wordẽ/ transsubstantias Gazaros.  
 tis pane in corpus et uino in sanguine potestate diuina/ vn haß  
 es in kainer eltern schrift gfoundẽ/ Aber vñ der wandlũg haß  
 ich Ambrosiũ vn noch eltere anzaigt/ D3 aber der hõmisch spot  
 uogl/ der kirchen zu gespõt/ den text hie felschet/ vn für Extra  
 quã/ list Ex qua/ vn mit disem kurzen griff den gangẽ syn ver  
 böit/ das halte ich für ain Erzbüben stück/ wa es nicht onges  
 fer durch die Bücherucker beschehen ist/ Dann auff erden kain  
 böser vn verzweyßelter red/ wider die gmainen kirchẽ/ geschehẽ  
 möchte/ dann er hie thut/ durch verwandlũg des ainichẽ wõrt  
 lins/ so er Ex für Extra setzt/ vnd spricht/ Ain aynig gemayn  
 kirch ist aller glaubigen (das ist recht vnnnd war) auß welcher  
 kayner nymmer meh: selig wirdt/ Das ist vnrecht vnd falsch/

dann in Latein steet also/ *Extra quam nullus omnino saluatur*/ das ist/ außserhalb welcher gar keiner selig wirdt/ Das ist weyt ain andere mainung/ wie auch die Schüler wissen wie grosse vnderscheid ist. *Ex ecclesia et extra ecclesiam*/ Die Christen sterben auß der kirchen vnnnd werden selig/ Aber die ketzer sterben außserhalb der kirchen/ vnd werden gar nicht selig/ Aber Luth̃er Franck vnd jr gleychen schemen sich nicht/ beichtens auch nicht/ solchen falsch zu treiben wider vns.

Franc̃

>1. ¶ Zu diser zeyt sieng an die Mess in grossen werb gehalten zu werdē/ Allermayst/ das vmb dise resier die Bettelorden einbracht vnd abss kamen/ die sich vō der Mess neren müsten/ vnd all jr ding darauff gestiftet vnd gegründet was.

Cocleus

Daher kombt es auch/ das die münchs vnd pfaffen feinde so hart wider die Mess schreyen vnnnd schreyben/ das sy gedēcken/ were die Mess ab/ so lege ernider der münch vnd pfaffen handtwerck/ so möchten wir mit glimpff hinder die kirchen güter kommen/ darinn vil güter ewiger zünne seind zu Mess vnd altarn gestiftet/ Das ist jr ernst vnnnd herzlich bedēcken/ Aber sy sollen erfahren/ das es Gott der Herr/ der die mess selbs gegründet vnd in seiner gedechtnus zu thun vnd halten beuollen hat/ nicht leyden wirdt/ sonder wirdt sy daran zu dümmern stossen lassen/ wie sich daran zuuor zu dümmern zerfossen haben die ewig verfluchten vnd verlomen ketzer/ die Albigeneses die Leonisten/ die Wiclefisten/ die Piccarden/ die Thaboriten etc. welche auch wolten durch Messstürmen rotter werden/

Proh. 11

Es ist aber widerm̃ Herrn kein klügheit/ kein rath/ kein stercken/ die mess bleibt noch/ vnd on zweyfel biß ans ende der welt vor allen ketzern bleiben wirdt/ weyl sy nicht vnser/ sonder des Herren einsetzung beuelch vñ werck ist/ wie ich obē auß Dionysio vnd Ambrosio hab angezaygt/ Vnd on zweyfel bey dē alten frommen andechtigen Christen vnnnd Bischoffen vil in grössern werd vnd herzlichem brauch gewesen ist dan sy yetz layder bey vns rohen vnd ablessigen Christen ist/ wie Dionysius/ Ammala, Tuitiensis vñ Rationale Diuino. klar anzaygt/ wie auch auß S. Egnatij episteln wol vmerck̃t wirt/ da er des altars diener die Diacon/ subdiacon lectors cantores etc. erzelet.

Ambr. de  
myst. in  
iti. ca. 9.

Epist. Eg  
na. ad An  
tiochenos

>2. ¶ Da

22. ¶ Da sieng man an nichts dan von der Mess vnd Sacrament zu predigen/bis sy sayl/ain lautter handtierung dar auß ward.

Man sieng nicht da erslich an/ dann S. Ambrosius wol vor 200. jar daruor/wie oben gmeldet/da vō geschriben vñ gepredigt hetze/ So hat Franck obē selbs gesagt/das wol lenger dan hundert jar zuuor vnder dem Babst Grego. yederman/ dem babst zu gefallē dauon schube/wie man auch yetz die welt mit den Sacramēt büchlin erfülle/ Wer nun rechnē kan/ der befindet das wol 125. jar Grego. Innocentio 3. regieret hat/ Das aber Franck saget/die Mess sey sayl vnd ain lautter handtierung darauß worden/ist oben verantwor./ Franck resdet als ain ehiloser vnd jārlich verflüchter Pöckhart.

23. ¶ Disen widerstünd mit zwaien büchern Guilhelmus de S Amore/ Aber dise verdammet vnd verbenet der Römisch Bischoff Alexander 4. Da er sahe das im die Bettelorden sein reich zu mehri wolten nutz sein/Also beschütz ain rauber den andern/das sy deſter sicherer alles mögen rauben.

Franck stelte sich gleich als wölle ers dem Luther mit liegen/triegen/leſſern/scheldten/schenden vñnd schmeihen beuor thun/was thut er sonst? Lobt hie ain langſt verdambten/ vñ yetz unbekanten keger/welchs leib vñ ſeel/güet vñ büch/ewig klich verlorn iſt/Vñ schendet den babst Alexander 4. welche alle welt (wie Platina ſchreibet)höchlich lobet/als ain vatter der armen/vnd fleysſigen vorſteer der religion/Er hatt auch auß dem Platina herauß gezwackt etliche wort/die im zum leſtere dienen/vnd die andern betrieglich verſchweigen/dem ainſeltigen leſer zu loben den keger/vnd zu schenden den Babst/ Wer aber Platinam anſihet/der findet bald das widerspil/vñ mercket/dz Franck ain abgeſaimbte Erzlugner iſt/der ſich ſolcher ſchalckhait nit ſchemet. Das er aber ſaget/ die Bettelorden dienen/des Babſts reich zu mehre/das gib ich zu/ ſo mans verſtehet vom reich Chriſti/welches Stathalter der Babst iſt/dann die Bettelorden vom anfang/ſter beſtedtigung der kirche mit ſchreiben/leſen/predigen/meß halten/beicht hören &c. vil gedienet vnd noch dienen/die auch den kergern redlich ye vnd ye wi-

verstanden/ vñ die vnglaubigen in die kirchen gebracht haben/  
 vñ sonderlich yetz in newē Inseln vñ ferren landē vil vnzāllich  
 volck/ Got lob/ rauffen vñ den Chriſtlichen gläubē vnderwey  
 sen/ D3 ich warlich beſteig vñ hertzlich beſorge/ Chriſtus wer  
 de vns: eijſche ſondlich plagen vñ ſo vil ſchmahe/ verhönig  
 vñ beraubung willen/ die yetz ſey vns die newe ſecten an den ar  
 men ordens leroten begeen/ d3 Chriſtus mag ſprech en zū vns/  
 wile er im Euangelio zū den judē ſprach am Palmtag/ darū  
 ſag ich euch/ d3 von euch wirt weg genommen werdē das reich  
 gotes/ vñ gegeben werdē ainē volck d3 ſeine fruchte ehüt/ O her:  
 Gott/ diſer ſpruch klinget hart in meinē oren/ wider vns Teut  
 ſchen/ d3 ich beſorge/ die verlognē būben werden vnſer vatter  
 land entlich bringē vmb leiβ vñ ſeel/ vñ Chriſtus vnd Euang  
 geliū/ vmb glauben vñ güte werck/ d3 wir geachtet mögē wer  
 den mehr für Hazden dan für Chriſtē/ Es hebt ſich ſchon an/  
 es iſt auch vnſer verdienſter lohn/ die oberkeit ſichē zū lang zū/  
 d3 volck iſt zū leichtfertig/ ſellt von ainē wind newer leer zū  
 andern/ gleich wie ain roß/ in der wüſteney/ Gott ſey es gekla  
 get. Ich geſtee aber dem Francken nit/ d3 der Bābſt die bettel  
 ordnē darūmb beſchütze/ das ſy im zū zeytlicher reichthum me  
 vil dienen/ Dan offenbar iſt/ das die Bābſt zū vor: wol ſo reich  
 vnd mechtig ſeind geweſt als darnach/ So man liſt vnd anſi  
 het/ was vor: 1000. jarn Leo 1. Hilarius/ Simplicius/ Sim  
 machus/ Hormisda/ vñ darnach vor: 900. jarn der groſſe Gre  
 gorius/ vnd nach im Gregorius 2. vnd 3. Paulus 1. Adrianus 1.  
 vor: 700. jarn/ vnd vil andere Bābſt hernach biß auf Innocē  
 tium 3 geſtiſt/ gebaret/ in krieg wider die vnglaubigē/ für die  
 gfangnē zū löſen/ vmb gottes willen täglich/ in Cōcilis zū ſal  
 ten/ in groſſen bottſchafftē zū Kriechiſchē vnd Rōmiſchē kay  
 ſern vñ künigen zū ſchicken/ außgeben haben: d3 ichs warlich  
 darfür achte/ Es ſey in hundert jarn kein bābſt geweſt/ der ſo  
 vil vnkoſtens vñ außgebens vermögēt hette. Vnſere tolle rot  
 tenmaißter rhümetē ſich vor: 10. vñ 12. jarn/ wie groſſen ſchadē  
 ſy dem Bābſt mit jrē ſchreiben gethon hetten/ vñ Franck muß  
 nun ſelbs beſenē/ d3 diſer Bābſt Clemens 7. ſo gar vnuerder  
 bet ſey/ wie wol er in der nächſtē blinderung vñ belegerung zū  
 Rom

Matth. 11

1. pbr. 4

Matth. 11

Fol. 511



Rom vnseglighen schaden erliete hette/dz er fluy hernach Florenz mit solchẽ vnkosten belegert vñ erobert hab/ das es dem kayser vñ allen fürstẽ zũ vil were/ Werdẽ wir nũ also fort farẽ/ vñ mit vnsern schwärmern dẽ babst gar abfallẽ/ so werdẽ wir gleich so vil dian gewinẽ als die Bshem vñ Brieche vo: vns gethẽ habẽ/ vñ wirdt der babst danoch so wol babst bleibẽ als vo:/ vñ alles vnglück wirt deßhalb über vns außgeen/ Ich bin kein prophet/ich ersehe aber dz wol auß vönigẽ historiẽ vñ auß gwaltigẽ sprüchẽ d̃ schrift. In summa/ Deum nõ irridetur/w3 Petro an aim ort abgeet/dz geet an aim andern wider zũ. Gala. 6.

24. ¶ Anno 1240. schrib Raymundus/Hugo Cardinalis/ Bonauentura/ Alexander de Sales/Albertus Magnus/ vñ sein junger Tho. von Aquin. der letz rayensierer vñ plazmaister/ soll billich neben Giatiano vñ Longobar. gezelt werden.

Des lobs schemet sich Thomas nicht/ Es werden auch seine vñ Giatiani auch Longobardi schriftẽ lenger bleibẽ vñ weren dan des Luthers/des Swingli/des Franckẽ vñ all ander te gerbücher/episteln vñ sermones/ des will ich inen mein trew zũ pfand setzen/die frommen lewt Giatia. vñ Longobar. haben schon 400. jar zũ vo:/ Sie werdẽ auch noch wol 400. jar übrig habẽ/ soll anders die welt so lang besteen/ Die tolle hoffart/ wolt erstlich Aristotelẽ auch vertreiben vñ vndertrucken/ ich maine/ sy habens troffen/also werden sy es mit vnsern yez gemelten letern auch treffen. Coclem

25. ¶ Vnder disem Thoma ist dz fest vnserz Herren Fronleichnã tag auffgesetzt wordẽ/ vñ Vrbano dẽ 4. ainẽ Cister. ordens man/ darauff machet Tho. dz ambt dises tages/ Wie er alle schufft darzũ gnõc hab/sicht mã wol/ allermãist im sequetz/ darum er in der hayligẽ zal gezelt/ ain kelch vñ taubẽ/ anzũzaygen den hailigẽ gayst/ darauff er gschribẽ/ vñ babst vñ dient hat.

Wie hart diß den Francken/den Luther vñ alle roccemayster verdẽußt/so mügen vnd werden sy es doch nit verbierevnd gar abthun/ob sy wol in iren winkeln vil güter vnd göclicher ordnung abbingen/ Es ist aber die kirch Christi an ihre winkeln nie gebunden/das Babsthumb hat syben oder acht hundert jar wol gestandẽ vñ auffgnomẽ/ee dan ire wickeln vñ

Christo vnd seinē Euangelio wüßten/ Es wirt auch mit hülf  
 Gottes wol beleiben/wann schon all dise Rottenwinckel gar  
 dahin fallen vnd züm Teüfel faren/ Sie bedöffen des Babst/  
 thumbs/ sollen sy zü Christo kōmen vñ selig werden/Dz babst/  
 thumb bedaß jr zür seligkeit gar nichts/ wann sy es ye wissen  
 wöllen.Dz aber Franck hie sagt/ S. Thomas hab alle schuffe  
 zü diesem ambt des Sacraments genöttiget/redet er wie ain  
 Sacramentschender/wie auch Luther thut/die Schrifft ver  
 stendigen wissens aber vil besser/ist hie on not/dauon lang zü  
 disputirn/weyl Franck kain stell oder spruch/ der genöttiget  
 sey/anzaygt.

Franck.

>6. ¶ Es ist auch nicht ain wunder/das in alle ding nach  
 wunsch ist von stadt gangen/Münch waren Babst/ Münch  
 waren Cardinal/Münch waren Bischoff/Theologi warē der  
 Fürsten Rāth/Theologi waren der Vniuersitet Rectores vnd  
 alles/Niemant was/der sich ain hirtē oder eyßen maur disen  
 wößfen dardet vnd darzwischen leget.

Cocleus

Es seind vil meh: Babst Bischoffe vñnd Cardinal/niche  
 Münch dann münche geweest/vñ vil auß den münchen seind  
 frome hochgelerte haylige menner geweest/ vñ haben seer wol  
 regiert/wie Platina vnd Chronica außweyßen/ Ich sags aber  
 noch ain mal/weyl wir Teütschen die münch vñ Theologos so  
 gar verachten/döffen wir vns gar kainer besserung versehen/  
 wir werdens erfaren/vñ erfarens gerait täglich/das die baro  
 ren sprechen/weyl wir den münchen vmb gottes willen gaben/  
 da gab vns Gott auch gnüg/So wir jnen nichts meh: geben/  
 gib vns gott auch nit/das wir yetz ärmer seind dan vor/ Deß  
 gleichen redt der gemain man in Stetten in Meyßen von ar  
 men schülern/So befinde auch der Adel/das die/ so nichts züm  
 gottesdienst stifften oder geben/sonder nemē lieber vñ rauben  
 die alten stifftunge zü jren gütern/ die haben weniger dan an  
 die/ vñ kōnen nit erhalte das jhenig/ was jnen ir frome Gotte  
 forchtige voretern welche Gottes lob vñ eh: mit ewigen stif  
 tungen vnd täglichen almüßen fūrderten) gelassen haben/ wie  
 kōmbt es/deus nō irridetur/ Es wirt noch wol baß beissen/sol  
 le wir noch 10. jar (da got vo: sey) i: solcher zwayspalt bleiben.

>>. ¶ Da

27. ¶ Da haben sy frey mögen all iren gaifer vnd troum/ tract  
an gottes statt. dem volck auffseringen/ Ja das im die Germa  
nos der babst Grego. 10. basß verbende/ schob er Rudolphum/  
den Grauen von Habsburg/ mit vinantz in das kaysertthumb/  
vnd laychet Alphonsum.

Es ist vor 15. jaren/ des schwürmens vnnnd traumens/ bey  
vns Teütschen nicht der Tausent tayl gehört worden/ als wir  
in 10. jaren gehört vnd erfaren haben/ zeüge mich des auff ayt  
ne klag vnd bekennuß des Luthers vnd Franckens/ Luthers  
wider die Schwürmer/ Franckens wider das manigfaltig ge  
schwürr der widertauffer. Das aber Franck Grego 10. zeichet  
wie er mitt vinantz Rudolphum gefürdert/ vnd Alphonsum  
gelaychet hab/ das ist auch seiner gwonlichen warhait aine/  
das ist ain neydisch vnd stinckende lüg/ wie alle Historici wif  
sen/ dann Rudolphus zu Franckfort ainmütiglich von allen  
Churfürstē erwölet ist/ abwesend vñ nichts dauon wissend/ Al  
phonsus/ welcher gelt vñ herliche botschafft dahin vordnet/  
deßgleichen Othocarus künig zu Böhām/ seind außgeschlos  
sen vñ mit schamrot darnebe hin gangen/ Dan Rudolphus  
(wie Frack vorn selbs bekēt) woz ain klüg/ anschlegig in waffen  
streng/ in wercken ain rathweyß militrey man/ So ist auch  
Grego. 10. ain gescheid/ geleert/ milt/ gütig man gewest/ der mit  
vinantz nit vmgangen ist/ Dann Platina mit außgedruckte  
worten spricht/ so starckes gemüts sey er gewesen/ das er gelts  
vnd klainer ding nicht achtet.

28. ¶ Da ward Anno 1265. zu Leon ain Concili/ darin wa  
ren etliche fest außgesetzt/ das man dem volck dise gotßdienst  
einblewet/ De Consecra. dist. 3. ca. Pronunciandum est.

Ach der giftige wurm kan vo: neyd vnd haß weder sehen  
noch höien/ Oben hat er gsagt/ Anno 1150. samlet Gratianus  
das er betlet bettelwerck/ ich main/ das gaistlich recht/ hie spri  
chet er/ Anno 1265. sey zu Leon. von etlichen festē gehandelt/  
vnd will das selbige probirn auß Gratianus büch/ welchs nit  
darnach/ sonder 115. jar zu vor gemacht vnnnd außgangen ist/  
Beisset sich der ellende Babstschender/ abermal in die backen  
das krobet/ Platina schreibet aber/ das in diesem Concilio zu Leon.

(Dann meß: dann atms da gehalten seind) vil ding beschloffen seind/von erwölung ains Babsts/von ain heertzug ins gelobte land/von verainigung der Griechischē mit der Römischen kirchen(dann Paleologus der kayser zū Cōstantinopel in aigner person da was) von gmainem frid Chrißlicher kirchen ic.

Francē

79. ¶ Anno 1308. sliet Clemēs 5. Clementinarū/Hielt zū Vienna ain Cōcili/darīn ers bestediget/der kirchē auff sailer/vnd allen Vniuersitetē zū lesen auff band/ Da ward auch das fest Corpo. Christi jārlich zū begeen bestediget vnd sancirt.

Cocleus

Francē ist dem Gaisßlichen recht vñ Clementi 5. in sonderhait seind/das sein Dickhardey so hart im rechten verbotten/vñ von Clemente veruolgt ist/Dann er Dulcinū vñ sein weib/die zū Nouara vnd im gebirg vmb Trient ain grossen anhang gemacht/ließ mit gewaltiger hānd fassen vnd zū stücken hawen/die stück verbiennen/die aschen zerstrewen/das anhangēd volck mit hunger vnd kelt auch mit waffen zū geho:sam bringē/das verdienste Francēn/der Dulcinum oben zūm Waldo setz/ als habe Gott sein kirchen durch sy haimgesucht/ja der hūrn vnd buben kirchen/wie auch Platina wider sy bezeitiget/Derhalben nicht wunder ist/das Francē den gaisßlichen rechtē mit hold ist/welchē kain ketter hold sein mag/Darumb Luther nun lenger dann 12. jar darwider geschritten/auch dz ganze decret zū Wittenberg verbiert hat/noch kan ers nicht außreutten/soll es auch nymmer mehr enden.

Francē

80. ¶ Da waren vil angnommen artickeln verdambt/welche bey vilen widersochten waren/ Vnd ob wol allweg etwas dargegen was/so sich dem babst in sein sūrnemē offimals widersetzt/So vermocht man doch nit/wider disen gewaltigen greuel/wie in Daniel cap. 8. 11. nent/aufrichten.

Cocleus

Der verlogē backenbeisser sagt hie von vil artickeln/ vnd zayget doch nit ainen an/Platina schreibet aber/dz Clemēs der fünffte drey Concilia gehalten/vmnd vil dings weyslich vñnd wol bedechelich außgerichte hab/Dz aber Daniel soll den babst ain Greuel haissen/das sagt kain hayliger lerer/sonderereytel ketter/in sonderhait vnserer Rottenmaisser/welche die Meß/das täglich vñ stette opffer(da von Daniel sagt) abthūnd/ als vorlauffer

Daniel. a.

8. 11.

lauffer des rechten vnnb letzten Antichriste/ verhallenn auch  
diß argument den Francken selbs in die backenn beißet/ als als  
nen Messstürmer.

81. ¶ Anno 1360. hat in Engelland zu Oronia Joannes Franc  
Wielefentlich büchlin lassen außgeen/ Triologonū genant/ Vn  
der welchen er auch dise frag vß Sacramēt handelt/ schleißet  
vñ diffiniert/ dz dz wesen vñ substāz des brots bleib auch nach  
der Consecration/ vnd hō: nicht auff ain brot zū sein/ wie dise/  
ain gestalt dazūmal/ vnd auch yetz darauß machen/ Er wolt  
aber nit allain/ das brot blib/ wie auch Luther bekent/ sonnder  
eytel broet/ wie Zwinglius vnd Oecolampadius sagen.

Diß ist noch der wareste articke/ als ich in disem gangenn Coclem.  
capitel des Francken glesen hab/ Nicht das Wieleß war oder  
recht hab/ sonder das Franck die waren vnder schaid zwischen  
Luthers vnd Zwinglius mainung/ so frey bekent/ Vil leßer/  
dann die Zwinglische zu Augspurg vor kaiserlicher Maiestat  
selbs thetten/ Dann die klügen wortschmucker/ bayde/ Luthere  
rische vnd Zwinglische/ daselbst nyergent so grob vñ offenbar  
bekenneten/ als sy dazaim das arm volck gleret hetten. Die Lu  
therischen sprachen/ felschlich werden vnser kirchē oder sam  
lung verklagt/ Das sy die Mess abthūen/ Dann die Mess wirt  
bey vns gehalten/ vnd mit höchster ehriebietung gebrauchet/  
Es werden auch gewonnliche Cerimonien fast alle gehalten/  
one das man yergent dem Lateinischen gesange/ Teutsche ges  
sange/ zū vnderweysung des volcks hinzū menget. Die Zwing  
lischen schūben also/ Von disem hochwürdigē Sacrament des Bekantn.  
leibs vñ blüts Christi/ alles was vß in die Euāgelisten/ Pau  
lus vñ die Hayligen vätter geschriben haben/ das leren vnd Pie der Zwig  
digen die vnsern mit bestē glauben/ Wan sy diß abentmal wiß lischen zu  
holen/ wie er es selbs eingesetzt hat/ So er vns sein warē leib vñ augspurg  
sein wares blūt/ warlich zū essen vnd zū trincken/ zū speys vnd  
träck der seelen vñ des ewigē lebens durch die Sacramēt geben  
hat/ Et infra. Darauß erkent E. R. M. aller gnedigester Kay  
ser/ wie felschlich vß vnsern widerfacherē gerümet wirt/ dz die  
vnsern sollē die wort Christi vñ wandlē/ vñ mit menschē glosen  
zerreissen/ dz auch in vnsern abetmalen nichts dan lautter brot

Unbeytel wein geraicht werde/ vnd das des Heren nachtmal  
bey vns veracht vnd verwo:ffen 2c. Franck aber bekent hie frei  
d3 Zwing. eytel brot vñ wein da hab/ So waistman zwar wol  
wie eßlich die Mess bey den Lutherischen gehalten wurd/ A  
ber die Rhetorischen woitschmirer schemen sich kainer lügen.

Franck

82. ¶ Nun hastu allen grund von den Bildern/ hayligen  
eh:/ Mess/ vñ das ich in ainer summa widerhole/ Als die Bestia/  
bald nach der Aposteln abgang/ den stül besaß/ die kirchen zers  
ströwte/ alle Sacrament befudelt/ vnd alle Gottseligkeit von  
dem platz auß dem mittel stieß/ Die Hirten in wollust vnd lieb  
difer welt ertrancken: müst man dannoch etwas erdenckenn/  
damit man dem volck die augen verclaibet/ auff das man die  
erbettelten zünse nicht gar müßig einem vñ besetz/ Da erbachte  
man täglich new Gottßdienst/ Aberglauben/ biß aller rechter  
gottßdienst außgelöscht zů grund gieng/ vnd allain Super  
sticio regieret.

Coclem

Das ist ain gemain alt geschay aller neuen Secten/ von  
Luthern erstlich angefangen/ der sich rhümet/ er hab d3 Luan  
gelium so klar an tag geben/ das es auch zů der Aposteln zeyt  
nicht so klar gewesen sey/ vnd sein Philippus schreibe/ das bald  
nach den Aposteln die Philosophen eingebrochen/ vnd den rech  
ten glauben verderbt hab/ Was ist es nun wunder/ das dife  
schwürmer mit gleicher vnuerschembten üppigkeit hinnach  
uolgt/ vnd spricht/ Die Bestia hab bald nach der Aposteln ab  
gang den stül besessen/ Vñ beisset sich doch damit bald in sein  
eigen lügenmaul/ so erzůuo: lang disputirt hat/ S. Peter sey  
auff disem stül nye gefessen/ was wöllen aber die grunde büben  
hierauff anders schließen/ dann das Christus vnd Paulus lug  
ner (verzeihe mirs Göttliche Majestat) seind/ da sy den gayst  
der warhait vnd alle warhait/ ja seulen vnnd grundfesten der  
warhait/ verhaiffen vnd zůschreyben der kirchen/ Dañ sy (die  
Secten) niemant anzaygen (vermögens auch nicht/ wann es  
inen schon leib vnd leben gülte) auff dem der ware glaub/ den  
sy fürgeben vnd suchen/ von Aposteln/ biß auff sy/ nach airan  
der herab gestigen vnd kommen/ oder von hand zů hand über  
raicht sey/ Luther hat seins glaubens gar kainen ro:geer/ mit  
welchẽ

Luth. in  
sermo. de  
d. struati.  
Jerusalem  
Phil. Mc.  
lan. in dis  
dymo suo  
et de lo  
eis comus  
uibus.  
Iohan. 16  
L. Tim. 3

welchem er in allen stucken überain kömme / wie wol er fast von  
 allen ketzern entlehret vnd gebettelt / ain gestückelten vñ zusam  
 geslickten ketterrock / mit schendelicher vermengung vnd wi  
 derprechung / gemacht hat vnd auffgesteckt / als für ain Bas  
 nyr / wider den vnzerrenten rock Jesu Christi. Frannet mag  
 vñleichte durch anlayttung der Böhemischen Pictsharden /  
 sein ankunfft nach ainander außstrecken diß auff Dulcinum  
 oder Waldonem (wie er sagt) welchs doch nit 400. jar eray  
 chen mag / vñ felen im an der rechnung biß zūn Aposteln mer  
 dan tausent jar / In welcher zeyt müßet das Euangelii / Chri  
 stus / rechter glaub vnd ware Sacrament / alles unbekannt in  
 die ganzen welt / vñ so vil hundert jar tod vnnd begraben ge  
 weßt sein / welchs vnmüglich ist / vñ wider die klare wort Chri  
 sti / Ich bin bey euch biß zū end der welt / Jee / ich will euch sen  
 den den tröster der ewigklich bey euch bleibe / Derhalbe sy sin  
 gen oder springen / so müssen sy vns den rechten gelaubē in der  
 Bābst linea / nach ainander on zerüttung ganz anzūzaygen  
 biß von Aposteln her lassen / vñ sonst nyergent / Trutz in allen /  
 das sy ain andere linea erweisen. So dan vo: 1100. jarn S. Au *Augu. in*  
 gustinus wiß die Donatistē auf die linea gebodē hat mit 40. *epist. 165.*  
 Bābsten nach ainander angezaigt / vñ Ireneus lang vo: ihm *Irene. li. 3*  
 mit 12. oder 14 Bābsten: wie solten wir dann wider vnserē tol  
 ca. 3  
 le schwürmer vñ zerüßne secten nit frölich vnd sicherlich stero  
 ren vnd trunzen / auff diße gebenedeyte (zū layd vñ schand allen  
 ketzern) linea der Bābst / darinn wir gewißlich mögen anza  
 gen / nit allain 12. oder 40. wie obgemelte vätter / sonder 230.  
 Bābst / sein nach ainander herab biß vonn Aposteln / welches  
 sonst kein kayserthumb / künigreich / oder Fürstenthumb ver  
 mag / Warum das? Darum aygentlich / das Christus so kreff  
 tigklich für S. Peter gebetten hat / das sein glaub nit gebrechē *Luc. 12*  
 sol / vñ das die pfor:ē der helle wiß sein kirchen nit oblige sollen. *Math. 16*  
 83. ¶ Da biach der hailigen ebr / bilder / mess / o: geln herein: *Francē*  
 Auß der mess ward ain opffer vnd werck / damit man sünd büß  
 set / gnüg ether / vñ damit lebendigen vñ todten zū hülff käme.  
 Wann geschahē diß alles? O die ellenden Tichter / wann sy *Cocleus*  
 persten solten / so können sy vns kein gwiße zeit mit glaub wir

diger gezeugnuß anzeygen/darinn man erstlich anfangen ha  
 be/die Hayligen zu ehren/bilder zu haben/Mess für ain opffer  
 vnd güte merck zu halten/Vom orglen frag ich nicht/dan das  
 selbige den glauben nicht betrifft/auch nit von nöten ist/weil  
 noch heüt zu tag vil kirchen sind die kein orgel haß. Wir kön  
 nen aber allzeit sy zu schanden vnd zu lugneren machen durch  
 S. Dionysius büchler/wolt Gott/wir betteln sy alle/wie wir  
 drey oder viere haben/In welchen der Goeselig marterer Chri  
 sti vnd discipel Pauli(der auch die gebenedeytten mütter got  
 tes im flaisch gesehen hat) vnserer alten Christlichen Cerimon  
 nie vbrauch vñ vrsach anzeygt hat/wiewol wir auch i etlich an  
 dern elcisten lerern/als Irenio/Tertulliano/Origene.Cyprias  
 vñ ic. etliche anzeygen haben von gebreüchen vnserer Cerimon  
 ien/des gleychen in vil alten Decretalen der elcisten Pabste/  
 vñ Clemente i. biß auf Gregorium i. Item in vil alten Concili  
 en/Vnd kein schwürmer vernainen kan/das die liebe Monica  
 Samnt Augustins mütter/ am todtebett begeret hat/ für sy in  
 der Mess bey dē altar des Herren zu bitten / nach dem sy ver  
 schiden sey/welchs weyt vñ Taufent Jarn geschehen ist/Dar  
 umb müssen alle schwürmer in solchen lügen bestecken/wann  
 sy schon so geleert weren als Augustinus vñ Hieronymus ge  
 wesen sind/Dann sy vermögen nicht / auß gewisser warhait  
 lügen zu machen/wie fast sy sich krümmen vñnd dreyen mit  
 schlüpffrigen worten..

Augu. de  
 Cōfess. lib.  
 9. ca. 11.

Franc

84. ¶ Da kam ain orden/tut/weys/leer/lebē/glaub/ werck  
 ic. nach dem andern auff/biß wir zu letzt nids von Christo ha  
 ben behaltē dan den namen/vnd weytter vñ der ban sind kö  
 men/dan der Türck/der doch allain mit seinem Machomet ab  
 göttery treybt/darneben allain ainen Gott bekennt.

Cocleu

Das ist das zil/dahin der Teüfel die schwürmer sambt jrē  
 anhängern führen will/Itemlich alles abzühn/vñ allain den  
 namē Christi zu behalten/Vnd des Türcken glauben besser zu  
 achten dan des Pabsts vñ Römischer kirchē/des Teüfel begert  
 warlich nit weytter/er hat sy fer gnüg geführt/ wer in dem zil  
 bleibe vnd stirbt/der ist det Teüfels aygen/er muß in haben/ob  
 ern schon nit geren hette/Dan Christus kan solche trewloß vñ  
 abtrinn



abtrünnige Mamelucken für seine schaf nit erkennen/ die den  
hirten vnd Scathalter/ vß Christo auffgesetzt/ nit hören noch. Ioh. 10. 11  
erkennen/ sonder verleucknen/ vnd verfluchen in.

85. ¶ Nun die einred/ soetlich für die bilder haben/ das sy Franc  
die bilder nit ehien/ sonder die hayligen vnd Got/ die sy bedeu-  
ten/ Item das sy der layen bücher seind/ vñ die lewte zů andacht  
raytzen ic. Verantwoort Lactantius vnd Athanasius/ gar ge-  
waltig/ hieher zůvil zů erzelen.

Dise alte lerer sechten nit wider das haylig Creütz oder wi- Corleu  
der die bilder Christi vnd seiner lieben Hayligen/ danon sy selbs  
bekennen vnd etliche wunderzaichen anzeygen/ Sonder wider  
die bilder der abgötter/ dan zů iren zeyttē vil mehr/ Hayden dan  
Christen waren/ Solten nun die haiden vß iren falschen Göt-  
tern auff Christum den waren Gott gewysen werden/ müsten  
warlich vnserer lerer sy vß zaychē vnd bildern irer falschen göt-  
ter abweisen/ Vnd ist gütlich zů glauben/ dz der bilder gebrau-  
che zůr selbigen zeyt bey den Christen nyergent so gmain gewe-  
sen sey als yetz bey vns ist/ Wie das kōß an im selbs were/ solche  
bilder zů haben/ sonder das sich die erste Christen auß Juden  
vñ Hayden gepflantz/ hetten ärgern mögenn/ als hetten wir  
auch vil gēter/ wie die Hayden hetten/ Auff welche weys auch  
die Aposteln erstlich verbotten den Christen zů Antiochia vß A. Ro. 11  
blütt vñ vñ vom ersticken zů essen/ welches doch hernach frey  
worden ist/ vnd gar kein sünd/ Also mag es auch erstlich mit  
den bildern ain zeytelang gehaltē worden sein/ Aber der Teüfel  
versürt vnser schwärmer dahin/ das sy nicht allain der hayli-  
gen bilde/ sonder auch die zaychē vnd gleichnus Christi selbs vñ  
des hailigen creüts vñhē/ zerhawen vil verbiennē/ dadurch  
er sy fůr in die schweristen sünd/ so man erdencken mag/ Dan  
solche vñhē geschichte nicht dem holz/ stain/ sylber oder gold/  
welches nicht fület/ sonder Christo selbs vnd seinen hayligen/ Luth. in  
sermo. de  
S. Cruce.  
die dardurch bedeuēt werden/ Ja Luther wolt/ das das haylig  
Creütz selbs were g. eln vnder dem erdrich.

86. ¶ Darzů solt vns Christus genůg sein/ der vns haisset Franc  
auff gott sehen/ dz wir von dē gelet werdē/ So weist vns Gre-  
go. auff die bilder/ Christus auff die geschrifft/ Johā. 5. Grego.:

saget die bilder seind der layen bücher: Christus aber 1. Johan.  
5. hütet euch vor den gözen oder bildern.

Cocleus

Sie setz Franck S. Gregorium gegen Christum/ als ainen  
Antichrist/ wie ers vom Luther vñ von Picharden gelernt  
hat/ den Babst für ain Antichrist zūhalten/ Das er sich aber  
mit Gregorio gleich so wol in die backen selbs beißet/ als in an-  
dern vil artickeln/ ist oben vnd anderswo beweyßt/ fürwar die  
se Anticheses/ die er hie fürwürfft/ seind böse argumēt/ vnd kai-

Luth. lib.

1. et. 1. vi

der die hi

lischē Pro

pheten.

ner antwort werd/ Dann Luther selbs vnd vil auß den vnsern  
solchs lengst nach leng vñ auß grunde verlegt habē/ Christus  
verbeit seine bilder/ seine crucifix vnd seiner hayligen gemäld-  
nyergent/ Ja er hat sein gebenedeyt angesicht selbs der lieben  
Veronica in ainer bildnuß/ welchs man zu Rom vil hundert  
jar mit grosser andacht vñ herglicher entzündung des volcks  
geweyßt vñnd noch weyset/ nach sich gelassen/ Auch bey vilen  
Crucifixen vil vnd grosse wunderzeichen gethon/ wie wol es  
vnser schwärmer alles dē Teüfel zūschreibē/ gleich wie die vn-  
gelaubigen verstockten Juden wider in sprachen/ In Beelze-  
bus würfft er die Teüfel auß/ Wann nun kein zaychen gelten  
oder sein solt/ so müßet man auch die schrift vñ Euangelium  
abthün/ Dañ wie auß dem Euangelio die leser die wort gebrau-  
chen/ also gebrauchē die vngelertē layen des gemälds/ darauff  
sy die werck Christi erlernen/ wie vnser vorelteren löblich den  
Passion Christi in kirchen an die wende vñ an die hungerthü-  
cher habē den ainsaltigē layen fürmalen lassen/ Darauff man  
auch die kinder geleert hat/ Aber yetz findet man bey den Lu-  
therischen fremern nicht solch hayligē gemäld/ sonder Landts-  
knecht/ schöne weyber vnd alle vnzucht gemalet.

Franck

87. ¶ Christus nent sy durch seine Prophetē ain gewel vñ  
hürerey. Grego. ain anraygung zū andacht.

Cocleus

Christus in seinen Propheten redet nicht wider die Crucif-  
fix vnd seiner hayligen bilder/ sonder von der zaydnischē gōt-  
ter bildnuß/ wie auch Johannes/ da er spricht/ hütet euch vor  
bildern/ Vnd Franck selbs gliosiert/ spiechend/ hütend euch  
vor den gözen oder bildern/ Es ist aber ain grosse Gottsfles-  
rung/ das er die Crucifix vnd Marienbild gözen haisset/ Dañ  
Christus

Christus vnd Maria nicht Götzen seind/ wie Jupiter Mars  
Venus ic. Sonnder Christus ist/ warer Gott/ so seind Maria loh. 1.  
vnd alle Hayligen/ Gottes kinder/ vnd götter/ nit auß natur/ Rom. 8.  
sonder auß taylorhaftigkeit Götlicher gnad vnd seligkeit/ Ju-  
piter aber vnd Venus waren weder von natur noch auß gnad  
vnd taylorhaftigkeit der seligkeit götter/ sonder allain auß fals-  
chem wohn der menschen/ in warhait aber waren sy arme vñ  
ewigklich verdambte menschen.

88. ¶ Darumb er nun layder all zū war an statt Gottes si- Franc.  
get/ Der soll wider die ketzer streitten/ nit wie etwan die Apo-  
stel/ mit dem schwert des gaists/ Ephe. 6. sonder mit Bullen/  
Bley/ Arctickeln/ Papyr/ Ja mit dem schwert diser welt/ dz ist/  
mit fewr vnd rad/ wie sein art ist/ vnd er thūn muß/ wie er an-  
no 1417. an Zussen ic. vnd noch heit beweist/ biß ers doch als  
ler Göttseligkeit außgemacht hat/ Gott helff vns.

Gott sey gelobt/ das ich nun das ende dieses capitels erlan- Cocleus  
get hab/ Ich hab warlich klainē lust/ solchem losen vñ vngö-  
lichem geschwerg auß zūwarten/ vnd damit vil nützere vñnd  
Gottselige schrifftten der Bibel vnd der hailigen vätter/ so vil  
stunde hinhinder zulegen. Ich muß aber hie in gleichnuß spie-  
chen (non per equalitatem sed per imitationem) wie S. Paul-  
lus/ da er sprach/ Ich beger entlöste zū werden vnd bei Christo phil. 1.  
zū sein/ welchs mir vil besser were/ Aber im flaisch zū bleiben  
ist not von ewet wegen. Also wolt ich warlich vil lieber auß  
der schrifft vnd andechtigen büchern der hayligen vätter be-  
schaulich leben suchen vnd mein hertz in Gottes lob vnd wun-  
derwercken trösten vnd erlöstigen/ Ich muß aber als ain ge-  
ring glid der kirchen/ wider die tollen giffstigen vñnd vngestü-  
men kirchenfeind/ das meine thūn/ als vil mit Got verleihet/  
da durch ich gezwungen wurde/ so vil verlusts vnnützes gewä-  
sches/ gifftiger erigerey vñ heffiges liegens lesterns vñ schme-  
hens der vngewaschenen vnd vom Teufel besessen menñer sey-  
hen vnd leyden/ darauß nichts süß lustigs oder besserlichs/ son-  
der ain bittere gall/ vnflat vnd ketzerrey der alten größten pūf-  
seln vnd waldeßeln/ als der Leonisten/ Albigenjer/ Pictbars-  
den/ Taboriten/ Zussen ic. geundeit/ vñnd mit vollem vnlust

herauß geworffen vnnnd gerügt wirdt/ Wolan hab ich so vil  
 vnlustiger artickeln müssen mit grawen ansehen vnd verant-  
 worten/wil ich nit erst am letzten erligen oder verzagen/ Vnd  
 spriche/wiewol Franc<sup>e</sup> hie wider synis zügibt/das der babst an  
 gottes statt sitze/ So waiße doch die ganze Chriſtenhait/das  
 er solchs thät/nit auß aygner vermessenhait (wie sich Luther  
 in Sachsen vñ Zwinglius bey den Schweyzerē/ für ain babst  
 auffgeworffen hat/so sy bayde vñ nyemant darzū ordenlich er-  
 wölet seind)sonder auß gölichem beuelch Christi/vnd ordens-  
 licher erwölung/der Cardināln/Dann Chriſtus sprach in son-  
 derhait zū Petro/Volge du mir nach/wayde meine schaf/mei-  
 ne lāmblin ic. Jē du bist Petrus/das ist ain fels(wie des Lu-  
 thers Philippius selbs außlegt)vnnnd auff disen fels wird ich  
 bauen mein kirchen/vñ die pforten der helle werden wider sy  
 nit obſigen/Vnd ich werde dir geben die schlüssel der hymeln  
 ic. Wan nun Luther vnd Zwinglius ainē solchen beuelch für  
 sich möchten anſaygen/wer möchte vor irer hoffart bleyben?  
 Das aber Franc<sup>e</sup> fürgibt/ der Babst streitte nit wie die Apo-  
 steln wider die kēzer/daran thāt er im vnrecht/dann offenbar  
 ist/das Leo 10.da Luther ain anfangaller Schwürmery so  
 bey vns in kurzen jarn erwachsen seind)erstlich enckünde/vñ  
 sich in etlichen artickeln wider die kirchen hōren ließ/der selbi-  
 ge Babst ihn vätterlich vermant/gefordert/auch durch bote-  
 schafft/ ja auch ainen Legaten de Latere/ Cardinal S. Six-  
 ti zū Augspurg ersucht hat/auch citirt/vnd mit ernst gewar-  
 net/darnach da nichts helffen wolt/sonder ward Luthers hof-  
 fertiger stolzer gayst von tag zū tag trutziger vnd widerspeni-  
 ger/hat er in inn bann gethon/mit disem gnedigen zusatz/ wa-  
 er innerhalb 60. tagen seines irthumbis nit abſtünde/Da nun  
 diß auch nicht helffen wolt/sonder Luther verachtet den bann  
 vnd begert öffentlich/das er in nymer meß solt absoluirn/we-  
 re es warlich zeit gewesen/mit im zū handeln/wie Paulus mit  
 Elyma dem zauberer/vñ mit Simened et Alexandro/Petrus  
 mit Anania vnd Saphira vñ mit Simone mago/gehandelt  
 hetten/in in tod des flaischs zū gebē/auff das er lernet nit gott  
 lestern.Das aber Franc<sup>e</sup> ain Exempel gibet von Johan. Huf-  
 thut

Ioh. 11

Math. 16.

Phil. Me.

lan. in di.

dymo suo

Luth. ad.

uerf. Bul.

excecrabi.

AA. 11.

1. Tim. 1

AA. 5. 8

thut er dem Babst vnrecht/dann Luth̃er selbs gschriben (wie  
auch die Chronica vnd historia auß weysen) das zuß nit vom Luth. Wi  
Babst sonder vom Concilio zu Costniz/ danoch kein rechter der die tis  
ordentlich erwölter babst ware zur selbigen zeyt als ain schisma. tischen  
was/ verurteilt vnd als ain k̃zer verdambt/ vnd von weltlich lügen.  
chem gwalt verbĩt wordē ist/ Dem selbigē exempel nach (wie  
wol mit zußen/durch ablessigkeit k̃nig Wenzels/ auch zu  
lang geharret was) were vil besser gewest/ man h̃te den Lu Es haisset  
ther flux im anfang/ als er den bañ verachtet/ in tod des flay. Principijs  
sches gegeben/ dañ das hernach durch seine giftige b̃cher so obsta.  
vil tausent Barin erschlagē/ vñ noch vil meh̃ tausent seelen  
ewiglich verloren werden/ Gott gebe noch gnad/ das es zu ai  
nem fridlichen auffh̃ren vñnd seligen ende komme/ weytter  
bl̃tuer gießens vnd seelmõdens zu verh̃uten/ Amen.





